







ILLUSTRISSIMO & EXCELLENTISSIMO
DOMINO, DOMINO
G E O R G I O

Duci in Ossolin , Comiti in Thenczyn ,
S. R. I. Principi, supremo Regni Poloniæ Cancellario , Bidgostiensi , Lubaczoviensi , Lubomlensi , Rycensi , Adzelenensi Præfecto , &c. &c.

Domino meo gratosissimo.



BEllum Chotinense, mole
grave , eventu anceps ,
paucorum licet dierum ,
sub felicissimis auspiciis
Vladislai Quarti , tunc
Poloniarum ac Sueciæ Principis ; at

* 2 nunc

DEDICATIO:

nunc Regis invictissimi, prudenter
cœptum, fortiter gestum, finitum feliciter,
Orbi politiori qui vel nudè
exhiberent, perpauci fuère: vix unus
aut alter, qui singula, quali arte quo-
ve Marte gesta sint, dextrè retulerit;
nemo vero, quod sciam, hactenus
arcana istius belli consilia, inopinatos
gentis nostræ successus, exinde fœ-
dera paulo post subsecuta, solidè atti-
git. Fuerit hæc nostrorum temporum
infelicitas, vel etiam exterorum in-
vidia, quibus solenne est propria tan-
tum & sua laudare, aliorum incuriosi,
haut multum labore. Nostrates sane,
qui bellum hocce scribere aggressi
funt, dum non omnium exactam ha-
berent

DEDICATIO.

berent notitiam, pleraque imperfectè
posteritati transmiserunt. Vnus de-
mum extitit Sobiescius, Vir quæ ge-
neris natales & proprias Virtutes
summus, quæ Polonia est, nemini secun-
dus: tractandis vero negotiis quibus-
vis arduis par omnino; præterea in fœ-
deribus pangendis ultra humanam for-
tem felicissimus, tunc equidem ad ex-
peditionem illam ab Equestri Ordine
designatus belli pacisve Arbitr̄; post
autem, per varios honorum gradus
cum laude incedens, primus tandem
Regni Senator evasit: quam novam
spartam, judicio sapientissimi Regis
Vladislai Quarti, oblatam, adornare

D E D I C A T I O.

dùm aggreditur; in ipso ilicò limine succubuit, jubente eo qui vitæ necisque Dominus est. Hic, inquam, talis ac tantus Reipub. Polonæ Senator, in vivis cum esset, brevi quidem at pleno in compendio Historiam belli Chotinenfis, cuius ipse magna pars fuit, summa dexteritate ac fide consignavit, ut sibi suisque aliquando usui foret. Cæterum ubi post fata demùm Illustrissimi Viri, (felicitate quadam mea, an seculi?) ad meas pervenit manus, piaculi instar duxi, nî fætum tanti Viri ab interitu, cui cuncta subjacent mortalia, pro virili mea vindicarem, atque vel tali modo pius existerem erga manes maximi Senatoris,

D E D I C A T I O.

toris, cui parem aliquando Respub. Polona habuit, superiorem haut æquè: idque opus posthumum, omni cedro dignum, in scenam literariam, typo nitidiore descriptum, producerem. Sic enim est, ut fama cujusque post cineres haut longius duret, quam literæ jubent, in quibus perpetuo vivitur, si quid magnum æternumque esse debat. Dum verò prædictum opus Historicum in publicum edere paro, quærendus non tam illi, quām mihi patronus erat, me qui fortiori manu defenderet adversus quorundam zelum, si ita loqui liceat, intempestivum, qui nudam synceramque veritatem ægris adspiciunt oculis, ut nec

Solem

D E D I C A T I O.

Solem ferre possunt, queis visus est hebetior. Sed nec longè quærendus ejusmodi veniebat Patronus, cum Tuæ divinæ Virtutes, Illustrissime Heros, jam olim me, qui in Orbe sum minimus, quàm universum Orbem, & quidquid in eo præclarum reperitur, in sui admirationem traxere. Res Tuas, laudabiliter domi forisquè gestas, omnes loquuntur, qui Te unquam viderunt, audiverunt. Audivere Pontifex, Imperatores, Reges, Republicæ, eloquentiam summam cum maxima prudentia junctam. Videre majestatem vultus in corpore specioso, elegantiam in singulis membris & admirati sunt. Ipsa verò etiam Roma,

Vrbium

D E D I C A T I O.

Vrbium ac Religionis caput, penitus obstupuit, ubi insolitum comitatum, inauditum antehac Tuorum affeclarum splendorem, quem in solenni Legatione, nomine serenissimi Regis Tui, præferebas, suis adspexit oculis. At Polonia, in cuius Tu suprema specula constitutus, Te Iustitiæ summum antistitem, bonorum asylum, malorum verò terrorem laudat æternumque laudabit. Bonæ etiam literæ, quæ Rerum publ. fulcra sunt & ornamenta, Te unicè suspiciunt, quòd immortalis Dei beneficio cælitus datum, quantum singulis ingenio, doctrina, eloquio, prudentia prævales, tantum universis palmam præripere

* *

affi-

DEDICATIO.

affiduè contendas , eas autoritate Tua, quæ summa est fovendo , atque eximiis beneficiis promovendo. Tibi ergo, Princeps Illustrissime jure quodam proprio hocce etiam opus consecrandum erat, quod à tineis & blattis per me vindicatum, Tuis augustis faustisque ominibus in æternitatis ædem inferretur. Sed & alia supereft dedicationis meæ causa. Volui omnino memoriam Illustriss. Celf. Tuæ per hoc renovare (quam tamen scio nunquam apud Te intermorituram) maximi illius senatoris , Illustrissimi Sobiescii , Tibi verò etiam quondam intimi ac conjunctissimi , quippe quem ad Tuas incomparabiles Virtutes.

DEDICATIO.

tes proximè accedere judicabas , eoque intensius amabas , quod in ipso , propè Te ipsum cerneret. Accipe ergo , Princeps Illustrissime , seculi decus , Tui quondam paris , hoc est summi in Republica Polona senatoris , & innocentis Viri opus magnum solersque de Bello Chotinensi , & quotiens per graviora Reipublicæ negotia licuerit , in eo tanquam in tabella aliqua contemplare veterem amicum ; res verò ab illo pro Patria eo in bello gestas , literisque consignatas oculis ac mente quandoque revolve. Mihi vero , qui eximiarum Illustrissimæ Celf. Tuæ Virtutum admirator semper extiti , clementer concede , quò sub

** 2 umbra
6

DEDICATIO.

umbra illarum non minus securè,
quàm cum laude vitam ejusmodi
vivere queam, quæ omnibus pro-
desse nemini obesse unquam voluit.

Dantisci 15 Novembris
Anni 1646.

*Illusterrima Celsitudinis
Tuæ
Devotissimus cliens*

GEORGIVS FÖRSTERVS.

COMMENTARIORVM CHOTINENSIS BELLI LIBRI TRES.

Autore IACOBO SOBIESKI,
In eâ Expeditione ex Ordine Equestris Commissario,
post verò Castellano Cracoviensi, &c. &c.

LIBER PRIMVS.



Onstitutum mihi est descri-
bere Sigismundi Tertii Polo-
niæ Regis, contra Osmanum
Turcarum Imperatorem, ex-
peditionem : bellum certè,
quod unquam memoria hominum protu-
lit, aut ætas mortalium vedit, maximum;
apparatu & copiarum numero formidolo-
fissimum, rerum gestarum magnitudine ce-
leberrimum, ipsâ verò celeritate, & pro-
spero eventu, supra omnium seculorum
fidem, stupendum; ubi non in longinquis
& diversis regionibus, sed è vicinis castris,
atque adversâ ex propinquo acie, non plu-
ribus annis, tantò minùs mensibus, sed pau-

A cis

B E L L I C H O T I N E N S I S ,
cis diebus unius Regni nec integer exer-
citus , cum tribus fere Orbis partibus de-
certabat, vixque non totius rei Christianæ
extrema alea ac fortuna, ad Tyræ verteba-
tur ripam , ut Chotinum proximioribus
antea provinciis notum , nunc Turcarum
cladibus nobilitatum , in ultimis terrarum
finibus per seram posteritatem claresceret,
& magnis scriptorum ingenii exercendi
styli latissimum campum præberet. Juveni
verò feroci , ac indomito Tyranno, Caro-
lum Chodkiewicum Palatinum Vilnen-
sem, Magni Ducatus Lithvaniæ supremum
Ducem, ut ætate, ita judicio maturum, va-
riisque bellorum casibus eruditum , occul-
to quodam cōsilio fata opposuere. Quin
imò hoc etiam spectaculum casus edidit,
ut duo juvenes Principes , nascendi forte
pares, hinc Vladislaus primogenitus Sigif-
mundi filius, illinc Osmannus, pro tot po-
pulorum salute ac gloriâ in arenam descen-
derint.

Eo igitur ordine , quem ipse metu vidi , &
diligentiùs observavi, eâ fide, quam Com-
missarii

L I B E R P R I M V S .

missarii officio functus in omnibus consiliis
adhibui , totius belli , quadraginta diebus
gesti & confecti , seriem persequar : cùm
nihil Turcis (nam & in hostibus virtus fo-
let esse admirabilis) per injuriam aut odium
detracturus : tum nec plūs æquo Polonis,
ob innatum in patriam studium , concef-
furus.

Quàm primùm Othomanici Imperii mo-
les, Africæ jam, & Asiæ gravis,in Europam
se exeruit, ac translatâ suâ Constantinopo-
lim sede , Græcis & Triballis latè domi-
nari cœpit : Poloniæ quoque Reges , vici-
narum Provinciarum , gentiumque , origi-
ne , cognatione , & linguâ fibi conjuncta-
rum , extremis calamitatibus præmoniti ,
barbarorum magis indies crescentem for-
tunam ditionibus etiam suis habebant su-
spectam. Inde cum Bajafete , & Selimo ,
illo filio , hoc Mehmetis secundi nepote ,
Casimiri tertii , ejusque liberorum mutua
intercesserunt foedera , pluribus legationi-
bus, ac ipso sacramento utrinque stabilita,
incontaminata coluit fides. Hanc à majo-

*Amicitia
Polonorum
cum Tur-
cis.*

A 2 ribus

4 BELLI CHOTINENSIS,

ribus unà cum imperio traditam sibi amicitiam Sigismundus primus, omnium ætatum memoriâ dignus Princeps, par pari retulit Solimanus, inter Turcarum Imperatores rerum gestarum gloriâ eminentissimus, qui sæpiùs multa propensissimæ in Polonos voluntatis indicia edidit, vetustaque foedera sanctioribus adhuc, ac æterno quodam nexu duraturis pactis resarcivit, quæ in honorem memoriamque ejus SOLIMANA appellata, ad hunc usque diem, non sine magnâ veneratione, à Turcis leguntur. Sed rerum humanarum Imperiis etiam adjuncta vicissitudo interruptum nonnunquam hæc constantissima pacis studia. Stephano enim Palatino Moldaviæ contra Ioannem Albertum lata auxilia, conjuncta in ipsius Russiæ visceribus cum acerrimo Poloni nominis hoste socia ac infesta arma, cum Sigismundo primo regnante, in Oczakoviensibus campis sæpius cum multuâ prædâ consertæ utrinque manus, & aliquot postea in Podoliæ ac Russiæ Provincias subsecutæ incursionses, non leviter

*Polono-
rum &
Turcarum
rupta a-
amicitia.*

tam

LIBERT PRIMVS.

5
tam Polonorum, quam Turcarum irritarunt animos, non sine certo quodam præsagio funesti aliquando inter hos populos belli. Augusti tamen & Stephani, prudenterissimorum Regum, insignis solertia, omnes majoris incendii scintillas sopiente, sancta olim à Divis majoribus suis fœdera, iteratis vicibus redintegravit. Ingemiscet multoties alti spiritus & vasti animi Princeps Stephanus, communibus malis ac periculis per totam Christianitatem serpentibus: atque Sixto V Pontifice Maximo ad sacri belli piam societatem invitatus, volvebat Regiâ mente dignos virtute suâ conatus: sed difficillima imperii sui tempora, & continuata cum Ioanne Basili Magno Moschoviæ Duce bella retinebant pares animo impetus. Tandem viam fata invenerunt, tantique, ut mox exponemus, belli cum discrimine belli gloriam Sigismundo huic Tertio, non sine magnâ tot ætatum & Christianorum Principum invidiâ reservarunt. Aliis enim concessum erat de longè tantum fremendo

A 3

Turci-

9

6 BELLI CHOTINENSIS,

Turcicam potentiam admirari ; aliis laceſſere potius , quām labefactare. Solus eam ac primus Sigismundus summo ausu impetiit , & foelicissimo eventu infregit. Ex-
Occasio
prima bel-
li Turcici.
 canduerat jam pridem Tyrannorum fero-
 cia , cūm ſæpius à Cosacis Zaporoviensib-
 bus, piraticam exercentibus, solo adæqua-
 rentur maritimæ urbes, igni & ferro vasta-
 rentur fertilissimæ provinciæ , opibus ac
 mercibus suis spoliarentur celeberrima Eu-
 ropæ & Afriæ emporia. Nonnunquam et-
 iam Imperatoribus, oculos hortorum suo-
 rum amoenitate oblectantibus , triste &
 pudendum objiciebatur ſpectaculum , fu-
 mantes nempe undique pagi , quos Cosaci
 in ipsâ Constantinopolis viciniâ, cum ma-
 gnâ potentissimæ urbis conſternatione, in-
 cendebant : Vindicta quidem anniversariis
 Tartarorum in ditiones Poloniæ excursio-
 nibus repetitâ : altius tamen barbarorum
 animis inhærebant continuatæ ab infimâ
 plebis fæce injuriæ: Conceptum Turca-
 rum in Polonos odium facile fovit Ste-
Clades
Potocii,
 phani Potocii in Moldaviam expeditio ,
 quem

LIBER PRIMVS.

7
 quem eò impulit contracta cum Mohiliſ
 affinitas, ut multis Regni proceribus fren-
 dentibus , privatâ autoritate , ſuifmet viri-
 bus , & ſpe ſolâ fretus, cum exercitu Con-
 ſtantinum Hieremiæ filium in Moldaviam
 duceret. Sed fortuna votis non annuit ,
 nec ſpei eventus respondit. ad Dziezam
 enim fluvium memorabili clade cum le-
 otissimo exercitu affectus, & in manus ho-
 ſtium illapsus , Turcarum furori in ludi-
 brium ceſſit. Nec diſſimilem exitum Sa-
 muel Korecius ſortitus eſt , qui Michaëli
Coreci.
 Duci Wiſniowecensi ſuperſtes , affinis item
 ſui Alexandri Mohilæ , partum inſigni Po-
 lonorum de Thomſzâ victoriâ domina-
 tum ſtabilire cupiens , ab Imbraim Bassis
 profligatus ; unâ cum uxore , ejusque ma-
 tre , & cum Alexandro ac Bohdano Mohi-
 liis , ipfe tamen rerum per aliquot menses
 præclarè geſtarum gloriâ & apud hostes
 clarissimus in Turcarum venit potestatem,
 reſervatusque in funeſtam inſolentis tri-
 umphi pompa , Constantinoli in eo-
 dem , quo & Potocius , ergaſtulo , misera-
bili

8 BELLI CHOTINENSIS,
bili quodam fato delituit. Continuatis
utriusque exercitus cladibus plurimùm in-
tumuerant Barbari ; jam Polonum nomen
in fabulam totius Constantinopolis ver-
sum ; Internuncii non in eo , quo pridem ,
honore habiti ; mercatoribus etiam more
prisco difficilior & periculosior per ditio-
nes Turcicas patebat aditus , omninoque
veteris amicitiae inter duo imperia arcta
olim vincula , mox in apertum eruptura
bellum , dissolvi cœperant. Ejusmodi in-
cendi scintillas fovebant Moschi , invete-
rato odio in Polonos perciti , ac recenti-
bus cladibus exulcerati. certatim cum li-
teris currebant Constantinopolim nuncii ,
veniebant magno cum apparatu & splen-
dore , variis muneribus onusti legati , variis
que pollicitationibus in communis belli
societatem Othomanicum Imperium tra-
hebant. Extincto Achmeti filius ejus Of-
manus , necdum pueritiam egressus , suc-
cesserat , cuius animus paternis offensioni-
bus exulceratus , ut eò facilius deliniri ac
Polonis reconciliari posset , post subsecu-
tam

LIBER PRIMVS.

tam cum Patre Achmete per Skinder Bas-
sam & Stanislaum Zolkievum Palatinum
Kyoviensem , & Campestrem exercitus
Ducem , Buszensem transactionem , ad no-
vum Principem renovandi foederis causâ
suscepit legationem Petrus Ozga Trem-
bovelensis Capitaneus , qua omnibus ini-
micitarum suspicionibus sublatis optata
iterum pax coaluisse existimabatur. Verùm
Osmanus tantis fortunæ obsequiis inso-
lens , latissimi Imperii vastitate tumens , in-
genio ferox , ætate furens , in ipso extremæ
adulationis sinu inter innumeris blandien-
tium mancipiorum illecebras enutritus ,
non unum Oceanum , nec unum orbem in-
sanâ libidine , ac plus quàm humano fastu
metiebatur : imò quasi naturæ etiam Do-
minus , nihil furori suo invium , nihil po-
tentia inaccessum , nihil fortunæ invictum
putabat. Principis genio indulgebat servi-
lis Consiliariorum patientia. Skinder Bassa
dolis & astu confutus , innatusque Polo-
niæ hostis , Corecianâ verd clade elatus ,
non solùm illi indubitatum de Polonis vi-

Transactio
Bussensis.

Paracula
belli Cho-
tinensis.

B ctoiam,

10 BELLI CHOTINENSIS.

ctoriam , sed jam universum Poloniæ Regnum pro certâ & incruentâ prædâ deferebat. Tomszâ & ex Moldaviâ ejectus , ac inde gravioris de Polonis vindictæ cupidus , fidelem suam operam promittebat , belli- que felicitatem , prout odium in hanc Rempubl. conceptum , & mens mendaciis as- sueta vafro homini dictabat , tam in priva- tis , quâm publicis consiliis , & ipse , & per substitutas , magnoque precio conciliatas personas ostentabat. Ali Basza Wezirafemesz fraudulentis infensissimorum Polo- niæ hominum consiliis parvo negotio in- fatuari poterat : nullo enim usu rerum pol- lebat , Palatii alumnus , ac antea Principis libidinum minister , tunc voluntati quoque Domini , per fas & nefas , fœdissimo servi- tio ancillari , inter præcipuas felicitatis suæ partes reputabat. Eorum igitur instinctu Osmanus Otsinovium , Sigismundi inter- nuncium ad corrigendos nonnullos pacto- rum articulos , tanquam ad amicum & so- cium Principem missum , nec aspectu di- gnatus , loco honoris , quem sacra legatio-

num

LIBER PRIMVS.

num ubique terrarum requirunt , adjunctis multis opprobriis , contumeliosè tractari , & per Sulbassam , Carnificum ac lictorum præfectum , in Vrbem introduci jussit. Gaspar Gratianus Moldaviæ Palatinus , Christianâ pietate , & optimâ in Regnum Poloniæ voluntate ductus , per dispositos tabellarios , Sigismundum de tantâ Regiæ Majestatis contumeliâ , ac aperto bello Turcico , certiorem reddidit. Ipse verò Turcarum jugum excutere satagens , Sta- nislauum Zolkievum (qui tunc ob sua insi- gnia in Rempubl. merita , Cancellarii & Supremi exercituum Ducis , summam in Poloniâ utramque dignitatem obtinebat) per secretas literas solicitabat ; Ut cum exercitu fines Moldaviæ ingrederetur ; Se cum universâ Provinciæ illius Nobilitate Regum Poloniæ Dominium non modò non recusare , sed maximo desiderio flagi- tare. Zolkievius , post magnam animi lu- Expeditio
Cecoren-
fis.ctam , variasque deliberationes , Tyram in Moldaviam transgressus , ardentissima ejus vota explevit. Gratianus Turcis , qui ad

B 2 eum

A2

12 BELLI CHOTINENSIS,

eum capiendum, & Skinder Bassa, maximis itineribus Iassos advolarunt, partim captis, partim trucidatis, licet non eâ, quam pollicebatur, accolarum frequentiâ, fidem tam en Reipubl. obstrictam exolvit. Longo servitio attrita Moldavia gens, & malo suo potentiam Turcicam experta, majus fortè Zolkievanarum copiarum robur expectabat. Parvus ille quidem numero exercitus censemebatur, sed tum Militum virtute, tum vix aliquando tot seculis auditâ inediæ, laboris, vigiliarum tolerantiâ, ævi sui fidem superando, pro ostento quodam à posteritate judicabitur. Numerosissimis enim Tartarorum, duce Devletgerejo Galga (hoc titulo insigniuntur secundogeniti Chamorum fratres) copiis, & conjuncto illis Skinder Bassæ, non solum tam parva, respectu hostilis exercitus, manus fortissimè restitit, impetumque barbarorum sustinuit; sed paucæ illæ cohortes, nocturnâ multorum ex panico terrore fugâ, diminutæ, octo fere in suo receptu diebus ac noctibus, tantam Turcarum Tartarorumque

LIBER PRIMVS.

13

rumque vim, & quasi è cœlo demissum sagittarum ac globorum nimbum, eâ fortitudine repulerunt, ut impetu suo fatigatus hostis, & retro gradum movens, jam tunc substiterit; cum funestus Reipubl. Polonæ casus, in portu naufragium, ac in victoriâ cladem attulerit, magisque eð lugubrem reddiderit cladem, quòd sola calonum, lixarum, ac infimæ in exercitu fæcis inconcussa licentia, talem patriæ suæ notam inusserit. Puduit Zolkievum, ut alterum Paulum Æmilium, ne enim cladi suæ superstes esset, invicto animi labore, quo si bi in totâ vitâ semper constabat, cum Tar taris dimicando, in conflictu aliquot vulneribus faucius, non procul à Tyræ versus Mohilovum ripâ, pro patriâ occubuit. Stanislaus verò Koniecpolius Campestris Exercitus Dux, Varronis illius exemplo, non desperavit: qui animo, manuque promptus, dum equo abjecto, ab hostibus undique cinctus, per tot catervas acerrimè pugnando erupisset, in Moldavorum priùs, ac mox & in Turcarum manus incidit.

B' 3

Capti,

13

¹⁴ BELLI CHOTINENSIS,

Capti, Ioannes & Lucas Zolkievii, unus filius, alter ex fratre nepos supremi Ducis, & cum iis Nicolaus de Komorow Strus Haliciensis, Alexander Balaban Vinnicensis Capitanei, Samuel Corecius iterato in fortunio miserabilis, Martinus Kazanoviis, Nicolaus Potocius Iacobi Palatini Braclavienfis filius, Volodimirus Farenbach, Malinscius Strzyzovius, & omnes ferè agminum & cohortium Præfecti, fortissimi juxtā ac clarissimi viri, numerosaque varii gradus & ordinis militum multitudo. Sed minimè dubito, belli hujus ut rationem, ita eventum eos posteritati tradituros, qui illi interfuerunt. mihi hæc vel attigisse, ad prosequendam posterioris expeditionis seriem, sat erat.

Talia Martis præludia Osmani animum, sanguinolenta consilia spirantem, facile irriterunt. ad instar enim cruentæ belluæ furens, Regno Poloniæ in omnibus Imperii sui partibus bellum denunciavit. proclaimabantur passim à præconibus, per Asiæ & Africæ regna, provincias, urbes, vicos, hostes

Denuo-
tiatio apud
Tyrcas
belli Po-
loni.

LIBER PRIMVS.

¹⁵

hostes Othomanicæ domus, Poloni. vix sexus, nulla ætas, aut gradus, ab hac expeditione immunis declarabatur. Europæis, & vicinioribus Constantinopoli copiis fistendi se dies in primis edicta. Dziambegerejus Tartarorum Krimensium Cham (id nomen apud eos Regium nomen denotat) ex Tauricâ Chersoneso accersitus. Osmani ipsius in futuro bello præsentia, equinâ jubâ ex palatio appensâ, tanquam sueto majorum suorum signo, omnibus manifestata. Ad pontem supra Danubium fabricandum, Moldavia & Bulgaria, non sine profundo suo gemitu, destinatæ, quod impia contra Christianos arma servili operâ adjuvare cogerentur. Quicquid verò ad tantum apparatus in Europâ defuit, mare ex longinquis illis oris summâ celeritate, maximâ copiâ, ingenti sumptu suppeditabat. Devoraverat jam feroci suo animo universam Poloniam indomitus Tyrannus; arces ejus, urbes ac provincias, tanquam indubitata spolia, inter Bassas, libidinum suarum mancipia, dividebat. Ætate tamen

prove-
14

•6 BELLI CHOTINENSIS,
provectiores, & prudentiâ eminentiores
ejus consiliarii, (inter quos Mofti, sacro-
rum summus Præses, & Halil Bassa, origi-
ne Armenus, autoritate pollebant,) variis
rationibus injustam, difficilem, & longin-
quam in Poloniā expeditionem dissua-
debant. Mustapha Vezirazemes, præpo-
steros ejus conatus liberiūs arguendo, à
propriis Tyranni manibus cultri ictu vul-
nus accepit. Arioli quoque omnia infau-
sta superstitionibus suis præfagiebant.
Cum nihil horum obstinatam Osmani
mentem, fatis eum ad interitum suum tra-
hentibus, divertisset, ad primum pericu-
losissimi belli nuncium exhorruit Polonia,
contremuit & universus Christianus orbis.
Varsoviæ Comitia Ordinibus indixit Rex.
ac primùm ad Pontificem Max., Ferdinandum Imperatorem, & omnes ferè Christianos Principes; expeditis legationibus, classicum sacri belli per totam Christiani-
tatem canebat, contra communem hostem
communia expectando auxilia. Nihil enim
æquius videri potuit, quām ut Christianæ
militiæ

Comitia
Varso-
vienſia.

LIBER PRIMVS. 111 17
militiæ antesignanus, Princeps non solùm
votis, sed & subsidiis Christianitatis juva-
retur; utque Regnum Poloniæ, quod in
excubiis Reipubl. Christianæ situm, & ad
sustinendum primum Paganorum impe-
tum, vel ipsā quadam naturæ dispositione
effet constitutum, conjunctâ eorum pro-
pugnaretur manu, qui sacrosanctum Chri-
stianorum nomen profitentur. Ac Grego-
rius, ejus nominis X V Pontifex Max. per
Achatium Grochovium Præpositum Leci-
censem, Regisque Secretarium, nunc Epi-
scopum Præmisliensem Nominatum, & ad
Sacram Sedem Internuncium, certam quo-
libet mense pecuniæ summam, durante hac
expeditione obtulit, majores adhuc pro-
mittendo sumptus, quām primùm Ferdi-
nandi Imperatoris cum rebellibus hære-
ticis bellum (à quo Ecclesiæ fiscum exhau-
riri affirmabat) aut certâ victoriâ, aut ho-
nestâ pace finem acceperit. Verùm Cos-
mus de Torres, Archiepiscopus Andrinopolitanus, ac Nuncius ordinarius, in Polo-
niā, his ferè diebus Cracoviam appulit,

C quibus

quibus transactionis Chotinenfis fama ad eum pervenit , nullaque interpositâ morâ , confecti jam belli Pontificem certiorem reddidit. Iacobus Angliae Rex , cùm & Oratorem Regium, Georgium Ossolinum, Palatini Sendomiriensis filium , lautè & magnificè tractasset , & singulare suum in Rempubl. Polonam studium declarasset ; non contemnendis Anglorum , Scotorum & Hibernorum copiis , Sigismundi exercitum aucturus erat , nisi temporis, quo bellum hoc Turcicum inceptum & finitum est , angustiæ modum ac occasionem illi præclusissent. Cæteri Christiani Principes, partim antiqua sua cum Turcis fœdera , partim intestinos ac domesticos motus , belli demum difficultatem , in excusationem adducentes, piissimos Sigismundi pro re Christianâ conatus omnino deferuerunt.

In Comitiis Varsovienibus varia agabantur Confilia , de nervo belli , militum numero, & exercitus Duce. Omnia Ordnunora conversa , animique simul erant incli-

inclinati in Carolum Chodkievicium Palatinum Vilnensem , Magni Ducatus Lithuaniae supremum Ducem , autoritate , rei que militaris usu ac scientiâ pollentem , multis victoriis , insignibus trôphæis, clarissimis triumphis , apud exterias ac barbaras etiam gentes celeberrimum. Illi igitur sumnum regimen & res Polona restituenda , unanimi Reipubl. consensu, deferebatur. Suffectus in locum campestris Ducis, laboris socius Stanislaus Lubomirscius Regni Pocillator. adjuncti publicâ lege ex Ordine Equestri Commissarii, quorum alii in aulâ Regis commorari , alii Chodkievicium sequi debebant , cum limitatâ secretiori diplomate , ac juramento obstrictâ potestate , quæ se extendebat ad trutinandum cum censu belli sumptum , solvenda militibus stipendia , absolvenda cum ducibus judicia , sancienda fœdera, & fida confilia , quoties ad ea accerferentur, præbenda. Eorum autem non decet præteriri nomina , qui huic expeditioni interfuerunt. Nicolaus nempe Sieniavius Regni Incisor,

20 BELLI CHOTINENSIS,

Matthæus Lesniovius Belzensis Succamerarius, Michaël Comes in Tarnow, Iacobus Marci Sobiescii Palatini Lublinensis filius, Ioannes & Paulus Dzialynii, hic Pokrivnicensis, ille Bratianensis Præfecti, Nicolaus Kossakovius Visnensis Capitaneus.

*Contribu-
tiones in
bellum
Turci-
cum.*

Subsidia belli hæc, autoritate Comitiorum fuere decreta, præter universæ Nobilitatis, more institutoque majorum, generalem expeditionem, octo agrariæ contributiones, binæ ducillæ (eo vocabulo ab antiquis in Regno legibus census ex cervisia nominatus) binæ quartæ Regalium bonorum, & ex eisdem in magno Ducatu Litvaniæ donarium, quod illi bono magis exemplo, & laudatissimo in communem Rempubl. studio, quæm conceffo jure largiti sunt. Ex bonis item summis antiquitus oneratis & pensionibus certa pecunia assignata. Ordo quoque spiritualis in Synodo Petricoviensi centum quinquaginta millia florenorum ad sacrum bellum contulit.

Exercitus numerus, ob plures, qui postea ex-

LIBER PRIMVS.

21

ea exponentur, defectus, à primo Comitiorum instituto longè differebat. Constat mihi tamen, pecuniam ex ærario publico in Chodkiewicianum exercitum distributam, tam pedites Germanos, Hungaros & Polonos, quæm hastatos levis & gravis armaturæ equites, computando in 34 millia, 987 milites, præter aliquot agmina Germanorum, qui pudendo & fœdissimo exemplo in ipsis limitibus signa deseruerant. Eâdem fraude multi & in Polono exercitu, cum magno fisci detimento, nomen suum contaminarunt. Kozakorum Zaporohtensium triginta millia numerari poterant, quorum magna pars per ditiones Podoliæ prædabunda bellum Chotinense subterfugerat.

De expeditione generali nihil à me determinati expectet posteritas. Cùm enim non omnes Palatinatus ac districtus cum Sigismundo Leopolim ad indictam diem venissent, nec horum etiam certus numerus patet. Inter aulicas tamen Sigismundi cohortes mercenarii militis peditum &

C 3 equi-

XVII MBP Łódź
41



*Exercitus
Polon.*

22 BELLI CHOTINENSIS,

equitum Germanorum censebantur aliquot millia. Magnatum etiam (præter hos, qui, ut memorabimus, Vladislaum sequebantur) propriis sumptibus collectas cohortes præteriri h̄ic non decet: Dominici Ducas in Ostrog Zaflaviensis, Ianussii Ostrogienfis Castellani Cracoviensis amplissimi hæredis, 600 peditum & equitum milites: tum Raphaëlis Lesczynii Palatini Belzenfis centum hastatos, Iacobi Sobiescii Palatinidæ Lublinensis levis armaturæ turmam, item Szafszkiewicci Braclavienfis Sucamerarii, Malinscii, Raseczynii manipulos. Aderat & Georgius Dux Czartorienfis, qui in itinere à Tartaris vexatus, & vix non omnibus equis amissis, desideratis plurimis famulis, ipse tamen jacturæ superstes in castra venit. Tormenta bellica, quibus nos Cosaci fere adæquabant, viginti octo in castra fuerant advecta.

Atque hoc Poloni, quem recensui, sumptu, tali apparatu, iis viribus, quibus omnibus majorum memoriam superarunt, cum Osmano Turcarum Imperatore, de salute

LIBER PRIMVS.

23

salute ac gloriâ suâ decertarunt. Atrocissimi belli observabantur prodigia, in defetu sub ipsum meridiem Solis, terræque motu per diversas Moldaviæ, Podoliæ, Russiæ partes. Apparebant quoque in aëre confligentes inter se igneæ columnæ.

Chodkievicius, antequam reliquæ colligerentur copiæ, primas Lubomirscio excubias demandaverat, qui ad Skalam Podoliæ oppidum, ultimis Maji diebus, ingressus castra, loci naturâ, ob invias rupes, & Zbrutium fluvium alluentem, munitissima, vigilantis ducis exequebatur munus, exploratores sæpiùs in hostiles ditiones immittendo, & novis semper præfidiis vicina Tyræ vada sepiendo, subitaneasque è Moldaviâ Tartarorum incursionses reprehendo. ubi Simeon Kopyczynius, vir animi & corporis robore validus, ac multis antea bellis exercitatissimus, singularem ei operam præstítit. Podolicæ etiam nobilitatis rustici, inter sylvarum ac rupium saltus, cæsis ad internacionem Tartaris, ferociam eorum refrænarunt. Venerat in Ca-

stra Lu-

*Castra ad
Skalam.*

24 BELLI CHOTINENSIS,

stra Lubomirscii Constantinus Vevellius , genere Cretensis, Cretensi quoque ingenio præditus, & postea in Christophori Ducis Zbaravii legatione ad Mustapham Imperatorem , notabili perfidiâ insignis , nomen quidem Christianum præ se ferens , sed Turcis , unde opibus creverat, propensissimus. Secretiora ille ab Alexandro Moldaviæ Palatino attulerat mandata , unâ cum literis Vsaim Bassæ monoculi , qui Turcarum confinia in Bessarabiâ tuebatur , & januæ Imperatoris Præfecti , qui apud Turcas magistratus pro summo honoris fastigio reputatur. Tentabant per Constanti-
num , Polonorum de pace animos , quam speciosis quidem verbis blandè suadebant, fictum in eâ refaciendâ studium suum obtestati. Sed eventus docuit , explorandi potiùs , quām amicitiæ causâ missum in castra ab iis fuisse , natione , fide , moribus Græcum hominem. Lubomirscius in absentiâ Chodkievicii nullo ei responso dato , honorificè , ut Christiani Principis Internuncium, exceptum, lautè propriis sum-
ptibus

LIBER PRIMVS.

25

ptibus tractatum , in vicino à castris rure, sub honestâ custodiâ , usque ad supremi Ducis adventum, detinuit. Nec Chodkiewicius tardavit , sed cum Litvano exercitu ad Rzepnice pagum Lubomirscio se con-
Castrum ad Rzepnice.
junxit , ac statim universum exercitum in legiones partitum , ad Braham , Tyræ imminens oppidum, movit. Anteibant legio-
nes , Boratiniana , Præfecti Lipnicensis , Lesniovii Belzenfis Succamerarii , & Lu-
bomirsciana . succedebant Zienoviana Castellani Polocensis , Sieniaviana Inciso-
ris Regni, cum Procopio fratre , Chodkiewiciana & Sapiehana Capitanei Orsanen-
sis: subsequebantur Zoravinsciana Castel-
lani Belfensis, Opalinsciana Castellani Pos-
nanienfis, Kossakoviana Capitanei Visnen-
sis: quæ postea tum in acie instruendâ, tum in muniendo ac defendendo vallo , & ex-
cubiis peragendis, eadem nomina obtinuerunt. Ibidem instituti excubiarum præfe-
cti , Wiernek , Bogdaszovius , & Kazimi-
rius ; destinatus ad castra metanda Dol-
mad , Litvanus , veteranus miles sub signis

D Chod-

19

*Castra ad
Braham.* Chodkievicii, quem magna tunc distinebat deliberatio, transeundusne cum exercitu Tyras erat, an in ipsis limitibus expectandus hostis, ubi difficilior ei aditus patet, sibi verò pabuli, annonæ & victus copia faciliùs suppeditaretur, atque reliqua ex Poloniâ subsidia securiùs in castra venirent.

Ex alterâ parte Regis aliquot literæ ulteriorem progressum urgebant: permovabant duces Nobilitatis Podoliæ, continuæ de rapinis militum querimoniæ; locus ipse trans Tyram & ad castra metanda aptissimus, & in acie instruendâ variorum stratagematum capacissimus, mirum in modum utrique Duci placebat. Brahae denique inhærere minus tutum censebatur, ne exercitus validissimo Kozakorum Zaporohensium præsidio destitueretur, qui legatione suâ unanimem consensum Chodkievicio declararunt, se tunc exercitui Polono conjuncturos, cum is fines Moldaviæ attigisset, aliàs in perpetuo versari metu, ne Res publica Turcis per aliquam transfactionem recon-

reconciliata, collectas in potentissimos hostes vires in capita postea sua convertat. Iacta igitur alea est, publicatumque per castra de transeundo flumine imperatorum mandatum. Ad instar portenti & prodigi omnibus videbatur, vertiginosum ac saxosum Tyram tunc primùm quasi subjugari pontibus velle, cùm hactenus tentatum ejusmodi in pluribus locis opus vi semper suâ rapidissimus fluvius discusisset. Mobilem jam pontem extruxerant pedites; sed is grandi aquæ impetu fractus, Rutheno cuidam (Lithvanum alii fuisse volunt) exhibuit non vulgaris industriæ singulare specimen. firmiorem ille operam inchoaverat, imò & perfecerat: verùm ea, seu artificum aliorum imperitiâ, seu custodum negligentia, aliquoties destructa, iterum atque iterum reparabatur. Interim Constantinus Vevellius ad Chodkievicum accersitus, tale accepit responsum: *Vt sibi animum esse ad capessenda pro patriâ arma promptissimum; ita quoque propensissimum in honestam & æquam*

*Pons supra
Tyram.*

*Responsum
Vevellio
datum.*

pacem studium. Tardioris ejus in Moldaviam reditus conjecta causa in Tartarorum excursiones, quæ difficiles viarum aditus reddebat. Datæ ad hos omnes, qui ad Lubomirscium scripserant, literæ. Singulari etiam Chodkievicii Epistolâ interpellatus Vsaimus Vesirafemes ad sana pacis consilia per Szembergum Internuncium invitabatur. Atque Szemberganæ legationis, hominis sagaci ac circumspecto ingenio prædicti, morisque barbarorum non ignari, hunc solum fructum expectavimus, ut eo prætextu mentes & vires Turcarum expiscari ille posset. Tanta elucebat in vultu Chodkievicii majestas, ut Constantinus, ad primum ejus aspectum, tanquam ad numen aliquod venerabundus procidere voluerit, nisi ipsius Ducis manu sublevatus, & singulari comitate recreatus è tentorio discessisset. Post ejus certè obitum, in familiari colloquio, me ipso audente, aliquoties narrabat, Herois illius intuitu adeò se perterritum & consternatum fuisse, ut lingua ejus tunc balbutiret,

tituba-

*Szembergi
legatio.*

titubarent pedes, tremeret totum corpus, nec mens sibi constaret.

Continuis aliquot diebus exortus in exercitu magnus Cohortium fremitus transitum per Tyram impediebat. Passim ac turmatim milites Præfectorum suorum tentoria obibant, obruebantur Duces importuno clamore, miscebantur omnia, modò irâ, modò dolore, nunc precibus, mox minis. languebat jam solitum obsequium, dissolvebatur disciplina militaris, contemnebantur utriusque Ducis jussa, æquè tyro ac veteranus, civis ac externus, gregarius & nobilis, pedes & eques, castra querimoniis implebant; pecuniâ & commeatu exercitum destitui, in stipendiis fraudari, multa sibi opponi pericula, nulla proponi præmia; imminere hostes, tardare subsidia; cuilibet denique cohorti celari inauatoria fuisse diem. Chodkievicius, quò pululantem feditionem in ipsis primordiis facilius oppimeret, lymphatos ferè homines ad concionem vocare detrectavit. sed inito consilio cum omnibus Commissariis,

*Initia se-
ditionis
militaris.*

30 BELLI CHOTINENSIS,
quibus ex præscripto Comitiorum id ne-
gotium præcipuè incumbebat, singulis co-
hortibus eundem suæ inauctorationis, quo
castra ingrediebantur, diem assignavit, &
unum ex Commissariis Iacobum Sobies-
cium Palatinidem Lublinensem, cum Ste-
phano Potocio Camenecensi Capitaneo,
ac privilegiato exercitus Notario, ad hunc
describendum ordinem delegavit, pari di-
ligenziâ ac fide, trutinando & temporis-
rationem, quo militiæ adscribabantur, &
locorum distantiam, per quam ad castra
tendebant. Vnâ ac alterâ die injunctum
nobis munus absolvimus, relictâ tamen pe-
nes Regem supremâ censurâ, quam nostris
sententiis adstipulatam brevi ex literis
Varsaviâ allatis cognovimus. Inter alios
prosperos belli istius successus, & hoc non
in extremis reputabitur, tot in exercitu
capita, totque sensus, primæ statim Com-
missariorum de suâ inauctoratione decla-
rationi, per secretas schedulas, unicuique
cohortis præfecto traditæ, adeò acquie-
visse, ut nemo postea vel mussitare contra

Duces

LIBER PRIMVS. 31
Duces ausus sit. Quod temporumne, quæ
mox sunt subsecuta, necessitati, an Reipubl.
Polonæ fortunæ attribuere debeamus,
utrumque libero posteritatis judicio relin-
quo. Priorem itaque militum contumaciam
obsequio, moram alacritate compensatam,
non sine magnâ animorum oculorumque
voluptate spectavimus. Ruebat ad flumen
universus exercitus, & antequam pons fra-
ctus repararetur, tabulatis ligneis ab Odo-
rovio equitum levis armaturæ Præfecto,
ex superiori orâ secundo fluvio advectis,
transibant Tyram suo ordine cohortes.
Præcedebat cum suis legionibus Lubomir-
scii agmen, qui simul ac Moldaviæ fines
attigisset, Lipnicii c l levis armaturæ
equites, cum Richteri Livonis l sclope-
tariis, & cum non contemnendâ gregarii
militis manu, ad suppeditandum ex hostili
terrâ in castra commeatum, expedivit. Exi-
guam Lipnicius tunc retulerat prædam:
felicius rem gesturus, si in Seratum Molda-
viæ trans Prutum oppidum cautiùs irru-
pisset, quò ad celebrandas nundinas magna-

Arme-

22

*Polonorum
in Molda-
viam Ex-
curcio.*

32 BELLI CHOTINENSIS,

Armeniorum & Moldavorum frequentia confluxerat. Sed præpropero & insolenti Lipnianorum clamore territa, tempestivâ fugâ, vitæ & facultatibus suis consuluit. Malè ista excursio habebat Chodkiewicium. clementiâ enim potius, quam rapiâ Reipubl. suæ Christianam provinciam devincire studebat, de cuius fide, & in Polonos optimâ voluntate multa ei pollicebatur Petrus, Simonis Mohilæ Valachiaæ quondam Palatini filius, qui exul & profugus, ac Zolkievio singulari Patrono orbatus, dum in clientelam Chodkievicii se, suasque omnes spes tradidisset, confuetudine ejus familiarius utebatur. Metuebat etiam ad omnia circumspectus Dux, ne injuriis suis lacefitti Moldavi ex redeunte Szembergo vindictam repeterent. quam obrem tubâ (ut mos fert militaris) severissimè edixerat, ne quis infestare amplius Moldaviam auderet. Verùm Bernascius, prædonum gentis suæ fax, in vicinâ sylvâ latitans, factâ ex insidiis in eos irruptione, qui pabulandi & lignandi causâ illuc com-

*Lattroci-
nia Ber-
nascii.*

mearant,

LIBER PRIMVS.

33

mearant, multos equis & curribus spoliat, plurimos cepit, reliqui, quinquaginta ex suo comitatu desideratis, celeri se fugâ salvavunt. Kopaczovius, animi intrepidus, & bellis Moschoviticis sub disciplinâ Lissovii exercitatus Centurio, cum Byczek nobili Moldavo, Regias partes jam pridem secuto, redierant à Chodkievicio versus Socaviam, ad explorandum Turcarum & Tartarorum exercitum missi. Sed cum nullæ hostiles apparerent copiæ, unum tantum ex Alexandri Palatini Moldaviæ aulâ nobilem comprehensum adduxerunt.

Ob tardiùs reparatum pontem duodecimo tandem die Tyram transiit Polonus exercitus. Equorum hinnitu, tubarum clangore, tympanorum sono, nitentium armorum splendore, faustis denique omnium acclamationibus, effundebat se ingens quoddam per castra gaudium. ipsa quasi læta signa, tot illæ cruces, tot aquilæ Polonæ, ultro progredi, equi veluti gressu suo Moldavico solo minari videbantur. Tanta diversæ ætatis, variisque gradus tur-

E ba vin-

23

*Transitus
per Tyrām.*

ba vindictam de cœlo extensis manibus poscebat : omnes jam in animo victoriam , jam in ore triumphum gerebant , armis et iam suis terram hanc penetraturi , quæ pri- dem Polonorum non aliter esset tumulus , quām Italia Gallorum quondam sepul- chrum . Vnusquisque properabat ad ex- piandum cæde , incendio , ruinā , tot seculis sparsum ibi Polonorum sanguinem ; hic parentis , ille fratri , iste amici , omnes tot majorum suorum manibus ex hostium ca- daveribus justa solvere accelerabant .

*Castræ ad
Chotin-
num.*

Chodkiewicus ob ingravescentem va- letudinem corpore debilis , & animo vivi- dus , vultuque verum Martem præ se fe- rens , generosissimo equo insidebat , aspe- ctu ac gestu solo universum animando exercitum . Ex unâ parte cingebantur ca- stra rupibus Tyræ impendentibus , ab alte- râ vicinarum sylvarum anfractibus . me- dius eo spatio patebat campus , ut nec to- tam aciem hostis explicare , nec pugnandi necessitatem Chodkiewicio inferre valeret . Nulla hactenus notitia pervenerat de Co- facorum

facorum Zaporohensium exercitu . ad quem investigandum & accersendum oblatâ suâ operâ Konaszevicius , cohortis levis arma- turæ præfectus , avidius à Ducibus expe- ctabatur . Plurimùm interim omnium re- creavit animos adventus Petri Konaszevi- cii , cui militare cognomen à pharetrâ du- ctum , Sahaydaczny nempe , Zaporohen- ses indiderunt . redibat ille Varsoviâ , ubi legatione apud Regem functus , optatum suis ferebat responsum , certâ spe fretus , reperturum se Cosacos Chodkiewicci ca- stris conjunctos . Verum illi , vilissimi , & ex vulgi fece infimi hominis (quem Cosaci suetâ dicendi nugacitate , Borodavkam Rutenicè , quasi Verrucam diceres , appella- runt) temulentum ac ignavum regimen tunc agnoscentes , non tam ejus ductu , quām effrenatâ suâ licentiâ , modò per Po- doliam , modò per Moldaviam erronei va- gabantur . Petrus iste Konaszevicius rarâ *Vita &* ingenii sagacitate , iudicii notabili maturi- *mors Petri* tate , in dictis factisque singulari industriâ , *Konasze- vicii.* adeò originem , vitam ac consuetudinem

36. BELLI CHOTINENSIS,
plebejam excesserat, ut inter clarissimos
ætate suâ in Poloniâ viros æquissimo jure
posteritati innotescere possit. Quoties
exercitui Zaporohensium præerat, rerum
terrâ marique gestarum gloriâ celebrissi-
mus, constantissima ubique fortunæ bene-
ficia agnoscebat. In Perecopenibus cam-
pis, Tartaris aliquoties fusis, Tauricam
Chersonesum perterrituit. In illâ pascuorum
vaftitate armenta abegit, prædam ex Rus-
siâ reportatam in ipso reditu eripuit. Vla-
dislao verò jus suum in Moscovia armis re-
cuperante, summâ se celeritate, cum maxi-
mâ hostium consternatione, ad Mosquam
Imperii illius metropolim conjunxit, vi-
ctricia signa per amplissimas ditiones cir-
cumtulit, ferro & igni hostiles regiones
depopulatus, opimisque spoliis onustus,
Ielcii, Sackii, Livnii, Kalugæ, situ ac præ-
sidiis munitissimarum urbium funestis ru-
deribus nominis sui terrorem universæ
Moscoviæ incussit, quæ tot ærumnis &
calamitatibus ingemiscens, in ejus vidit
manibus suam auferri supellectilem, sua-
que

LIBER PRIMVS.

37
que opes, ac tantam diversi gradus, dispa-
ris ætatis, utriusque sexus captivorum tur-
bam, inter illius currus ac cetera impedi-
menta, interruptis singultibus numeravit.
Nec minùs maritimarum victoriarum fa-
mâ Konaszevicii nomen insigne videtur.
& hîc constabat sibi ejus fortuna, felicem
illi semper piraticarum excursionum largi-
ta eventum, diruta aliquot præstantissima
in Europâ & Asiâ emporia, exustæ vicinæ
Constantinopoli ditiones, & in istâ, quam
describimus, Chotinensi expeditione non
vulgaris præstita dexteritas augebat ejus
crefcentem indies apud Turcas gloriam.
Cæterùm ipse erat animo ingens, pericu-
lorum appetens, vitæ contemptor, in con-
flictu primus, in receptu ultimus, manu
promptus, corpore agilis, in castris vigi-
lans, somno parùm indulgens, nec adeo,
ut mos est Cosacis, crapulæ deditus: Ve-
neri intemperantiùs addictus, quæ mor-
tem etiam illi acceleravit: in colloquiis,
aut sobrius, aut ebrius esset, circumspe-
ctus, ac in omni sermone parcissimus. Regi

38 BELLI CHOTINENSIS,

ac Reipubl. æquè semper in suo Magistratu fidus , in compescendâ Cosacorum licentiâ adèd severus , ut etiam ex minimâ causâ sanguinis eorum esset prodigus , unde illis invisus aliquoties ex hac exercitus Zaporohenis præfecturâ ab insolenti multitudine dejiciebatur. Religionis Græcæ ritum ardentissimo & plûs quàm superstitione cultu observabat : iis , qui in sacro sanctum Romanæ Ecclesiæ gremium se contulerant , infensissimus juratusque hostis. unde jam ante ipsum ejus obitum impii ejus in Rempubl. conatus variis suspicionibus differri per vulgum cœperant. Chodkiewicius hunc Petrum Konaszevicium (cuius singulares virtutes & maxima in Patriam merita id breve diverticulum à nobis requirere videbantur) humanissimè exceptum , munieribusque cohonestatum , nullâ adhibitâ morâ , expedivit , ut Tyræ inhærendo obviam Cosacis iret , unâ cum duobus subsidii causâ Annibalorum levis armaturæ cohortibus , & cum Molodecio , homine ex Lubomirscii familiâ , longo usu ,

ac ve-

*Konasze-
vicii ex
castris
discensus.*

LIBER PRIMVS.

39

ac veteri consuetudine Cosacis familiarissimo. Moscinio , uni ex domesticis Lubomirscii , explorandi hostis causâ castris egresso , cœca nox omnem successum perturbavit. Ex adversâ enim Pruti ripâ , cùm in Moldavos prædones casu incidisset , nec hostesne , an sui exercitus homines essent , dignoscere obstante caligine potuisset ; vox tamen Moldavos prodiit. coortum inde tumultuarium prælium , quod ipsæ impudentes tenebræ facile diremerunt. Moscinius postquam animadvertisset , suos met mutuis se ictibus ac vulneribus conficeret , receptui signum dedit , ac re infectâ rediit. Meliori fortunâ usus est Fekietii *Fekietii
excursio.* Vngarus , ex Turcarum castris , sub illam Bussensem cum Skinder Bassâ transactiōnem , ad Polonum exercitum transfuga , rarâ fide & fortitudine in Vladislai Moshovitico bellò , Chodkiewicio singulariter commendatus , qui tunc ex Iassensi territorio adduxerat Moldavum captivum procerâ staturâ eminentem , & in prioribus expeditionibus , cum adhuc Turcica signa

seque-
26

40 BELLI CHOTINENSIS,

sequeretur, optimè sibi notum. verùm ab eo nihil amplius expiscari Duces poterant, præter concordem cum aliis exploratori- bus de Alexandro Moldaviæ Palatino re- lationem, quòd, Iassis præsidio nudatis, cum suo exercitu Osmano obviam ivisset. Invalecente de Turcarum adventu rumo- re, Rusinovius & numerum & spem exer- citus auxit, adductâ nimirum lectissimâ le- vis armaturæ Polonorum manu, quæ in ca- stris Ferdinandi Imperatoris, contra suos rebelles, cum summâ Sarmaticæ gentis apud exterorū gloriâ, merebatur. Nonnulli ex gregariis militibus, ob quærendum vi- ctum ad vicinos pagos excurrentes, spe- ciem hostilis alicujus cohortis speculato- ribus præbebant. Certior ab eis redditus Chodkiewicius, jam aliquot equitum tur- mas è castris in campum eduxerat. reli- quis exercitus prælio se accingebat. cùm Stanislaus Zoravinscius Castellanus Bel- zenfis, cuius tunc legio in excubiis diur- nis permanebat, ipse omnibus vicinarum sylvarum saltibus accuratiùs perlustratis,

mox

*Adventus
legionis
Rusino-
vianæ.**Panicus
terror.*

LIBER PRIMVS.

41

mox suos ex voce & habitu cognovit, & rem, ut se habebat, Chodkiewicio retulit. Hanc exercitus perturbationem brevi idem dies in summum convertit gaudium, opta- tissimo adventu subsecuto Doroszenkonis <sup>Adventus
Doroszen-
konis Le-
gati Cosa-
corum.</sup> Cofacorum Zaporohensium legati, qui devastatis Orioviensis regionis fertilissimis ditionibus, & Sorokâ funditus deletâ, pro- spera jam incepti belli primordia enarran- do, simulque advenientium propè Cofa- corum & debitum obsequium, & propen- sissimum in Rempublicam studium sacro- sanctè promittendo, commune tedium publicâ compensavit lætitiâ. Faustum hinc ulterioris progressus arripiebatur omen; solus cum reliquo suo exercitu & cum majoribus tormentis desiderabatur Vladis- laus. Moverat jam Leopolim castra: sed ut ed citiùs versus Chotinum properaret, Stanislaus Zoravinscius Castellanus Bel- zensis cum Iacobo Sobiescio Palatinide Lublinensi, nomine Ducum & totius exer- citus, suscepserunt ad eum legationem, per fas patriæ, Parentis & altricis suæ, per

F suum

27

*Ad Vla-
dislaum
missi Ca-
stellanus
Belzenfis,
& Iacobus
Sobiescius.*

42 BELEI CHOTINENSIS.

suum Regiaeque domus decorum , per flor-
rentem denique hactenus Paternum domi-
natum , ardentissimis precibus flagitando ,
ut se in castra Chodkievicii fisteret , ad di-
vertenda communi ope imminentia Polo-
niæ regno pericula. Ad pagum ii Probuzne
repererunt Vladislaum , gloriæ & novi in
Exercitus Vladislai.
Rempubl. meriti avidissimum. Sequeban-
tur eum Ioannis Wejer Palatini Culmensis,
Ernesti ac Gerardi Dönnophorum tria ag-
mina peditum Germanorum , Vngarorum,
Nicolai Kochanovii , Almathi Bartofzevii
cohortes , & sexdecim bombardæ majo-
res : Haftatorum equitum Nimiræ Pod-
lachiæ , Constantini Plichtæ Sochaczovien-
sis Castellani turmæ , & ipsius Vladislai
Prætoriana cohors , cui Martinus Kazano-
vius præerat. Constabat hæc Nobilitatis
in signi flore , & splendido ex privatis im-
pensis comitatu. Ianussii Ducis Wisniove-
censis , Adami Przyemscii Curruum Regis
præfecti , Andreæ de Danbrowica Firley
Casimiriensis , Pauli Dzialynscii Bratianen-
sis Capitaneorum , Stephani Koniecpolscii ,

Sigif-

LIBER PRIMVS.

43

Sigismundi Tarlonis , Thomæ Sobiescii ,
& aliorum magnæ in Republ. spei lectif-
simorum ac nobilissimorum juvenum. Erant
& levis armaturæ Gniewoszii , Zborovii ,
Ioannis Dzierzek : Gravis verò armaturæ
Palatini Culmensis & Dönnoffi Capitanei
Hiperpolensis cohortes. Tum Pauli Vo-
lucii Episcopi Vladislaviensis , Antistitis ob
hanc in patriam pietatem æternâ memoriâ
dignissimi , centum hastati equites , & cen-
tum pedites , quibus Philippum fratrem
suum Castellanum Ravensem præfecerat ;
item Alexandri Radzivilii à majorum suo
rum constantissimo in defendendâ Republ.
animo non degeneris , haftatorum , levis
armaturæ , & peditum tria vexilla. Summâ
utrumque Legatum humanitate Princeps
excepit , & attentissimas aures precibus
exercitus porrexit , tardiorem suum adven-
tum excusans , partim ob tormenta bellica
Leopolim seriùs & malo ordine advecta ,
partim ob tabescentem , & in horas lan-
guentem peditatum Germanorum , qui lon-
go itinere confecti , nimio æstu afficti , la-

F 2

boris-

28

borisque minimè tolerantes, & guloso oleum esu continuis morbis exhausti, serpere potius, quam progredi, & loco corporum, umbras hominum præ se ferre non fine magnâ spectantium commiseratione videbantur. Quæcunque à Vladislao acceptimus, tum ipsi vidimus, ea omnia in castra reversi Chodkiewicio fideliter retulimus, qui tum temporis tristissimo nuncio perturbatus, ingentes curas animo coquebat. De Cosacorum Zaporohensium ad interacionem cæso exercitu, incerto auctore, (ut sunt inania famæ) percrebuerat rumor, qui in majus, more vulgi, creditus, & ex longinquo variis sermonibus auctus, in deterius vergebatur. cuncta enim castris observabantur funesta; tam summorum, quam infimorum par luctus, demissus vultus, tristis aspectus apparebat, suspensa denique omnium capita cernebantur, ac murmure cum gemitu coniuncto (quilibet enim moesta proclamare detrectabat) tentoria militum differebantur lugubria nova. Chodkiewicius animo anxius, certior in

*Nova tri-
stia de Co-
saci Za-
porohensi-
bus.*

tior in utramque partem reddi, hoc unum cogitabat. unde Liszka & Kuliczkovius, cohortium levis armaturæ Præfecti, versus Stepanowce excurrerant, atque à Tartarorum exercitu præclusos sibi aditus nunciantes, primi rumoris fidem cumularunt. In rei autem veritate Zaporohenses ex ipsis extremi periculi fauibus erepti, fœlicissimo ac gloriosissimo successu cum Turcis decertarunt. Octo ferè diebus ac noctibus impendebat illis Turcarum exercitus, continuo insultu, & integro numerosissimarum copiarum robore fatigabantur eorum vires, variis, victus causâ, huc & illuc, excursionibus distractæ & imminutæ. Osmanus, nihil non ausus, auspicia sua tentare, primaque militiæ simul & victoriæ tyrocinia deponere, in extermino Zaporohensium enitebatur. Quadringenti ferè Cosaci, cùm ab exercitu suo aberrassent, in cavernis rupis cuiusdam delitescebant. in eos oppugnandos omnem potentiam suæ molem ac ingentem illam vim hostis convertit. admotis machinis bellicis

*Cosaci à
Turcis in-
festantur.*

oppugnabat nidulo affixos & humanâ ope orbatos. Atque dum uno ac altero die irritos suos conatus indignabundus Osmanus vidisset, naturam, quæ instinctu divino locum iis munitum præparaverat, fame debellare contendit. Obsessi undique (ut est desperatio magnum ad honestè moriendum incitamentum) cùm incredibili ausu hosti immanissimo restitissent, notabilem in Turcico exercitu stragem, stupentibus ac freudentibus ipsis hostibus edebant; tandem labore confecti, inediâ consumpti, pulvere sclopetario destituti, fide priùs imploratâ, à tot calamitatibus reliquum, & quasi jam extrellum spiritum in manus ferocissimi Tyranni unâ cum armis tradiderunt. Qui virus suum à majoribus adhuc in Cofacos conceptum, in hoc, ceu aliquo inermium hominum macello evomere cupiens, abhorrendam omnibus seculis, ac apud summam etiam barbariem pudendam lanienam exercuit, & cùm omnes diversis suppliciis, in truci suo conspectu mactari jussisset, tunc demum inusi-

inusitatam suam crudelitatem satiavit, cùm majestate Imperatoriâ abjectâ personam carnificis sumens propriis manibus aliquot ex iis ad arborem ligatos, partim sclopeto, partim sagittâ transfixisset. Præbebant miseri teterrimæ belluæ supplex jugulum, immortalis gloriæ æterna vestigia ibidem relicturi, ubi mortalem deposuissent vitam. Illos certè genere & factis antea obscuros tali demum interitu eadem fors nobilitavit, quæ & Osmano tanquam generis humani prodigo perpetuam ignominiam, ac perenne apud omnes Heroas probrium inussit.

Ad castra Chodkievicii prædonum Moldavorum solita latrocinia non cessabant. adjunctâ sibi certâ Tartarorum manu eos, qui pabulandi causâ incautiùs excurrissent, sàpiùs aggrediebantur. Petrum quoque Konaszewicium ejusmodi, ut referemus, casus in summum impulerat discriumen, quod duce Fortunâ, & singulari suâ virtute comite tandem evasit. Converterat ad Stepanowce iter, illic se exercitum Zaporo-

*Latrociniæ
Moldavorum.*

*Casus me-
morabilis
Konaszewicij.*

48 BELLI CHOTINENSIS,

porohensium deprehendere ratus , postquam incidisset in impressa ad instar latioris viæ equorum vestigia , mox pro hostibus suos transisse summo errore judicavit. Accensi à Turcis obscuriore nocte frequentissimi ignes ; & hi illum fallebant. jam enim à Cosacorum castris proximum se esse gaudebat. Illucescente statim die dum ex opposito monte tentiorum apices conspexisset , retrogredi cœpit. inse-
quuntur Turcarum speculatores : plures etiam advolant. ille comitatus sui paucitatem solâ animi alacritate ac manus promptitudine superare elaborans , ita manus cum obvio hoste conserebat , ut tamen ad majorem , quem longius reliquerat , suorum manipulum contenderet. nec ab Annibale & Molodecio deserebatur. Acrius instabant Turcæ. amissio ille equo , & ob transfixam sclopeto manum , viribus primis destitutus , in adjacentes se sylvas recepit , ubi die ac nocte latitans , viarum ignarus , & ideo consilii inops , tum ex incurato vulnera debilis , languido gressu ad Tyram dirigebat ,

LIBER PRIMVS.

49
rigebat , quem simul ac transisset , non procul à Mohilovo castra sua reperit. Zaporohensis Cosaci Borodavkæ regiminis pertæsi , solemini suo more , per unanimem acclamationem , Konaszevicium in exercitus sui præfectum iterum crearunt , qui Borodavkam , multorum criminum ab ipsâ multitudine accusatum , in vincula conjecit , & brevi pòst ad Chotinum capitis pœnâ condemnavit. Infestabant nihilominus omnes circum castra viæ quotidianis ferè latronum excursionibus. Iam infidiis peti-
Letrocinia
tæ insidiæ , atque ad comprimendam illo-
Moldavo-
rum.
rum licentiam nonnullæ equitum expeditorum cohortes , in latibulis sylvarum , iteratis vicibus , erant abditæ. Sed , cùm nemo apparuisset , frustrà expectabatur , circumspecta præsertim locorumque peritissima illa colluvies. Aliquot Zaporohensium manipuli ab exercitu separati , dum reportatâ ex territorio Onoviensi prædâ , versus Chotinum properando , densum excitassent pulverem , pro hostibus è longinquò facile judicati , canendi per castra classici ansam

G dede-

50 BELLI CHOTINENSIS;

*Cantimiri
primi co-
natus.*

dederunt. Iam acies tum instrui à ducibus coeperat, cùm de adventu illorum certus nuncius pervenit, qui cohortium strepitum statim compescuit. Cantimirus, pluribus antè præliis prospero eventu cum Polonis commissis nimiùm feròx, & suetis pugnandi furtis summopere confisus, primam ulterioris belli aleam subire voluit. Selectis ex Tartarorum copiis veteranorum quinque millibus, ipse in remotiori sylvâ latitabat, fratre germano emisso, qui duorum millium equitatu, cui maximè fidebat, stipatus, & optimam stratagematis occasionem ex coortâ nebulâ nactus, in excubias Poloni exercitus incidit, quibus vix non ad ipsam Lubomirscianam portam insistendo, barbaro clamore ac inordinato periculo castra implevit. Vnus ex Tartaris, corporis egregiâ compositione, eminentiori staturâ, & imperterritu animo insignis, acerrimè dimicando, à portâ Lubomirscianâ lapidis ictu proprius occubuit. Ab aliâ verò parte, per montium Tyræ inhaerentium declivia, Tartarorum cohors

inva-

LIBER PRIMVS.

51

invaserat, in primo castrorum ingressu stativa Piotrovii, qui levis armaturæ equitum præfectus, à custodiâ vadourum fluminis redeundo, magnâ exercitus Poloni fortunâ illic restiterat. Dolus enim hostilis, ipfis castris imminens, in miserabilem cohortis ejus stragem conversus est, ubi comilitonum plurimi, propter exercitus sui viciniam securi, & itinere nocturno defessi in utramque aurem dormiebant. Nec impiger Chodkiewicius, quamvis malâ valitudine affectus, contra advenientem hostem, exercitum in aciem redigit. Dextrum cornu Lubomirscius obtinuit, acceptâ in subsidium Matthæi Lesniovii Succamerarii Belzensis legione; sinistrum occupavit Chodkiewicius, agminis fronte in obvios collum asperiorum anfractus conversâ, unde ex insidiis impetum Tartarorum metuebat, atque ibi legionem suam & Sienavianam collocaverat; quibus pro subsidiis imminebant legiones, in primo ordine, Petri Opalinscii Posnaniensis & Bohuslai Zienovicii Polocensis Castellanorum; in se-

*Acies tum
primum
instruenda.*

G 2 cundo,

32

52 BELLI CHOTINENSIS,

cundo, Alexandri Sapiehæ Orsanensis, & Nicolai Kossacovii Vifnensis Capitanei: medium constabat agmen ex legione Stanislai Zoravinscii Castellani Belzensis & Boratinii Lipnicensis Præfecti. adjunctæ iis erant Svizinii & Srzedzinskii, militantes sub signis Thomæ Zamoscii Palatini Kyoviensis, hastatæ cohortes. In tantâ, & maximè tyronum multitudine, non omnes observabant, in iis præsertim primordiis, exactum in acie ordinem, idque non sine Chodkiewicii stomacho, qui incredibili animi promptitudine & dexteritate, in numerato habens omnes uniuscujusque legionis cohortes, suum cuilibet locum, verba facto adæquans, destinabat. Tam ob Vladislai atque exercitus Zaporohensis absentiam, quām ob variatum à Comitorum instituto militiæ numerum, & mutilatas plurimas, quæ aderant, cohortes, statim magnos in suo exercitu defectus facile advertit Chodkiewicus; cùm multò diversam aciem in animo suo disposuisset, tanquam Dux hac in arte versatissimus, & cum omnibus

LIBER PRIMVS.

53

nibus, non modò sui, sed veteris etiam ævi, Imperatoribus comparandus. Collocaverat etiam nonnullas gravis & levis armaturæ, Germanorum & Hungarorum peditum cohortes, in sylvarum latebris, ut ex insidiis Tartaros aggredierentur, atque feliciter stratagema successit. impetu enim in hostes facto, parvo negotio catervas illorum disiparunt. Cantimirus fugâ suorum perspectâ, in eandem se ipse conjecit, & Zaporohensisibus obviam casu factus, Tartarorum plurimos ex præcipuâ militiâ amisit. Captivorum de proximo tum Osmani, tum Dziambergerei Tartarorum Chami adventu constantem relationem Szembergus & Constantinus Vevelius confirmarunt. nam relicto quatuor à Chotino miliaribus Turcarum exercitu, tanquam præsentissimi belli Feciales in castra redierant. Vsaimus Vezirazemes Szembergum, honorificè tamen tractatum, coram Osmano celavit. Ii, qui de renovandâ pace per Constantimum Vevelium utrumque Ducem solicitarant, turpi ob servilem metum mendacio inficias

*Redditus
Szembergiū
cum Ve-
vello.*

G 3

iverunt;

33

54 BELLI CHOTINENSIS.

iverunt ; datumque ab Vsaimo superbum responsum , pacem nimirum, quam Poloni peterent , sitam in armis esse. Impendens totius Reipubl. cervicibus inexpertum ha-
ctenus periculum , tubâ etiam est per ca-
stra denuntiatum. Animabantur in familia-
ribus colloquiis à Ducibus milites,unicam
vigere spem, certamque sperari salutem in
divinâ ope & Polonâ virtute, suadebant vim
vi propugnandam, arma armis repellenda :
non patere hîc locum precibus,quam sum-
mâ labe avitam gloriam contaminarent ;
tantò minus auro vel pecuniâ pacem redi-
mendam, quod utrumque ferro sæpiùs pa-
rari soleat. Ad majorem verò securitatem,
summâ celeritate castra vallo & fossis per
legiones muniri imperavit Chodkievicius.
Konaszevicius uno miliari à Chotino castra
sub vesperam metatus, cùm tamen Turcas
imminere sibi advertisset, non plûs horâ Co-
facis suis, post tot exantlatos l abores, respi-
rii concessâ , eâdem nocte in planitiem ad
Tyram vergentem, & Chodkievicianis ca-
stris proximum, exercitum suum movit.

CHOTI-

55

CHOTINENSIS BELLİ
LIBER SECUNDVS.

*Adventus
Osmani
secunda
Septem-
bris.*

Emorabilis hic Polonis in om-
nem posteritatem evenit dies,
quo tam cum Osmano Turca-
rum , quâm cum Dziambege-
rio Tartarorum, ex tot regnis
ac gentibus collecta potentia Regno suo
incubuit , ac Othomanici per tres orbis
partes latissimè patentis imperii , elata ex
innumeris victoriis signa tunc se Poloniæ
ostentarunt. Tunc Tyras Euphrati, Nilo,
ac vicino Danubio invidens, ad accendentis
novi hospitis, & tanti Imperatoris majesta-
tem , veluti alveo suo exurgere ; Afia cum
Africâ, quasi propriis sedibus mota, in Po-
doliam properare cernebantur. Immensa
illa & variarum nationum colluvie referta
agmina , à diverso cœlo , ex longinquo so-
lo, ad Sarmaticos limites coadunata, aliam
aëris constitutionem , diversum locorum
situm, omnia denique oculis suis peregrina-
miraban-

34

56 BELLI CHOTINENSIS,

mirabantur. Multis barbarorum prius erant experta arma Polona, quam eorum nomen auditum: ad plures citius explosarum bombardarum pervenerunt globi, quam antea aliqua de remotissimâ gente notitia. Varia armenta, præcipue buffalorum, camelorum, mulorum greges, multitudine suâ, excutiebant è longinquo ex aridâ ob inopiam imbrium terrâ, ad instar nebulæ, densum admodum pulverem. Quatuor etiam Elephantis fervens sanguine ac ætate Tyrannus, insolenti potentiae suæ alludere, & Africæ monstris Polonum exercitum terrere voluit. Est, quod omnis miretur ætas, metandorum castrorum tempus quasi momento hostibus constitisse: incredibili celeritate explicata, atque extensa tentoria, illo splendore & candore, ac subitanea cœlo demissa nix esset, tres eminentissimos montes impleverant. Dziambege-rejus uno inde miliari, inter circumjacentes sylvas, stagni cuiusdam commoditatem nactus, Tartarorum collocavit exercitum, cum Valachis, Moldavis, iisdem quibus &

*Exercitus
Osmani
descriptio.*

Turcæ

LIBER SECUNDVS.

57 Turcæ castris continebantur. Ingentem Barbarorum numerum, tum ex occupato loco, tum ex frequentissimis agminibus, facilè colligere quilibet poterat. Variant hinc tamen tam nostri, quam Turcæ. mihi narrasse sufficit, in hoc bello capita sua duos Imperatores devovisse; quorum si substituti Duces, numerosissimis saepius cum Christianis copiis decertarint, credibile profectò eveniet, ipsis plus tum temporis propriæ saluti ac dignitati consuluisse. Ianizerorum (quod militiae Turcicæ robur semper fuit) multò, quam vulgo credebatur, pauciores reperti. causam præbuuisse affirmant, magistratum avaritiam, quæ præter majorum institutum in militum locum pecuniam emungebat, dum quilibet pro labore munuscula, & æs pro periculo libentissime offerret. Equitatus, ob vestium, quibus passim Turcæ utuntur, elegantiam, & ornamenta equorum, splendebat; crebra vexilla, apicibus in normam globi deauratis nitentia, pulcherrimum edebant spectaculum. Equi ex deliciori aëre longin-

*Numerus
Turcarum
& Tarta-
rorum.*

*Equitatus
Turcarum.*

H quo

58 BELLI CHOTINENSIS;
quo itinere attriti , non adeò , ut expecta-
Afiatici. bantur , comparebant validi. Afiatica im-
bellis turba numerum tantùm explebat ,
promissis magis barbis (quas Turcæ sum-
mâ curâ plerumque alere solent) quàm for-
tibus factis notabilis , clamore , non virtute
insignis, ad fugam prona , ad conflictum
inepta , mercibus ac opificiis , non prœ-
liis assueta. Multi senio jam confecti , plu-
rimi corpore obesi , nec arma dextre tracta-
re , nec munia belli ritè obire valebant. Eu-
Europæa
copiæ. ropææ copiæ , decus & præsidium totius
exercitus meritò erant. Veterani in illis
Hungaricis bellis exercitati milites , cor-
poris ac animi habitu , & ipso etiam vestitu
ab aliis Turcis dissimiles , veteris adhuc
Christianorum coloniæ primos spiritus , &
antiquæ militiae nonnulla vestigia retine-
bant , atque hastati ii plerunque in primâ
constituebantur acie. Communia , quibus
exercitus Turcicus accingebatur , arma vi-
dimus , cum acinace arcus , aduncos ferreos
clavos , & angulares clavas , maximè verò
breviores cum cuspide emissarias hastas ,

quarum

LIBER SECUNDVS. 59
quarum jactu hostes suos feriebant. mino-
rum bombardarum ac sclopetorum rarissi-
mus apud eos usus , præter Ianizeros solos ,
apparebat. lorias nonnulli induebant ,
alii vestibus tantum cooperti , graviores
etiam ictus à Polonis , magnâ ex parte ar-
matis , excipiebant. Ariolorum maxima in
exercitu ab Osmano fovebatur turba , ad
quorum vanissima auguria , inani quoque
superstitione , omnem belli progressum di-
rigebat. Tormenta bellica , summo & ap-
Tormenta
bellica. paratu & sumptu , ad fortissima quævis
quatienda moenia adaptata , cingebant ma-
gno loci ambitu , tanquam validissimo mu-
ro aliquo , tot tentoria Polonis propriis op-
posita , quorum aliquot globos LV libras
ponderantes propriis hisce oculis conspe-
xi. Tibiarum in magnâ copiâ , tubarum
Musica
militaris. que ingratus auribus inhorrescebat sonus .
Nihil tamen horum terruit ad omnia dis-
crimina præparatum jam pridem Chod-
kievicii animum , qui educto castris exer-
citu , adjunctisque sibi Zaporohensibus
Cosacis , eundem , quem nudius tertius

H 2 contra

60 BELLI CHOTINENSIS;

contra Cantimirum locum, ac lœvum cornu occupaverat, munitâ legionis suæ fronte densis Opalinscianæ, Zienovicianæ, & Sapiehanæ legionibus. Dextrum cornu ad sylvas, ubi latitabant Tartari, vergens, Lubomirscio contigerat, qui in fronte collatis suâ, Ioannis Rozrazevii, Zlotnicii, Ianovii, Ratovii, hastatis cohortibus, subsidia ita multiplicaverat; ut primum in iis tenerent ordinem Stanislai Zoravinskii Castellani Belzensis; secundum Matthæi Lestnovii Succamerarii Belzensis, & Stephani Potocii Capitanei Camenecensis hastati equites; tertium, binæ Ioannis Farenbachii turmæ; quartum, Boratinii legio; quintum demum, Herbuti Scalensis Præfecti, Stanislavii & Alexandri Prusinovii Palatinidis Belzensis hastatæ cohortes. Mediâ inter duo cornua acie continebantur aliquot Germanorum peditum cum bombardis majoribus cohortes. Extremum verò agmen, ad ultimum sustinendum hostium impetum destinatum, constabat lectissimo Nicolai ac Procopii Sieniavorum equita-

*Acies con-
trà adve-
nientem
Osma-
num.*

tu, &

LIBER SECUNDVS.

61

tu, & merentibus sub signis Thomæ Zamoscii Palatini Kyoviensis, Swiezинii ac Srzedzinskii cohortibus, quibus à latere in subfido Nicolaus Kossacovius Capitaneus Visnenis cum suâ legione aderat. Magnum inter Lubomirscium & Chodkiewicium, ob illos, quos antè recensuimus, defectus, patebat intervallum. Ne verò Tartari ex sylvarum insidiis postremos agminum ordines solito suo astu divellerent, aut subreptitio antiquo stratagemate in extrema castrorum irrumperent, conversæ versus easdem sylvas sunt plures, tam in fronte, quàm in alâ, levis armaturæ cohortes. Institutâ igitur Chodkiewicus universâ acie, brevi, in quantum temporis ratio exigebat, pristino suo, summorumque Imperatorum more, exercitum cohortari cœpit.

Campus hic, fortissimi milites, in quo utramque cernitis aciem, factorum potius, quàm verborum capax esse debet. Non me natura ad loquacitatem composuit, aut ætas, in castrensi pulvere transfacta, speciosos mihi dicendi flosculos inferuit, nec ip-

H 3 sum

37

*Oratio
Chodkje-
vicii ad
exercitum.*

sum prœlii , quod mox subsequetur , momentum, prolixam ad vos postulat orationem , qui charissimæ Patriæ & communis Reipublicæ cives , pro ejus gloriâ ac incolumentate , corpora vestra devovistis. Multum equidem fatis debeo, quod me è variis continuorum bellorum casibus ac periculis eruptum , & diversis , ut nunc videtis ; morbis conflictatum , ad hunc usque diem reservarunt , ut vel vivus optimè de Regiâ Majestate ac inclytâ hac Republ. mereri , vel mortuus , tot Christianorum , tot denique civium meorum manibus in hostili solo parentare possim. Primum in ipsâ causæ æquitate , quæ semper cum Christianis contra Pagmos militat , postea in hac uniuscujusque vestrûm dexterâ spem , & totius regni salutem positam esse , velim sciatis. Non vos terreat ista , quæ conspiciatis , tentoria , in fastum Tyranni , & inanem vestrum pavorem extensa , cum plurima hominibus vacua , oculos tantum fascinent : nec elephantis , aut camelis pugnandi vis inest ; sarcinis illi suis onusti impo-

fito

fito oneri succumbant: absit vobis aliquem terrorem incutiant. Hanc Asiaticam multitudinem pro inani umbrâ , & vano numero reputate : animo , victu , vestitu molles , voluptatibus suis enervati , & à muliebri agmine non dissimiles , ad primum Polonæ tubæ classicum , armorumque vestrorum strepitum concident , nec vobis unquam resistent , genuinis virtute & stirpe Sarmatis , ac duri Martis veris alumnis ; quorum olim majores , ab occidente , Albi , ab Oriente , Borystheni , ferreas illas imposuerant columnas , tanquam duratura cum ipso ævo sempiterna per tot sæcula gloriæ monumenta. Signo dato , ruite in hostes Poloni & Litvani , avitæ gloriæ memores. nec enim ignavissimo cuique hîc jam in hostico , inter alluentem rapidissimum fluviū , ac diffusas undique Turcarum & Tartarorum copias , occasio fugæ dabitur. Fortissimis verò viris , perpetuæ memoriæ latissimus patebit campus : Timidis , quos inter vos reperiri nec puto , nec opto , cedat in virtutem necessitas , audaces confir-

met

met ipse constans sibi animus, ipsa demum in Deum & patriam pietas. Tu, ô summa justitia atque potestas, pér quam Reges regnant, & omnes in terris bellatores victorias obtinent, insurge in acerrimos nominis tui hostes, atque dextrâ tuâ fac virtutem, scelerum nostrorum vindictam tarda, immensæ verò potentiae tuæ digito Paganorum conterendo agmina, justas tandem de immanissimis gentibus sume poenas.

Simul ac dicendi finem fecisset, multis in exercitu excussit lachrymas, in omnibus certè incredibilem quandam alacritatem excitavit. Avidissimè quilibet pugnæ tesseram expectabat. canebat nonnulli diversum in laudem Deiparæ sacratissimæ Virginis Pæana: nonnulli jam in prœlii procinctu tum ultimæ voluntatis codicillos raptim notabant, tum anteactæ vitæ nævos sacris confessionibus expiabant. nec officio suo deerant ex variis Divorum familiis pii Religiosi, qui, in ipsius periculi limine, cohortibus se inimiscentes, pro loci

*Præpara-
tio exer-
citus ad
prælium.*

& tem-

& temporis commoditate, devotis exhortationibus mentes Christianorum militum disponebant, & contra omnes Sathanæ insultus muniebant. Osmanus in suo impotenti animo fingebat jam, ipsâ adhuc adventus sui horâ, certam Turcarum victoriā, hostiumque Othomanicæ domus extream ad internacionem cladem. atque eâ spe insolescens, cibum sumere detrectavit, donec priùs omnes, ad minimum Poloni, apud inferos essent coenaturi. Inde ad primum aspectum viribus, quas oppositas vidi, contemptis, nullâ ex continuo itinere exercitui quiete concessâ, eodem ferrè momento, novo & inaudito hactenus bellandi exemplo, illic castra sua locare, hîc Polonus aggredi jussit. Coorta inter excubias Cosacorum Zaporohensium & Turcarum speculatores velitatio, non magni in Cosacos impetus initium dedit: quem cùm fortissimè sustinerent, & æquè pedites ac equites in barbarorum agmina summo ausu irruerent, ne tamen iectu suo defessi ab ingruente Osmani exercitus vi

*Prima ve-
litationes*

¶

certamina.

I obrue-

obruerentur, latitantes in collum & sylvarum anfractibus Hungarorum ac Germanorum peditum cohortes, improvisâ eruptione factâ, laffis jam Zaporohensibus suppetias ferebant. Excurrebat & Chodkiewicius, Russinovianis (qui vulgò Lissiani vocabantur) & nonnullis gravis & levis armaturæ equitibus, atque selectâ ex universo exercitu alacrum militum ceterâ stipatus. Acrius postea commissum prælium appropinquans nox diremit. Pedites, arboribus se inter virgulta obtegentes, cum manifestâ Ianizerorum jacturâ sclopeta sua in eos explodebant. Equites magno utrunque ardore, animante fuos Chodkiewicio, manus conferebant. Nec tormenta Turcica talem, ut illo boatu suo minabantur, stragem in Polonis ediderant. Septem numerabantur equi ex Chodkiewicianâ cohorte interficti, unus ex gregariis militibus interemptus, iactus in dextrum pedem majoris bombardæ globo Zawifza, adoleſens, ex Kiscianâ cohorte, stirpe nobilis, qui postea in castris maximis doloribus

excruci-

67
excruciatus animam exhalavit. Bohodanus etiam & Czarowic, deductæ olim à Vitoldo Tartarorum coloniæ posteri, semperque in Livonicis ac Moschoviticis bellis egregiâ in Rempubl. fide insignes, & tunc communi cum Turcis Mahometanâ superstitione minimè devincti, non tanquam cum religionis suæ sociis, sed sicut cum patriæ hostibus acerrimè dimicantes occubuerant. transfixi sclopeto Rusinovius legionis, Iedrzejovius, qui ex eo vulnera obiit, & Kluscius levis armaturæ, Klebecus Livo & Ryszkovius gravis armaturæ equitum Præfecti, atque Rakovius peditum centurio, quos Ioannes Stanislaus Sapieha supremus Magni Ducatus Lithvaniæ Marschalcus propriis sumptibus in exercitu alebat. vulnerati plures, occisi aliquot in variis cohortibus equi. Sed hanc, qualisunque fuerit, jacturam, notabilis Turcarum clades compensavit. Auferebantur sua frequenti Turcarum manu cadavera, à peditibus verò Polonis generosi ducebantur equi, inferebantur castris equorum

I 2 splen-

40

splendida ornamenta , vestium elegantissimorum exuviae , haftarum fragmenta , variique generis armorum reliquiae . lixæ etiam & calones , pecuniâ , auro , & pretiosâ supellecstile locupletati , in castra redibant . Vſaim Bassa monoculus , qui Skinder Bassæ in Silistrenſi præfecturâ successerat , & tunc summâ autoritate atque bellicâ laude inter omnes ferè , qui aderant , Turcarum proceres eminebat , globo transfixus , maximo ſui in exercitu Turcarum desiderio relicto , vitam cum morte commutavit . Quidam ex præstantioribus Oſmani aulicis , Afiaë minoris præfecti cognatus , vivus quidem in potestatem Polonorum venit , sed præ nimio vulnerum dolore , cùm nullam vocem exprimere posset , statim expiravit . Tartari ſe pauci admodum velitationibus ingerebant . ad distinendum enim Lubomirſci dextrum cornu destinati , ſylvis tantum in hærebant , neque præclari quidquam facinoris , præter ſolum barbarum clamorem , edebant .

Prospera iſtius diei in primo conflictu
auspicia

auspicia pro optimo reliqui belli augorio reputabantur .

Subſecutâ nocte iniit Chodkiewicius Confilium de belli progressu. confilium de ulteriori progressu . Ardebat invicti animi Imperator ſummo pugnæ ac gloriæ defiderio ; & antequam medius campus hostium fossis ac munitionibus undique impleretur , Martis eventum experiri cupiebat . Commissarii cunctationem ei suadebant , neve Reipubl. fortunam extremae committeret aleæ , flagitabant , cùm & ſubſidia generalis totius Regni expeditionis tardarent , & Vladiflaus , ad alteram fluvii ripam , ab exercitu ſuo diſjunctus , periculo non careret . Annuit facile ſalutari bus ſententiis Chodkiewicius , optimè animadvertens , rei gerendæ occaſionem præ manibus ſibi eſſe , nec invito pugnæ neceſſitatem ab hoſte inferri poſſe . Vladiflaus , Vladiflai adventus, omnibus impedimentis cum magnâ exercitu ſui parte ad Braham relictis , ſelectæ militiæ ac nobilitatis flore comitatus , in caſtra ad Chotinum venit . ſed ſive præ nimio æſtu , dum armatus in ipſo diei ar-

dore à Cameneciâ ad Tyram contenderet, sive etiam ex repentinâ aëris Moldavici mutatione (quæ plerumque ad instar acer-
rimi hostis multa robustissima quævis cor-
pora vexabat) in gravem ac periculosum
inciderat morbum, quo plurimum confli-
ctatus, & cum summâ etiam animi ægritudine,
durante illâ expeditione, lecto affixus
in castris decumbebat.

*subsecu-
tus statim
morbus.*

Simulac Dziambegerejus Tartarorum Chamus Osmano se conjunxit, magnæ inter eos intercesserant similitates. barbaro fastu elatus Princeps inquis oculis intuebatur Cantimirum, genere & gradu inferiorem, propriumque subditum, sibi ab Osmano præferri, eum in summâ veneratione apud omnes Turcas haberi, & præter vetus majorum institutum, in Silistriæ & Besfarabiæ Præfecturam evehi. Inde non illo studio ac obsequio, quod utrumque promittebat, mandata Osmani exequebatur, verum nomini ejus infensus in suis seorsim stativis permanebat, atque Tartarorum commoda satagendo, nec communicato

970b
cum

cum Turcis consilio, Nuradinum fratrem suum natu minimum, aliosque fidos & rei militaris peritissimos proceres, quibus se & Cantimirus immiscuerat, ad vastandas Russiæ & Podoliæ ditiones expedivit. Turcæ nihilominus in Polonorum perniciem semper intenti, ab hostili conatu non abstinebant. Legio tunc Petri Opalinscii (qui dum post hanc expeditionem in Palatinatum Posnaniensem Ioanni Ostrorog successisset, magnamque sui in omnium animis expectationem excitasset, in ipso virilis ætatis flore extinctus est) in diurnis vigiliis excubabat, cui opposita aliquot Turcarum agmina versus Lubomirscianam portam se convertebant, & jam plures illorum equites congregati cum Opalinscianis speculatoribus cœperant, donec uno ex Grzymultovii cohorte nobili viro desiderato, in speciem fugæ juxta præscriptum Chodkiewicci terga dederint. Interim castra ab omni militiae gradu, pari labore ac summâ celeritate muniebantur. tam Chodkiewicianaæ, quam Lubomirscianaæ portæ objecerant

*Certamen
novum
Turcis.*

42

cerant pedites in modum aggeris plausta
terrâ ac fimo repleta. constituerant etiam
ab utroque latere munitiones fossâ cinctas,
prout temporis ipsius ratio concedebat.
Turcæ directo ad portam Lubomirscii cur-
su, Polonus, qui ex castris excurrerant,
magno clamore aggrediebantur. sed fre-
quentiùs explosæ, ex Lubomirscii pro-
pugnaculo, majores bombardæ plurimos
equis dejiciebant, adversamque discutie-
bant aciem. Reliquæ tamen Osmani legio-
nes, tum in declivio, tum in sylvis abditæ,
& ab omni tormentorum periculo remo-
tæ, celeri gradu properabant versus delu-
brum ritus Græci ex lapide confectum,
quod inter rudera Chotinensis oppidi in-
tegrum adhuc remanserat. Poloni, qui in
suâ ad vallum statione pervigilabant, post-
quam perspexissent hostem imminere par-
ti castrorum, exigua, aut nullâ ferè muni-
tione cinctæ, magno impetu illuc omnes
ruebant, unde præsentissimum discrimin
observabant: quos Ianizari ex sclopetis
suis depellere frustrâ conabantur. Non
enim

enim vicinum jam fossæ hostem ibidem ex-
pectabant, sed singulari alacritate, & im-
perterritò animo, turmatim ex vallo in me-
dias defiliebant Ianizerorum cohortes, qui
cum vexillis suis sylvam castris proximam
occupaverant. Destinatum iis mox est à
Chodkiewicio subfidium, partim ex cohorte
Nicolai Kochanovii trecentorum pedi-
tum Hungarorum, qui in ipsâ corporis Vla-
dislai custodiâ merebantur, partim ex Ger-
manorum peditibus militantibus sub signis
Ioannis Wejer Palatini Culmensis. Res igi-
tur ad acerrimum utrinque congressum
devenit. tandem hostes notabili reportatâ
clade in fugam se conjecterunt, quos ulte-
riùs insequi, ob infidiarum metum, circum-
spectus in omnia Chodkiewicius vetavit.
Cosacorum quoque Zaporohensium ca-
stra ingenti ac irrito conatu à Turcis op-
pugnabantur. tot majorum ac minorum
bombardarum globi conjecti nihil effe-
runt. Cosaci enim, viribus suis freti, lon-
giùs à fossâ excurrebant, hinc cum Turcis
cominus dimicabant, illinc in aperto cam-

K po sclo-

*Turcarum
infultus in
Cosacos.*

po sclopeta sua in eos securiūs explodebant. Turcæ animadversâ manifestâ suorum strage , amissis tribus campestribus tormentis , quæ postea sub vesperam recuperaverunt , primos illos conatus turpissimâ fugâ deseruerunt , mox nomen suum novo opprobrio contaminaturi. Calonum & lixarum fex, ac puerorum caterva, ludere, non pugnare edocta , ultrò se velitacionibus, quæ ab utrinque fiebant, intruserat. dum milites signo receptui dato in castra se contulissent, imbellis illa turba proelium redintegravit , & impetu in hostes facto solo clamore adeò eos perterruerat , ut Turcarum agmina, quæ plùs quàm ex centum vexillis constabant, perturbata ac dissipata, sine ordine , sine regimine in proximas sylvas fugam arripuerint , quos non fortium virorum arma , sed puerilis petulantiae cachinni ac fibili , non sine insigni potentia Turcicæ labe insequebantur.

Quamvis Chodkievicius præcipiti non nullorum sensu sæpiùs eo traheretur , ut tergiversatione postpositâ , quàm primùm de sum-

de summâ rerum prælium cum Osmano iniret ; dubium tamen ille Martem cautè experiri statuens , non speciosa , sed tuta elegit consilia. Totius belli ratio in munitionibus ei constabat , unde tum hostem ex libitu aggredi, tum imparem viribus suis Turcarum impetum securè sustinere posset. Vno igitur Græci cultus ligneo facello , latebrarum hostilium capacissimo funditus dejecto, in altero priùs nominato, ex lapidibus fabricato delubro , collocaverat præsidium Ioannis Kochanovii peditum. Collem portæ suæ imminentem , ad extruendum unius noctis operâ vallo & fossâ septum propugnaculum assignavit, quod nullâ interpositâ morâ machinis bellicis majoribus , & agmine peditum utriusque Dinhoffii munierat. Relictis Turcæ Polonorum castris, quicquid eis roboris inerat, in Zaporohenses converterunt. duabus fere continuis horis reboabant bellica illorum tormenta : Ianizeri etiam sclopeta sua sine intermissione explodebant. Cofaci propugnando defessi , ne tandem ingenti

*Castra à
Chodkje-
vicio mu-
nita.*

*Cofaci à
Turcis op-
pugnaban-
tur.*

vix & recentibus hostium subsidiis succumberent, opem à Chodkievicio sæpius implorabant, quæ illis non defuit. Germani enim Vejeri & Lerunti fortissimi viri, ac Georgii Ducis Zaslaviensis, Ielscii, Racovii, Hungari pedites, statim omnem Turcarum impetum repulerunt. Ante portam verò Lubomirscianam, quocunque hostium equites comparebant, ab alacri milite, qui ex munitionibus excurrebat, fugati, lautè sanguine suo obvium campum consperferant.

*Poloni à
Tartaris
infestati.*

Ad alteram verò Tyræ ripam Tartari infestabant vias à Cameneciâ Braham vergentes, & plures ex Vladislai exercitu currus victum vehentes spoliabant. Turcæ quamvis à Cofacis attriti, eo tamen magis exulcerati, animum & vires iterum resumperunt. ad motæ bombardæ grandiores adeò continuis aliquot horis quatiebant Zaporohensium fossam, ut aërem fumare, & oculos caligine quadam obscurari crederes, atque Chodkievicius palam fatetur, se, ab ineunte ætate bellis assuetum, si-

milem

milem tormentorum boatum nunquam in vitâ suâ audivisse. Edebatur non exigua in equis strages. Zaporohenses in manufactis cavernis fine ullo discrimine latabant, cùm in eâ explosorum globorum ad miraculum usque multitudine nemo ex iis periisset, præter unum Wasiuk (quod Basili nomen est) veteranum unius legionis Præfectum.

Ad divertendum Turcarum à Zaporohensibus impetum, Rusinovii legio, cum aliquot gravis armaturæ cohortibus, destinata irruit in hostem, qui in primo statim congressu fractus, & inopinatè alio in loco, à numerosis alacris militiæ catervis, ex vallo in eorum agmina currentibus, oppressus, non solum coactus est turpissimam fugam capeſſere, sed etiam, illas suas præcipuas bellicas machinas deferendo, glorioſam prædam Polonis relinquere. Verum cùm ii in grandiores machinas ad quercus ferreis catenis ligatas cernerent, rotis earum abſcīſſis, ne tam facile à Turcis recuperarentur, ipsas bombardas in vi-

*Turpis fu-
ga Turca-
rum.*

cinum præcipitum dejecerunt. Nec h̄ic substituit victoriae cursus , qua utinam Poloni uti tunc scivissent ! plus una effecisset hora , quam 40 illi dies in summis laboribus ac periculis exacti. Turcas enim fūgientes infecuti,in castrorum partem Tyræ adjacentem, jam tentoria cum omni supellectili abripiebant , equorum, camelorum, & varii generis armentorum greges abigeabant, obvium quemque interimebant : jam Turcica castra Christianorum armorum strepitū , ac magnis clamoribus sæpius repetito tremendo cunctis potestatibus Salvatoris nomine resonare, jam sanguine suo inundari cœperant ; cùm tam Zaporohensium Cofacorum , quād adjunctæ iis castrensis fæcis pudenda prædæ libido hostibus ad recolligendas vires ultro tempus dedit : qui dum multitudinem illam spoliis inhærere vidissent, optimam rei gerendæ occasionem nacti , castris suis omnes pepulerunt , multos ibidem necarunt , captos quæfitis tormentis ac meditatâ sævitâ excruciarunt. major tamen eorum pars

id

id discrimen evasit , spoliisque onusta rediit. Accurrit ad Chodkievicum, ante suam portam equo insidentem , celerrimus nunciis, Osmani castra à Cofacis Zaporohensibus & magnâ ex Polono exercitu turbâ esse occupata , ac ad plenam victoriam nihil nisi subsidia deesse : de quibus iteratis vicibus utrumque ducem Konaszevicius solicitabat. Sed Chodkievicius solem inclinare jam inspiciens, nocti pugnam committere prudentissimo consilio renuit : nec minus fatidico spiritu id pertimuit , quod suis cladem attulerat , ne prædæ in plurimis ignominiosa aviditas universum postea exercitum in summum præcipitaret periculum. Adeò credibile est , magnorum Imperatorum mentibus assistere semper singularem quandam Genium , qui illis salutares cautelas insuffrare soleat. Edito tamen profundo suspirio , ac profusis lachrymis, oculisque ad cœlum elevatis, magna undique militum coronâ cinctus , in hæc verba prorupit. Tua , ô supreme rerum hominumque arbiter , potestas, tuum

Chodkiewicii verba.

impe-

46

imperium , & tuum est bellum. Tibi soli assurgit , quicquid sub Sole videtur magnum ; prælia, clades, victoriæ, ex tuo dependent nutu : ad libitum inermes armas , imbelles præstas bellicosos, conteris arrogantes , extollis humiles , ignavissimo cuique animum addis , ac ubi minimus apparabat timor , tu formidinem injicis , & (si ego abjectissimus ante Thronum tuum pulvis id eloqui possum) in rebus humanis ludis. Atque nunc divinam Majestatem tuam supplex veneror , quod ejusmodi ad me perveniant nuncii , stupendæ tuæ prævidentiæ in patriam meam recentissimi testes. Perge tanta augere beneficia , opprobriis satiare paganos , Christianorum verò propagare gloriam.

Ex hac insperatâ Zaporohensium irruptione Turcarum castra magna invaserat consternatio : nullus ordo aut gradus militiæ terrore vacuus reperiebatur. & ipse Osmanus , cùm antea minimè crederet, nihil tam firmum in mundo esse , cui etiam ab infirmo non immineat periculum , tum

demum

demum , quàm fragili loco starent superbi , propriis oculis vidit , prioremque fastum in muliebrem mutavit planctum , dum inani spe delusus confexisset , præcipites in fugam eos ruere , quorum virtute fretus, non tantùm de Polono exercitu , sed de universo terrarum Orbe certam sibi victoriā , & magnificos triumphos , vanâ fiduciâ , pollicebatur.

Ob fæliciùs subsecutam hanc incursiōnem , inveniebantur nonnulli , qui noctu Turcarum castra invadenda seriò suadebant. Chodkiewicius primis suis adhibitis rationibus opinionem eorum refellebat , in eam potiùs propendendo partem, ut quàm primùm reliquæ Vladislai copiæ à Brahâ Tyram transissent , antequam exercitus pulvere tormentario , annonâ , commeatu , & equis fame passim intereuntibus destitueretur , aperto jam Marte cum Osmano decertetur. Verùm cùm ei cunctatione facillimè vires Turcarum frangi posse , tam Commissarii , quàm alii in re militari versati legionum ac cohortium præfecti de-

L mon-
ut

82 BELLI CHOTINENSIS,
monstrassent, arreptum consilium deseruit,
omnemque animum partim ad corrigen-
das, partim ad augendas castrorum suorum
munitiones applicuit.

*Insolentia
gregarii
militis.*

Memorabilem gregarii militis insolentiam ad posteritatis horrorem inferere h̄ic operæ pretium arbitror. Ementitum illi sparserant rumorem, Chodkievicii manda- ta accessisse, ut omnes Moldavi, qui hacte- nus Regias partes sequerentur, nunc ma- nifestâ perfidiâ notati, penitus sine ullâ commiseratione delerentur. Ad radicem ii Chotinensis rupis, per familias suas disper- titi, in tuguriolis degebant; alii, in summâ egestate precarium ducendo spiritum, per emendicata suffragia victum quærebant; alii propriis, quantulæcunque erant, im- pensis se & universam domum sustenta- bant. In fide itaque publicâ munitos, & ab omni violentiâ securos, petulantissima illa posteriorum militiæ ordinum turba, non uti in Christianos, & Reipubl. dediti- tios, sed ut in paganos & acerrimos hostes sæviit, non ætati, non sexui pepercit. Se-

nio con-

-DOM

10

LIBER SECUNDVS. 83

nio confecti homines, & decrepitæ anus ex ponte Chotinensi in præcipitum de- trudebantur, ab uberibus maternis avulsi infantuli, abrepti è finu paterno liberi, cùm nec extremi utrinque osculi vel tantillum temporis concederetur, in profundum flu- minis abjiciebantur, & constupratæ priùs in oculis parentum puellæ. Imbellis hæc multitudo, quæ ejulatu suo cœlum pene- trabat, non rabiem eorum mitigare, non plūs quām ferrea pectora emollire pote- rat: sed in unum plurima congesta suppli- cia, miserabilem spectantibus abominandæ lanienæ speciem præbebant. Atrocissimum id facinus coram Chodkievicio celabant omnes, ne fortè malâ valetudine affectus, bili ex tantâ insolentiâ commoveretur. Lu- bomirscius tamen ad inquirendas exorti tumultus omnes circumstantias, certis per- sonis delegatis, aliquot eorum in recenti crimine captos, in loco patrati delicti sus- pendì jussit. Sceleris nihilominus imma- nitati poena non correspondebat; quam nec brevi ipse severus innocentis sanguinis

48

L 2 vindex,

vindex , ac vivorum mortuorumque justus
judex , in aliquâ notabili exercitus clade
repeteret , in communi omnes versaban-
tur metu.

*Castra
Turcarum
mota.*

*Fraus ali-
quorum
rustico-
rum Po-
doliae.*

Interea Turcæ castra sua , ex primo loco
mota , propiùs ad exercitus Poloni muni-
tiones transtulerant , ut inferior eorum
pars in planicie Tyræ adjacens , parùm non
çquaretur Zaporohensium Cofacorum fos-
fæ . Nihil Osmanus intentatum ad obti-
nendam victoriam reliquit , & ubi vel leo-
nina pellis non sufficiebat , vulpinam assue-
bat , dum varios dolos in capita Polono-
rum fabricaret . Aliquot rusticos ex Podo-
liâ , nobilium subditos , qui cum latronibus
Moldavis passim prædabantur , primùm da-
tâ pecuniâ , postea adjunctis non contem-
nendæ fortunæ pollicitationibus , illexit , ut
promptam illi suam operam in castris Po-
lonorum incendendis offerrent . Vnus jam
ex iis ad hanc fraudem emissus , Rzepnice
pagi , duobus à Kameneciâ miliaribus siti ,
accola , optimo in rem Polonam casu , in
Zaporohensium Cofacorum manus inci-
dit .

dit. adductus in castra , variisque tormentis
excruciatus , omnem Turcici astus se-
riem prolixè enarravit , ac plures nobilitatis
Podolicæ subditos , ejusdem sceleris
conscios , nominavit. ipse tandem ad alio-
rum terrorem merito enormi affectus sup-
plicio , cautiorem postea in extinguendis
focis reddidit exercitum.

Constantinus Vevellius , qui pridie ante
adventum Osmani cum Szembergo ad
Chodkievicum ab Vsaimo Vezirazeme
venerat , facilè versipellis Græcus ex ante-
actis diebus colligebat , pacis utrinque
confilia nondum affectari. atque ut eò ci-
tiùs animum Chodkievici expiscaretur ,
semper de responso ad Vsaimum solicitare
eum non definebat , qui inter armorum
strepitum minimè sibi literas exarandi ha-
ctenus vacasse ostendens ; ne tamen lega-
tionis ac omnium gentium jura in tardiori
Internuncii reditu violari à se , temerario
aliquo hostium judicio perpenderetur ;
*Vevellius
in castra
Osmani
dimissus.*

ni dimisit, ac per eum, in ipso etiam belli ardore, optimam suam, in honestam & æquam pacem, voluntatem Vezirazemi declaravit. Nihilominus hostiles utrinque ausus non cessabant. Lermuntus, inter Dinophii propugnaculum & Cosacorum Zaporohensium munitiones, cinxerat se fossâ celerrimâ operâ confectâ. adhærebant ei Sapiehæ Marschalci Curiæ Litvaniæ, & Georgii Ducis Zaflaviensis, ac Ielscii Hungari pedites: cùm Turcæ, nullo fructu explosis toties in Cosacos bombardis, Dinophium postea aggrederentur, vicinus tam Lermunti, quâm illorum magnatum peditatus, ignominiosè numerosas hostium catervas fugavit. Ne tamen victi omnino viderentur, comparatis ad hunc solum usum vehiculis, è regione portæ Lubomirscianæ bellicas suas machinas transtulerunt. Observabantur oculis, cum exiguâ tamen jaçturâ, per castra huc & illuc, prope etiam Vladislai tentoria, desilientes globi, qui maximè petebant Nicolai Sieniavii Incisoris Regni cohortem, cui Gliniecius præerat,

*Turcarum
fuga.*

erat, ac tunc extra vallum in diurnis excubis remanebat. atque Iarczevius interemptus evitandi majoris periculi modum exhibuit, dum Glinecius per virgulta ad Lubomirscii munitiones pedetentim retrocessisset. Assignaverat Chodkiewicius aliquot peditum cohortibus locum, inter suam & Lubomirscii portam aptissimum, ut stationes destinatas vallo quâm primùm munirent. sed negligentius opus procedebat, ac omnino imperfectum, novam Turcis rei gerendæ occasionem porrexit. in eam enim partem, quæ nullo aggere septa, tutissimum hosti aditum præbebat, edito ingenti clamore ac strepitu, plura equitum ac peditum, densis ordinibus, coacervata agmina irruerunt. Ziczovius ac Sladkoviūs, insigni labe notandi centuriones, nullas excubias, nullos speculatores præmisserant; ipfi, ac si in intimo pacis & otii sinu inter domesticos lares degerent, incauti, inermes, vestibus etiam exutis, pomeridiano sommo indulgebant. Verùm ibidem, antequam expurgiscerentur, ignaviæ suæ justas

*Ziczovii
ac Sladko-
vii igna-
via.*

justas luerunt poenas : Turcæ enim statim, ac stationes illorum invasissent , utriusque in primis abscisso capite , duobus vexillis ereptis , ad reliquos pedites mactandos summâ se celeritate contulerunt. passim ii cædebantur,inopinatâ hostilium armorum vi oppressi. Dispersa vidisses ac truncata cadavera ; cum Turcæ amputata eorum, & ad castra sua reservata capita, non ut viliorum hominum , sed quasi selectæ Polonæ militiæ , eminentiorisque status procerum essent, gratiæ Osmani captandæ & præmii assignandi causâ , ad pedes ea defunctis etiam ferociâ suâ illudentis Tyranni turmatim prosternebant. Iam & munitiones ad portam Chodkievicii vergentes deferere peditum plurimi , vicino periculo territi , cœperant : nisi à Nicolao Sieniavio ac ejus commilitonibus, vigilias diurnas peragenteribus , modò minis , modò verberibus revocati fuissent.

Edita prope ipsa castra duarum cohortium Sladkoviani & Zyczoviani peditatus strages , tantum spiritus addidit reliquis

Polonis,

Polonis, quantum minuerat , profligatis il-
lis. Incredibili enim alacritate,maxima flo-
rentis militiae turba ex vallo ruebat in ob-
vios hostes , qui primo statim congressu
discussi , primoque vigore in consternatio-
nem verso , atque fugâ arreptâ , non in-
cruentam ex illâ irruptione reportarunt vi-
ctoriam. per suorum enim cadavera terga
dabant, amissis aliquot,ut ex corporis con-
stitutione , vestiumque exuviis cognosci
poterat, primariis in Osmani exercitu viris.

Antequam in demoliendâ Zyczovii fos-
sâ conatus suos experirentur, ad distrahen-
das Polonas vires , præmiserant nonnullas
legiones, quæ rectâ ad Græca delubra,ver-
sus castrorum partem non bene adhuc mu-
nitam sita , solo clamore impetum fingen-
tes, velitationum ludicris in varia loca Po-
lonos ubique intentos divertebant. Nec
stratagema male cessit. Lubomirscius, loci
istius munitione destituti evidens pericu-
lum animadvertisens, illuc se ipsum,& exer-
citus præcipuum robur conjecerat. Non
procul inde Ioannes Wejer Palatinus Cul-

M. mensis,

*Polonorum
alacritas.*

90 BELLI CHOTINENSIS,

mensis , arte & ingenio Apelmanni Belgæ, Architecturæ militaris periti , extruxerat propugnaculum , quod Turcæ magno nisu oppugnare conati , atque mox insigni clade affecti, illam partem castrorum aggredi amplius cessarunt. Furorem eorum astu Wejer domare contendit . ex condicto enim pedites sui , in fossâ abditi, non comparebant, ut Turcæ, destitutum omni præfido vallum rati, eò audaciùs ibi irruerent. Quod cùm præstitissent, & ab omni discrime securi ad ipsam accurrisserent fossam , Germani tum temporis sclopetis suis proximos sibi hostes commodissimè petebant. Ita plurimis cæsis, reliquis dissipatis, virtutis ac dexteritatis suæ egregium Palatinus Culmensis edidit specimen. Turcæ nihilominus , prospéro ad fossam Ziczovii & Sladkovii successu elati, priorem fortunam tentare appetebant. Nicolaus Sieniavius, cum unâ ducentorum hastatorum cohorte, diurnas peragebat vigilias. Chodkiewiana, Petri Opalinscii Posnanienfis, Nicolai Zienovicii Polocensis Castellanorum ,

& Ale-

*Strategemæ
Wej-
jeri.*

LIBER SECUNDVS.

& Alexandri Sapiehæ Orsanensis Capitanei legiones , in omnemque eventum paratae, quidnam molitus esset hostis , speculabantur. Dum itaque celeri cursu , districisque acinacibus , referta Turcarum agmina versus valli Ziczoviani reliquias impetum suum dirigere cœpissent ; Chodkiewicus illico , repetitis aliquoties acclamatioibus , manus cum iis Sieniavio conferere mandavit , qui majorum suorum gloriâ ac virtute non dedecorus , pari genere & expectationi animo in obvium hostem irruit , minimè ab ipso Imperatore destitutus. Is enim corporis ægritudinem , diuturno mörbo naëtam, vivido illo & ingenti spiritu superans, mox cum tribus cohortibus accurrit , & Sieniavio ita se adjunxit, ut Chodkiewicus aciei frontem , Sieniavius dextrum, Zienovicus sinistrum obtineret cornu , Rudomina verò iis in subfido immineret. Diversum in utroque exercitu spectaculum fortuna , per omnia humana , maximè autem in res bellicas potens , & illic exhibuerat. Turcæ selecti

M 2 equi-

52

*Prælium
cum Tur-
cis.*

equitatus tam robori , quam numero confisi , vultu & gestu victoriae applausum præse ferebant. Poloni quatuor tantum suas cohortes cum numerosis hostium agminibus congregati cernentes, inter spem & metum positi , intimis suspiriis & ardentissimis votis Chodkiewicianum conflictum prosequabantur. Interim coortus summus armorum ac hominum undique strepitus , acerrimæ pugnæ faciem intuentibus præbebat. Brevi tamen , urgentibus fatis , ad Polonos inclinata victoria tumidos antea Turcarum animos eò usque depresso , ut non solum signa stationesque suas deseruerint , sed turpissimam capessentes fugam , ignominiosissimo certamine , in castra sua ruerent, tanquam ferales aliqui nuncii, non tantum unius exercitus , sed totius jam Othomannici imperii deplorandæ cladis. Osmanus inopinatâ copiarum suarum consternatione perculsus , & tunc , cùm inter homines esset , hominem se sensit. Vnico enim adversi casus iectu , ex ferocissimo tyranno in abjectissimum mancipium repente mu-

*Clades
Turca-
rum.*

tè mutatus, solis lachrymis, fæmineis nempe armis , salutem , ac tantam nominis sui majestatem tutari non dubitavit : dum inter crebros singultus , puerilibus querimoniis , coram ipsismet ex prœlio profugis , summam eorum ignaviam incusasset , & quos leonum gestare pectora putasset, eos tandem ad instar leporum in fugam, auspicis Osmanicis indignam , conjectisse vidisset. Magnam hanc Turcarum fuisse stragem, quilibet ex ipsis cadaveribus colligere poterat, quæ in adjacenti Polonis castris campo ubique sparsa patebant. Sed mihi etiam , quando cum Stanislao Zoravinscio Castellano Belzenfi apud Osmanum Reipublicæ nomine legatione fungebar, non nulli , non vulgaris inter Turcas status , liberiūs retulerunt , nefastum illum copiis suis extitisse diem , quo plurimos veteranos , multorumque bellorum gloriâ eminentissimos viros , & præcipuum militiæ suæ florem amisissent. Id certò constat , nocte , prœlium subsecutâ, cum facibus & rhedis summâ diligentia à Turcis quæsita

M 3 fuisse

94 BELLI CHOTINENSIS.

*Cædes
Castellani
Polocen-
sis.*

fuisse præstantium heroum cadavera. Nicolaus Zienovicius Castellanus Polocensis, legionis unius Præfectus, vir & natalium splendore, & singularibus in Rempublicam meritis clarissimus, dum ex equo interempto in medios hostes decidisset, eodemque momento dejectâ casside, quæ ineptè ligata erat, caput denudasset, à Turcis undique cinctus, & inter illorum equos huc & illuc volutatus, iteratis confodiebatur iictibus. tandem cum Turcis in fugam conversis, plus quam viginti vulneribus saucius, & semivivus in plaustro quodam in castra est advectus, magnâ nominis sui gloriâ relictâ, tertio demum die spiritum, unde acceperat, reddidit. Ex cohorte quoque Chodkievicii, sex ex primis ordinibus nobiles, cum vexillifero occubuerunt. Vexillum ipsum, ex Moschoviticis adhuc proeliis reportatum, non sine magno Chodkievicii stomacho, in hostium manus devenit. Zienovicii tres, Sieniavii duo, Rudominæ novem commilitones, unâ cum ejus fratre cæsi; vulnerati, Rudominæ cohortis

LIBER SECUNDVS.

95

hortis præfectus, octodecim Chodkievicii, & ex qualibet quatuor cohortium aliquot equites. interfecti sunt nonnulli gregarii milites, & plures equi. Lubomirsciana agmina in stationibus ad vallum permanebant, & ad primum congressus intuitum, subsidium suis ferre properabant. sed celerrima hostium fuga non solùm iis, sed ne Opalinsianæ quidem, Sapiehanæ, & Zienovianæ legionibus, quæ propè aderant, ad conflictum tempus concesserat. In tanto prœlii fervore, ex alterâ tamen parte, tam Zaporohensium Cofacorum castra, quam Lermunti & peditum Hungarorum munitiones à Turcarum petebantur insultu. verùm quām primū Cofaci & pedites in campum progressi, cominus cum iis pugnassent, nullâ interpositâ morâ, omnes, quæ se illuc contulerant cohortes, non sine insigni clade repulerunt. Chodkievicius animos ac vires hostium in commiso prœlio expertus, primum illud de subeundâ pugnæ aleâ consilium exequi instituerat, nisi partim maturi ex Poloniâ subsidii

*In Cofacos
Turcarum
insultus.*

subsidii spes, partim ingravescens Vladislai morbus conatus ejus retinuissent. totus tamen dies in restaurandâ Ziczovii fossâ insumptus, Turcis nihilominùs cœptum laborem impedientibus, qui hesternâ attriti ignominiâ in suis castris delitescebant. Postridie, præter usitatum hactenus momrem, summo manè Turcarum legiones rectâ ad portam Lubomirscianam comparebant. Lubomirscius, providens ne vindictæ cupidi agmina sua aggrederentur, tempestivè aciem instruxit. ad divertendum verò Tartarorum impetum, peditatus Cosacorum Zaporohensium duo incirca millia in vicinis sylvis abdita collocavit. Vtrinque bellico certabatur astu. Lubomirsciani in sua stratagemata hostem allicere studabant. Turcæ, loco occupato dimoveri minùs tutum rati, Lubomirscianos ulteriùs à castris provocabant. Duæ itaque adversæ acies, proelio accinctæ, circumspectâ quadam cunctatione inter se contendebant. Antecesserunt tamen velitationum præludia, sæpiùs etiam, at nullo effectu, explo-

*Cunctatio
Turca-
rum.*

explodebantur Turcarum majores bombardæ. Declinante jam Sole alaciorem Chodkievicius ex alâ suâ militem velitationibus immiscuerat, quem tres Rusinovianæ cohortes subsecutæ, & magno ausu in aliquot Turcarum agmina irrumpentes, in fugam ea converterunt. Dissipatas re-colligere vires hostis putabatur, dum ex declivio signa versus aciem Lubomirscianam ostentaret, quo Svisinii ac Srzedzinsci cohortes, ad sustinendum primum impetum destinatæ, gradum celeriorem jam moverant. sed Turcæ prœlium omnino detrectantes, in sylvas se receperunt. Zaporohenses Cosacos, non jam majoribus bellicis machinis, sed sclopetis Ianizeri impetebant. verum ii extra fossas, conjunctâ cum Lermunti & Dinophii Germanis peditibus manu, plurimis nullo suo damno interemptis, reliquos fugarunt. Nec Bartoszovii ad Braham trans Tyram munitio-nes ab insultu Tartarorum immunes erant. at facile una & altera peditum Hungarorum irruptio omnem eorum vim repressit.

N equi

98 BELLI CHOTINENSIS,

equi tamen in pascuis cum armentis abacti , rapacissimæ & prædæ assuetæ genti insignis victoriæ loco sufficiebant.

Polono-
rum ad-
versa for-
tuna.

Fœlicem hactenus periculofissimi hujus belli progressum multæ (ut plerunque fert rerum humanarum vicissitudo) interturbabant adversitates. Ac primum fera, & ideo incerta ex Poloniâ auxilia , præsens discri men augebant. Indies , imò in horas diminuebant cohortes : quotidiana multorum efferebantur funera , grassante passim per summos ac infimos , omnemque militiæ gradum , ex aëris aut aquæ infectione , pestilentiali quodam & contagioso morbo ; ut alii profusione alvi excruiciati , inter tormenta ac ingentes dolores , ad instar durissimi supplicii , animam exhalarent ; alii reluctantem cum corpore spiritum , ob vehementem ægritudinem , etiam inviti retinentes , bellica obire invalidi , & ad propugnandam extremam vim inepti , in castris tabescerent. Si æquo judicio aliquorum ex posteris ignavia , per tot ætates partam fortissimis factis majorum gloriam obscu-

LIBER SECUNDVS.

99

obscurare , aut nonnullorum ex popularibus socordia universæ gentis res continua tâ felicitate ac fortunâ gestas , deturpare posset ; jure merito & mortuorum Polonorum manes , & superstitum vitam pude re deberet , quòd plurimi in hâc reperiren tur expeditione , qui detestando in omnes nationes exemplo , castra ac signa sua , diurnâ , nocturnâque fugâ certatim desererent , nonnulli in fluvio , luctuoso potius fato immerti , quâm periculo pro patriâ gloriose opponi ; plurimi , dum fugerent , in Tartarorum manus incidere , quâm forti dexterâ hostem repellere , maluissent. Inquo (ut par erat) animo ferebant Duces tantam patriæ suæ labem , variisque modis tam nefando sceleri obviabant , & in reparando ponte tardiores se , non sine magno exercitus incommodo exhibentes , ut vel hoc solo retinaculo turpissima eorum fuga cef saret. Insignia etiam nobilitatis nomina , in interiori currus parte , inter victualia , hæsi tantia , ac inde extracta , tanquam exercitus sui probra , per castra ducebantur. Atque

N 2

eorum

56

100 BELLI CHOTINENSIS,

eorum singuli, qui se hoc facinore contaminarunt, publico rescripto postea notati, ad majorem posteritatis formidinem, bonorum privatione, & perpetuâ infamia Comitiorum edicto sunt mulctati. Reliqui

*Pœna pu-
blica in
fugitivos.*

verò, qui huic bello supererant milites, singulari suâ constantiâ, & eorum delicta compensarunt, & suam gloriam per omnes orbis partes immortalitati consecrarunt. Accedebat ad manifestam quotidie exercitus diminutionem, equorum strages, ob avenæ & fœni defectum, cùm ab utrâque Tyræ ripâ hostium obsidio difficillimum commeatum, & periculosam redderet pabulationem. Pulveris quoque tormentarii, qui continuis bombardarum displosionibus absumebatur, notabilis inopia bene navandæ operæ spem tollebat. Tot igitur simul coadunatis difficultatibus adactus Chodkiewicius, novum ex re consilium cœpit; noctu nimirum castra Osmani invadendi, quæ nullo vallo aut fossâ septa aditu facillimè patere putabantur. Idem suadebat nox ipsa, ad ejusmodi militaria

*Consilium
de inva-
dendis
noctu Of-
mani ca-
stris.*

furta

LIBER SECUNDVS.

101

furta obscuritate suâ aptissima, cùm præsertim Turcæ à captivis & transfugis trudcerentur, quasi non solùm armis, sed etiam vestibus exuti, ab equis separati, delicatiùs somno indulgerent. Stimulabat non minùs recens Cofacorum Zaporohensium exemplum, qui tanto terrore, lucente etiam die, totum barbarorum exercitum impleverant; ac si plena non daretur victoria, sola tamen inopinata animorum in hostibus perturbatio magnam illis afferret cladem. Ioannes Wejer Palatinus Culmen-sis, in Hungariâ bellorum cum Turcis geftorum non inexpertus, eam sententiam maximè promovebat; in quam summopere vel decumbens Vladislaus propendebat: tum Petrus Konafzevicius, suo & totius exercitus Cofacorum nomine, excursionem hanc seriò postulabat. Chodkievicum Cofacorum prædæ aviditas primum maximè deterrebat, nec vastus permittebat animus furtivis conatibus rem agere, cùm præclarè factorum insigni memoriâ celebres olim Imperatores aperto Marte cum

N 3

hoste

57

102 BELLI CHOTINENSIS;

hoste decertare glorioſius judicarent , ſequi in continuâ armorum palæſtrâ ita conſenuiſſe , ut non aſtu aliquo , ſed auſu bellī fortunam hactenū experiretur . Verūm quamvis aliquoties in tam gravi delibera- tione animo hæreret , tandem ne mordicus ſecundis exercitus ſuccēſſibus obſtare vi- deretur , ſtudiis ac rationibus aliorum cef- fit ; atque omnem Stratagematis illius ap- paratum , folitâ ſuâ in gerendis rebus pro- ptitudine , jam diſponebat : Cūm hostes ad- vectis quatuor trans Tyram grandioribus bellicis machinis , Cōſacorum Zaporohensium caſtra demoliri fruſtrâ tentarent . Nec plus ibi damni eſt reportatum , præter ali- quot equos interemptos , & cum Ioacin- tho legionis unius Præfecto & decem ex gregariis Cōſacis cæſos . quinimò , ex loco eminentiori ſæpiùs explosis Polonorum bombardis perterriti Turcæ , celeri gradu cum tormentis ſuis ad pontem nuper ex- tructum retroceſſerant . Duas ſimul caſtro- rum Oſmani partes aggredi placuit , unam inferiorem Tyræ adjacentem , Cōſacis que

vici-

*Modus ir-
ruptionis
nocturne
in caſtra
Turcarum.*

LIBER SECUNDVS. 103

vicinam , in quam viginti millia Zaporohensium , & aliquot leviſ armaturæ cohorteſ per declivium , per ascenſum autem Georgii Ducis Zaſlavienſis , Rakovii , Ielſcii , Almadii Hungari , ac Gerardi Dinophii Germani pediteſ irruere , & hos omnes ad agmen Chodkiewicii pertinenteſ legioneſ ſequi deſebant . Ad invadenda verò al- teram partem ad ſylvam vergentem , reliqui Hungari pediteſ , cum Ernesti Dino- phii Germaniſ deſtinabantur : Subſidii cauſā Lubomirſcio cum ſuâ alâ , & agmine pe- destri Palatini Culmenſis , penes nemus quoddam , Tartarorum inſidiis obnoxium , in eminentiori colle ſubſtendum erat . Mandaverat Chodkiewicius leviſ armatu- ræ cohortib⁹ , ut in excubiarum , ſi aliqui appaſerent , ſpeculatorēs , excitato priu- clamore ac ſtrepitū impetum facerent ; il- lis fugatis illico in caſtra Turcica irrumpen- rent , ea verò curſu accelerato occuparent Zaporohensium , & tam Hungaroru- m , quam Germanoru- m pediteſ . Tunc quoque aſſignatum fuerat tempus , communi totius exerci-

exercitus acclamatione , tubarum , tibiarumque clangore hostes obruendi. Ipsi Duces cum hastatis , & gravis armaturæ cohortibus , & cum Palatini Culmensis agmine , in maturum auxilium intenti , in patenti campo successum illum speculari volebant , quod facilius & profligatis peditibus succurrerent , & tam Tartarorum , quam Turcarum impetum sustinerent. Determinatum opus inchoari commodiùs non nisi diluculo poterat. Relicti sunt in castrensi præsidio ii , qui castra sequebantur , & extra ordines militiæ , partim ob cohortium supplementum , partim propter proprium usum , à singulis ferè militum privato sumptu sustentabantur. Nec contemnenda illorum extitit manus : imò alter exercitus apparebat. arma omnes portabant , sclopetis etiam utebantur , ut penès unum aliquot reperisses. inde Turcæ igneas Polonorum fuisse copias profitebantur.

Vladislaus primogenitus Regis filius , Regni magna spes , Princeps de Republ. Polonâ , alterâ parente , altrice certò &

propa-

propagatrice suâ , optimè ab ineunte ætate merendi studiosissimus , ob crescentem morbum in castris relinquendus , piâ quadam & conjuncta cum luctu solicitudine , omnium animos impleverat. discessurus inde quilibet , quoties ad decumbentis Principis vile tuguriolum oculos convertisset , statim & in mente graviter pungebatur , remanere ibi insidiis hostium expostum , gloriæ suæ pignus , exercitusque universi decus. Prætoriana tamen cohors , cum Kochanovii peditibus , ab eo non dimovebatur. Eo igitur præmisso ordine jam ex Chodkiewicianâ & Lubomirscianâ portâ egrediebantur simul cohortes. Silentium omnibus indictum , tesseraque prœlia data. Hinc autem caliginosa nox , illinc hostium securitas , optimâ fausti successus fiduciâ unumquemque muniebat. Ac in ipso præcinctu , dum nihil aliud præter auroram expectaretur , repentina non casu equidem , sed æterno quodam fatorum nexu , pluvia sereno cœlo exoriri cœpit , quæ adeò invalescebat , ut Zaporohenses Turcarum ca-

O stris

106 BELLI CHOTINENSIS.

stris jam vicini usum sclopetorum omnino sibi hoc repento imbre jam esse ademptum Chodkiewicio nunciarent, & ex illâ, ubi erant statione missionem flagitarent, ne brevi illucescente die stratagema expergefactis hostibus palam fieret. Idem & aliis cohortibus vitandum erat. ac proinde statim reliquus exercitus, injuncto sibi silentio, in castra rediit. Pluviam illam immortale singularis DEI Opt. Max. providentiae beneficium, cum submissâ Numinis adoratione agnoscant in omnes aetates Poloni. humanitus enim nocturna haec excursio bene illis succedere non poterat. nam in uno plura objiciebantur discrimina, cum omnia primis nonnullorum relationibus contraria, ipse postea in castris Turcarum viderim, quæ loco valli cingebantur, in eâ, quam conabamur aggredi, parte, bellicis machinis, denso ordine inter se connexis. Qualibet nocte ex pascuis ad dominos suos abacti equi ibidem ligabantur: apparabant accensæ totâ nocte lucernæ ante præcipua tentoria. haec verò funibus adeò strictum

LIBER SECUNDVS.

107 strictum in modum erant colligata, ut nec semitam inter ea conspexisset. atque hoc solo impedimento non solùm equites, sed & pedites Poloni, noctu præsertim, omni aditu illinc arcerentur, saepiusque ipsi caddendo non tam facilè hostem ferriissent, quam ipsi frequentissimis Turcarum ictibus succubuissent. nec adeò somnolentos Turcas, ut narrabatur, observavimus. nam more institutoque eorum, noctu omnia peraguntur consilia, visitantur amici, instruuntur mensæ, parantur convivia & privatæ comedationes, lege Mahometanâ vetitæ: somno etiam sopiti, horridis ubique & creberrimis acclamatiōibus ad preces & supplicationes superstitiones excitantur. Ad extreūm, ut verum (quemadmodum fides historiæ à me requirit) fatear, dum castrorum Osmani splendorem ad hunc usque diem considero, vix credibile videtur, exercitum Polonum, plebejos maximè, abstinere manus potuisse à tantâ prædâ, quæ eos sine dubio, turpissimo lapsu in extremam cladem & perennem ignomi-

O 2 niam

*Adventus
Vevelii.*

niam conjecisset. In ipso ab utrinque hosti-
lium conatum casu, Constantinus Vevel-
lius, tanquam tractandæ pacis Commissa-
rius, venerat, cum literis Radulonis Palati-
ni Valachiæ, qui Chodkiewicum ardentissi-
mè solicitabat, ut ad Vſaimum Vesirafe-
mem, internuncium aliquem rerum usu
pollentem quām primū mitteret; debi-
tām verò ei per omnium gentium jura non
solūm securitatem, sed etiam cum dignitate
Reipublicæ Polonæ singularem inter bar-
baros reverentiam sacrosanctè polliceba-
tur. Nihilominus Chodkiewicius, commu-
nibus omnium votis stimulatus, cœptum
agrediendi noctu Turcica castra confi-
lium iterum exequi studebat, eodem quo
nudius-tertius ordine: ac maturiùs jam se
ad constitutam excursionem accinxerat
exercitus, cùm aliquot ex cohorte Mosci-
nii Hungari, & ex cohorte Dinophorum
Germani profugi sub ipsam vesperam, rei
gerendæ seriem hostibus patefecissent. ita
ut tunc occultâ quadam fatorum disposi-
tione bis tentatum opus dissolutum sit.

Illâ

Illâ tamen nocte, Cosacorum Zaporohen-
sium manipulus, Tyram transgressus, quof-
cunque Turcarum in pascuis somno sopi-
tos invenerat, armentorum grege abacto,
omnes interemit. Antequam certum ne-
gotium, quod Commissariis cum Zaporoh-
ensibus intercesserat, recensemus: (qua-
ndoquidem hactenus longè latéque per va-
rias gentes famam eorum pervagari cog-
noscamus,) non abs re fortè videbitur, vel
*Origo, vi-
ta, & mo-
res Cosaco-
rum Za-
porohen-
sium.*
per transennam, de initiis, moribus, ac in-
stitutis illorum recensere ea, quæ & à pe-
ritis accepi, & ipse videns annotavi. Om-
nes ferè ex Russiâ originem ducunt. quam-
vis plurimi ex majori & minori Poloniâ
nobiles, infamiâ notati, tum nonnulli ex
Germaniâ, Galliâ, Italiâ, Hispaniâ etiam,
ob patrata facinora extorres, inter illos in-
veniantur: qui tamen religionis Græcæ
cultum observare, Ruthenicam linguam
exercere, abjectâ generis, si quæ inerat,
claritudine, plebeja cognomina assumere,
atque omni civilitate depositâ, agrestem
vitam degere coguntur. Domicilia majores

O 3 eorum

eorum fixerant in locis naturæ miraculo munitis, quæ Borysthenes ad ostia sua vergens alluit. Catadupas olim veteres appellarunt Geographi, nunc à Roxolanis vernaculo sermone Porohy vocantur. Ibi ante corruptam disciplinam militarem, omnes per cohortes & legiones distributi, in summo obsequio, & continuo bellorum exercitio degebant, & tanquam nidulo aliquo affixi, palæstram hanc propter alias occupationes deserere nefas putabant. Vicetum parcâ manu, tum ex venatione, tum ex piscatione quærentes, frugalitatem per omnia colebant. ab urbanis commerciis segregati, reique familiaris nullam aut parvam notitiam nacti, ab intemperantiâ & insolentiâ alieni, nihil aliud præter arma sola attendebant. In Oczakoviensibus campis fælicissimè sæpiùs cum Tartaris dimicabant, & gloriam pro peculio satagentes, excursionibus maritimis ditiones Turcarum infestare non desinebant. Exercitus eorum aliquot tantùm millibus constabat, & observabantur gradus militiæ, veteranisque

nisque & emeritis summus præstabatur honos. Quamobrem Divi Poloni Reges, jura, privilegia, ac immunitates certas iis largiti, singulari gratiâ bellicosos subditos suos fovebant, & prompto ubique patrocinio protegebant. Successu postea temporis, dum fœcunda culpæ secula & eorum priscum morem depravassent, indies hæc colluvies excrescere cœpit. Non jam ex virtute & meritis censebantur milites, sed passim dabant nomina ex ditionibus Russiæ ab agriculturâ, à variis opificiis profugi. Rustica imbellis illa multitudo non nisi gravis veteranis esse poterat. inde æmulatio ac dissensio exorta vetus militiæ institutum interturbabat, parsimonia versa in rapinam, disciplina in contentionem, obsequiumque in licentiam mutatum. Prædabundi vagabantur passim per Russiam, Litvaniam, Kyovensem & Braclavensem Palatinatum. patebant libidini eorum Ecclesiæ, fisci & nobilitatis bona. copiis etiam Reipubl., duce Stanislao Zolkievio, decertatum est cum Nalevaikone exerci-

tus illorum Præfecto , qui profligatus , & cum sceleris sui sociis captus , in comitiis Varsaviensibus enormi suppicio immatum criminum dignas luit pœnas. Non solùm verò vi , sed & variis per præcipuos viros transfectionibus , Respublica insolentiam eorum compescere, ad primumque illos ordinem redigere enitebatur. Quotiescunque enim aliquam suscipiunt expeditionem , numerosos exercitus ex rapinâ ditionum Regni alunt ; ex bello reversi , quasi colonias quasdam per vicos & urbes , tam Regias , quam Nobilitatis , ducunt , omnique Præfectorum ac Dominorum suorum obedientiâ se exolvunt. Pauci ex veteranis in suis ad Borysthenem domiciliis commorantur , reliqui , partâ toties prædâ locupletati , rei tantum Oeconomicæ cum uxori- bus & liberis operam navant . otio verò allectati in forenses contentiones se imminent , ac in Comitiis , frequentibus legationibus partes eorum promovent , qui Græci ritus religionem professi , in Latinos invehuntur , & Occidentalis , Catholicæ nempe ,

113
nempe , Ecclesiæ imperium renuunt. Non pridem stipendiarios suos voluit esse Respublica , quibus quotannis certa pecuniæ summa Kyoviam reportatur. Sūmmum apud illos obtinet regimen exercitus Præfectorus , qui loco insignium gestat baculum ex arundine confectum. atque ut tumultuari modo , non suffragiis , sed solis acclamationibus , & frequentibus pileorum in candidatum ejectionibus , eligitur : ita sæpius instabilis vulgi libidine magistratu privatur ; quàm diu tamen munere suo fungitur , penè eum remanet supra quemlibet Cosacorum vitæ & necis arbitrium. Secundum honoris obtinent gradum quatuor bellici Confiliarii , vocati Assavlii , cum Legato , qui Substitutus Præfecti exercitus nominatur. Sequuntur postea Castrorum , bellicarum machinarum , legionum præfecti , tum Centuriones , & publicus Notarius , qui census & sumptus eorum notare , & consilio religionis Græcæ Monachorum literas ad Regem & Proceres Regni exarare solet. In Trechtimirovo , Pa-

latinatus Kyoviensis oppido , quod iis
Respublica, ob fidelem ex præstitis meritis,
grati animi memoriam , donavit , asservan-
tur, cum exercitus Præfecti & Consiliario-
rum scitu, eorum privilegia, tormenta bel-
lica , varia ex dirutis Turcarum emporiis
importata spolia , militaris etiam supellex ,
ac Regia vexilla, quæ illis in signum supre-
mi dominii , quotiescumque pro Republ.
arma sumunt , à Regibus Poloniæ ex insi-
gni benignitate mittuntur. Quando ar-
duum aliquod negotium in exercitu inci-
dit , ad concionem vocatur ab ipso Duce
universa plebs. atque is primùm vultu ad
reverentiam & modestiam composito , ali-
quoties versus multitudinem se inclinans ,
destinatum ingreditur locum , & detecto
capite , sub extenso Regio vexillo , inter
cæteros assidentes, solus cum iv Consilia-
riis stat , statumque causæ , quæ in delibe-
rationem venit , pleno comitatis sermone,
proponit. Tunc vel crimina, si quæ illi ob-
jiciuntur, diluit, aut, in proprium usum, ali-
quem ab exercitu favorem submisso petit.

Illic

Illic omnia , quæcunque accepit , munera
proferre , atque , ut ea sibi concedantur ,
multitudinem flagitare debet. Hæc si re-
nuat , omnia libidini ejus non vulgari , in
voce & gestu, cultu permittit. Dum Præ-
fectus exercitus eos alloquitur, verba illius
summo silentio excipiunt , postea senten-
tias suas alternis obruunt acclamationibus.
Ad bellum maritimum aptissimos longus
effecit usus. vehuntur lintribus , quibus à
latere ad instar tabularum fasciculos ex
arundine compactos , contra tempestates
& fluctus maris adneantur , ac summâ ve-
locitate onustis triremibus Turcarum sæ-
piissimè potiuntur. Plurimi eorum frameis
non utuntur, sed sclopetis omnès. quo ge-
nere militiæ Reges Poloniæ, potentissimo-
rum in orbe terrarum Principum pedita-
tum adæquare possunt. Castra etiam, dex-
trè in aliquot ordines redactis plaustris, ad
normam fortissimi propugnaculi muniunt,
quæ Tabor appellant , & contra hostium
impetum extremum ibi quærunt refugium.
Hi itaque Zaporohenses ad bellum Turci-

P 2 cum

cum accersiti, dum Borodavcæ, ignavissimi, ut antè commemoravimus, hominis culpâ tardiùs, quām ex communi usu erat, castris Polonis se conjunxit, nec ob adventum hostis, sibi aut equis competenter commeatum comparare potuissent, largiter profecto juvabantur à militibus, tum fæno, tum exiccato pane. at respectuantæ multitudinis illis victus non sufficiebat, his diminuebatur. Cofaci verò indies magis frendentes, iteratis querimoniis Petrum Konaszevicium turbare non desinebant, qui pro insigni suā in Rempubl. fide, pullulanter in exercitu suo seditionem statim Chodkievicio & Commissariis denunciavit, obnixè petens, ut serpenti malo. mature obviam irent. Zaporohensium alii missionem flagitabant, alii immensam mercedem exigentes, turpissimè (ut vulgus sollet) cum patriâ suā nundinabantur. Vladislau, cuius nomen in summâ apud illos est veneratione, communicato cum Duci bus & Commissariis consilio, Petrum Opolinskium Castellatum Posnanensem, Lubomir-

*Tractatio
Cofaco-
rum Za-
porohen-
sum.*

bomirscium & Iacobum Sobiescium in castra eorum, cum æquissimis pro communi bono postulatis, misit. Adducti ii in publicum consilium, cum summâ observantiâ à Petro Konaszevicio sunt excepti. Vtrique collegæ visum erat, ut Sobiescius eos alloqueretur, tanquam plurimis & præcipuis ex belli Moschovitici contubernio optimè notus. Nec audientis multitudinis volubilitas, nec temporis ipsius ratio prolixum postulabat sermonem. Brevibus igitur verbis, honorificè tamen, Vladislai, Chodkievicii, & Commissariorum nomine, enumeratis eorum in Rempubl. meritis, & collaudato præsenti obsequio, per ipsius Vladislai salutem eos Sobiescius obtestabatur, ne difficilimis Reipubl. temporibus, & in extremo ferè discrimine desererent religionem Christianam, Patriam, & tot seculis partam gloriam. Ad refacienda verò dannata, in summis publici ærarii angustiis, quinquaginta millium florenorum donarium illis obtulit. Hoc unum tamen solicitabat, ut post eventum belli istius prosperum,

P 3 fine

sine querimoniis & Russiæ Provinciarum ejulatu, in assignatis locis promissam pecuniam expectarent. Durius hæc excepit ieiuna plebs, quæ plerunque timere nescit; & præmium jacturæ impar, & incertum solutionis tempus, communi acclamatione incusabat. Tandem præparatis eorum ante, per Petrum Konaszevicium & alios legionum præfectos, animis, facilè omnia insinuavimus. id tantum mordicus postulabant (quod nos statim concessimus) ut pollicitationes nostræ publico contineantur instrumento; hoc verò Chodkiewicci & Senatorum, qui expeditioni Chotinenſi aderant, ac omnium Commissariorum sigillis obsignatum, ac propriis manibus subscriptum, quam primùm ad Regis notitiam perveniret.

Interim ne Chodkiewicius, Constantino Vevellio aliquot diebus in castris detento, abhorrere omnino ab honestis pacis conditionibus videretur, in eam incumbebat curam, ut aliquem Internuncium, modestiâ & iudicio commendatum ad Vesira-

semem

*Zelinscius
in castra
Turcarum
profici-
tur.*

semem mitteret. Iacobus Zelinscius, aulæ Lubomirscii præfектus, omnium expectationi responsurus censebatur. Hic itaque unà cum Vevellio, certa à Chodkiewicio & Commissariis mandata ad Vsaimum detulit. Ac in primis more institutoque omnium gentium petiit, ut illic commorandi, sic inde redeundi, conjunctam suam cum decoro Reipubl. securitatem. Postea veteris amicitiæ singularia exempla recensuit, non sine magnâ apud amicos cognatosque Regis sui Principes invidiâ. sudore & sanguine Polono Valachiam ac Moldaviam propugnatam cum livore Christianorum. meditati contra Othomanicam domum belli vix non universæ Christianæ Reipubl. spretam societatem. ad primum denique inaugurationis Osmani nuncium, Petri Ozdze Tremboveliensis Capitanei ad Ianuas Legati profectionem, ut is ex adepto avito imperio, præmissâ novo Principi gratulatione, antiqua, inter duo hæc imperia, foedera, Regio ac totius Poloniæ nomine, confirmaret. Nullo tamen merito

Sigif-

66

120 BELLI CHOTINENSIS,

Sigismundum ab Osmano laceſſitum judicabit posteritas, dum Otfinovium Secretarium ac Internuncium ejus, multis opprobriis ſatiatum audiet. Si Cosacorum ſuetâ insolentiâ irritabantur Turcæ, ex conſuetudine ſociorum & amicorum Principum, aut per literas, aut per nuncios cum Rege expoſtulandum priùs, quam bellum erat proclamandum. Retinendæ enim Turcarum amicitiæ cauſâ, maximo ſtudio ac ſummo ſemper conatu, Zaporohensium licentiam refrænare Respubl. intendebat: diſtentæ eo Reipubl. vires, armâque diſtracta, dum Cosacos reprimere deberent, Tartaris rerefere cogebantur. Osmani igiut nutu, ex quo pendent Tartari, arcean- tur eorum in Poloniā incuſiones: facile & Respubl. providebit, ne quid à Cosacis Turcæ detrimenti capiant. Tales de futurâ pace ſermones conferente Zelinscio cum Vezirazeme, belli tamen fortuna ab hostibus tentabatur. Summo manè legio- nes eorum ad ſylvam caſtris Poloniā o- pofitam comparere cœperant. mox di- rectas

LIBER SECUNDVS.

121

rectas versus Lubomirſianam portam grandiores bellicas machinas ſæpiùs ex- plodebant; frequenti globorum ictu, ex cohorte Stanislai Stadnicii concifi ſunt aliquot equi, interemptus Breniecius, & alter ex commilitonibus auditu privatus. Appropinquante jam meridie, omnia illa, ac numerosiſſima, quæ circa ſylvas cernebantur agmina, Ioannis Wejeri Palatini Culmensis munitionibus retrò relictis, ve- hementi insultu ad fossam Moscinii tende- bant. Hungarus enim ex ejus cohorte transfuga, eam valli partem ut minori præſidio & rudiori operâ munitam, præſentif- ſimo patere periculo ſciens, Turcas illuc ducebat. Quorum equites, ligatis ad arbo- res equis, dum ſe Ianizeris adjunxiſſent, pari omnes validiſſimoque impetu demon- ſtratum à proditore locum petebant. In- opinato ſtrepitū implentur Polona caſtra, conclamatur ab omnibus, jam fossam trans- filiiffe hostes: animantur à Ducibus mili- tes, anhelans turba, quod vocatur, currit. Chodkiewicius tractandæ pacis abjectâ

Q

ſpe,

67

spe, deploratâque Zielinscii vitâ, per sacra fidei mysteria, per fas patriæ & communem salutem, per charissima denique cujuslibet pignora, suos obtestatus, in hostem omnes ruere jubet, ipse verò, ante Lubomirscianam portam equo infidens, cum Prætorianâ Vladislai cohorte ad ultimum se periculum reservabat. Lubomirscius autem ad fossam Moscinii subsidia disponebat. At Poloni, cum extremo fato summâ fortitudine decertantes, tanquam devota pro Republica capita, desiliunt ex fossâ imperterriti sclopetis explosis, manibus & armis hostibus commiscentur. Tandem Numine propitio inclyta Virtus triumphavit, Turcarum plurimi occubuerunt, præcipui aliquot capti, & lethalibus vulneribus confossi, brevi pòst interierunt. Vidisses vix non ad nauream truncata Turcarum capita à vilissimo quoque trahi, gestari abscisso cum annulis digitos, sericeas vestes, pileos Turcicos ex tenuissimâ Asiaticâ telâ contextos per castra venundari, barbarorumque numismata paßim ostentari.

Fekiety

Fekiety Hungarus invaserat relictos in sylvâ equos, necatisque qui illic manferant Turcarum nonnullis, & equis aliquot abstis rediit, multò plùs præstiturus, si maturius ei advenisset auxilium. Karakasz Bassa Budinenis Præfectus (quæ dignitas plerunque non nisi optimè meritis, & in re militari eminentissimis Proceribus conferunt) illic cecidit. Magnâ ille nominis famâ elatus, & ab universo Osmani exercitu pridie interitus sui honorificentissimè exceptus, bello adhuc Chotinensi magis inclarescere ambiebat: nec vastus animus Vsaimum, gloriæ & Principis gratiæ æmulum, ferre poterat. Dum igitur ignavum suum regimen modò convitiis, modò scommatibus proscinderet, fidelemque cum dexteritate operam in delendis hostibus Osmano polliceretur, ejus ductu Turcæ conatus illo die omnes exequi studebant. Versipelli ingenio præditus Vsaimus, lubens tumido homini, & rei cum Polonis gerendæ penitus ignaro, palmam detulit. In primum se impetum Karakasz Bassa in-

Q₂ seruit:

seruit : in subsidiis ejus collocatus Vſai-
mus , quamvis suppetias ferre debebat ,
acerimum tamen , majoremque suum ,
quām Poloni essent, hostem ultro deseruit,
ut ex clade atque cæde illius , Osmani an-
tea conceptam de se opinionem restaura-
ret. Karakafzii cadaver quadrigis albis, &
cooperto curru in castra advectum , cun-
ctis lugubre exhibuit spectaculum.. mor-
tuo magni habebantur honores , totiusque
exercitus conspersum lachrymis funus cum
barbaro ejulatu efferebatur. Canitur &
nunc à Turcis , qui Heroum in bello de-
functorum manes singulari cultu prosequi
solent.

Moscinii Hungarus prodigionis suæ ex-
hibuit pœnas , ob infelicem successum , &
quasi malè præstitam fidem , in minutæ
partes à Turcis dissectus. Verùm ii vindic-
tam simulantes , sequenti die castris suis
egressi , plurium legionum signa & bom-
bardas maiores postquam de longè osten-
taffent , tandem cum illo apparatu in de-
clivio quodam usque ad vesperam latita-
bant.

bant. Tartari non procul ad Braham op-
pidum more suo prædabantur, aggressi eos ,
qui Cameneciam victus causâ se contule-
rant, vehiculis ac equis ademptis, plurimis
in vincula conjectis , cæteros mactarunt.
Magna exercitus pars jam se accinxerat ad
comparandum Cameneciæ commeatum ,
sed multi eo prætextu turpissimam fugam
in animis volentes , severi edicti anfam
dederunt , ne quis Tyram transfire auderet.
Tunc primùm Chodkiewicius universum
exercitum ad concionem vocavit , atque
viribus ob diuturnitatem morbi destitu-
tus , & in suo tentorio lectisternio sufful-
tus , languidâ voce , novum , insperatum ,
generosi verò cujusque auribus ingratissi-
mum confilium in hæc verba proposuit :
Pertinacem Osmani in continuando bello
mentem optimè omnes cernitis : quanta
equorum ex fœni penuriâ , quanta om-
nium ex continuis morbis strages grasse-
tur , docet vos quotidianus tot calamita-
tum sensus. retentorum stipendiorum so-
lutio tam citò non est speranda , matura-

*Primavi-
ce ad con-
cionem ve-
cati mili-
tes.*

*Oratio
Chodkie-
vicii.*

que subsidia frustrà expectantur ; quandoquidem nulla de adventu Regis , ac generali Regni expeditione notitia hactenus ad nos pervenerit. Hostem aggredi diminuto & attrito exercitu , cui equitatu, maximo sui robore privatur , periculosum arbitror : impetum Turcarum iteratis vici bus in castris sustinere , minùs tutum ob notabilem pulveris inopiam censeo. Nunc de modo & ratione receptus sententias vestras promite. Vbi enim de dignitate & salute Vladislai Principis agitur , satiùs erit acervatim recedere , quām sparsim fugere.

Cessavit hīc Chodkiewicus , versisque huc & illuc oculis , vultus, gestus, motum denique militum suorum contemplabatur. Vnde facile colligi poterat , vocem hanc genio suo & gloriæ tot rebus gestis acquisitæ imparem ideo emisisse , ut uniuscujusque in exercitu expiscaretur animum. Felicissimè ejusmodi tentamen Imperatoriaæ successit arti. Omnes attoniti , insolitam Chodkiewicii orationem durius exceperunt. à primo ad ultimum ruebant cuncti in hanc

in hanc sententiam , honestius censeri, pro patriâ gloriosè occumbere , quam evitandi , inevitabilis tamen , fati gratiâ ignominiosè fugere. in arduis probari virtutem , in periculis agnosci viros. ducerent se (abducere enim nefas esto) quò vellent generosi Duces , mox constans obsequium sacramento militari confirmatum iri. Petrus quoque Konaszevicius , cum præcipuis legionum Zaporohensium Præfectis illic præsens , ne latum quidem unguem ab eâ exercitus concordiâ abscesserat : ita ut ignobilis illa multitudo cum nobilissimis etiam viris alacritate contenderet. Chodkiewicus igitur , facto cum Commissariis secretiori conventiculo , alloqui denuo in hunc modum exercitum coepit : Communes vestras pro tuendâ charissimâ patriâ voces , intensa studia , fortissimorumque militum invicta pectora , quantopere animum meum cum ægro corpore luctantem refocillarint, videt hic, cui abdita humana rum mentium arcana semper patent. Nunc jam vires resumo , nunc hos artus quasi reviviscere

*Alacritas
militum
Polono-
rum.*

*Chodkie-
vicius ie-
rum allo-
quitur mi-
lites.*

viviscere sentio, dum florem Reipubl. meæ in pristinâ majorum gloriâ refloescere intueor. Macte innatâ fortitudine, ô Polona & Litvana Militia ! priùs me deseret conflictatus tantis doloribus spiritus , quâm ego tuos deseram conatus. Auspice D e o , cuius hîc vertitur cunctis potestatibus adorandum Nomen , fortunâ Duce , Virtute vestrâ comite, lubens vel cum extremo anhelitu præibo , quo cunque nos Patriæ fata vocabunt. Ne verò me, aut Commissarios ingratos putetis , quamvis posteritas suum unicuique decus rependet , cœlum mercedem parabit , Respabl. (si me bello huic superstitem cernetis) devinctam se meritis vestrîs agnoscat ; & Regia benignitas digna periculis vestrîs præmia distribuet : Nunc tamen salutem populi pro supremâ lege considerantes, ligatam solvimus potestatem , vobisque loco donarii trimestria integra, prout quisque sub signis meretur, stipendia pollicemur , fidemque nostram promissis addicimus.

Dimissâ concione, consternationem primam in

129
mam in gaudium conversam aspeximus . prodibant milites ex tentorio Chodkiewicci lætitiâ gestientes : hi dextris juncti mutuum in discrimine auxilium spondebant : illi fugæ , si compareret , autorem diris devovebant , nihilque in castris tum temporis aliud præter tales perpetuas acclamations audisse : hîc stando moriendum ; hîc extrema mala potiùs expectanda, quâm signa derelinquenda.

Cosacorum Zaporohensium octo millia eâdem nocte irruperant in castrorum Turcarum inferiorem partem , ubi cæsi Karakafz Bassæ stativa erant. insignem occasionem ex ipsâ nocturnâ obscuritate nacti , exiguo opere tentoria occuparant , quibus disceptis , Turcis , qui nihil adversi metuentes securissimè dormiebant , confossis, equis, camelis , & Karakafz Bassæ, ut præfecti militiae , signo , & splendido rubro vexillo , atque diversi generis supellecili potiti,in castra sua incolumes properarunt.

Tardior Zielinscii reditus Chodkiewicum mirum in modum afficiebat , ac ad

R eum

*Irruptio
Cosacorum
Zaporohensium in
castra Turcarum.*

eum repetendum uni ex Turcarum speculatoribus tradi jussit ad Radulonem Valachiae Palatinum pertinentem Epistolam, quæ brevi ad manus Zielinscii pervenit.

*Confilium
Vladislaei
cum Sena-
toribus.*

Vladislaus à Medicis præmonitus, morbum Chodkievicii in horas magis invalescere, Senatores & Commissarios ad se acerfavit, de ulteriori belli progressu deliberatus. Accessit unanimis consensus, castra angustiori ambitu stringi, Regem verò tam de periclitante Chodkievicii salute, quām de expeditionis istius statu certiorem reddi. Quidquid privatum constiterat confilium, per Constantinum Plichtam Castellatum Sochaczoviensem, & Iacobum Sobiescium absenti Chodkievicio referendum erat, nisi lethalis ipsius morbus prohibuisset.

Extra castra tamen velitationes non definebant. instabat Polonorum alacris miles. Stanislaus Zoravinscius Castellanus Belzenfis, Senatoriâ dignitate, & legionis in exercitu præfecturâ venerandus, atque longo morbo affectus, imperterriti nihilo-

minus

minus animi vigorem indicavit, dum se selectæ magnatum juventuti, Nicolao Sieniavio, Ioanni Rozrazevio, in ista Martis ludicra immiscuisset. Simon verò Kopiczynius, Christophorus Wasicinius, Ioannes Gdeszynius, Ioannes Swiczynius, cœptum redintegrabant certamen. Fekietys ad infestandum hostem expeditus, magnum equorum numerum, mulos, bufalosque plurimos adduxerat.

Rediit cum Vevellio Zielinscius, *Reditus
Zielinscii.* magistratus mutatione retentus. Nam Dilaver Bassa, Mesopotamiæ Præfectus, origine Cerkieffum, alii Roxolanum affirmant; sunt qui narrent, dum post necem Osmani à Ianizeris in domo suâ obfessus, à captivis Russis acerrimè defenderetur, Russico eos sermone animasse. Is itaque, proiectâ ætate, longo rerum usu, atque sancito cum Persarum Sopho foedere, magnam sibi apud Turcas conciliaverat autoritatem. Auxerant ei Osmani gratiam raræ ex Asiâ advectæ opes, quibus præter naturam, juvenis, & aliæ magnarum rerum con-

R 2

temptor

temptor Princeps adēd inhiabat , ut for-
didissimum quemlibet avaritiā superaret.
Empto Dilaverius illorum , qui aulā potie-
bantur , favore , & Imperatori donatā ma-
gnā in auro pecuniā , quamvis tardiūs in
castra venisset , statim tamen summum Pri-
mi Vesiri Magistratum obtinuit , dejecto
Vſaimo , qui ob gestum infeliciter Chotin-
nense bellum , vulgi tædio affecti invidiā ,
& furentis Principis odio flagrabat . Pa-
rūm abfuit , quin & vitā privaretur , nisi
eum nonnullorum vetusta amicitia juv-
set , quæ eum in Secundum Vesirem pro-
movit.

Adeptā Dilaverius primā in Otomani-
co Imperio dignitate , bellandi ob decrepi-
tam senectutem minūs cupidus , ac mune-
rum , quæ ab Internuncio Polono offere-
bantur , avidus , arcane communicato con-
filio cum Hodziā facrorum Imperatoris
Ministro , & in pueritiā pædagogo , atque
cum Æthiope Gisleragā , libidinum palatii
præfecto , humanissimè Zielinscium tracta-
vit , promissisque Legato venturo publicis
liberè

liberè veniendi & recedendi literis , pacis
spe eum plenum dimisit.

Zaporohenses tamen nocturnis suis ex-
cursionibus hostes vexabant , fixa eorum
trans Tyram tentoria occuparunt . cæde-
bantur somno obruti Turcæ . alii celeri
versus pontem suum fugâ inopinatum pe-
riculum evaferunt . Cosaci verò solam quæ-
rentes prædam , spolia pro plenâ victoriâ
reportarunt . Fortuitus nihilominus casus
Vſaimum , de quo plura retulimus , Vesirem
secundum , ibidem cum aliis pernoctan-
tem , in extremum ferè discriminem impule-
rat , vix enim ex manibus unius Cosaci
elapsus , veste pretiosâ , pileo , cingulo , ar-
mis atque pecuniâ spoliatus , tanti nominis
vir , totâ nocte erroneus , in nemore vag-
batur , repertaque angustâ speluncâ , ramis
cujusdam arboris coopertâ , in qua abscon-
ditus aliquantulum latitabat , illucescente
die , præ pavore semivivus , & vix à Turcis
agnitus , ad pontem suum pervenit .

Postquam proxima mortis signa in
Chodkiewicio apparerent , tum ut ipse in

R 3 secessu

134 BELLI CHOTINENSIS;

secessu commodiūs amplæ domui suæ disponeret, animamque, mox corpus coacer-
vatis doloribus exhaustum derelicturam,
ante horrendum tremendæ Majestatis Tri-
bunal, Sacramentis ritu Christiano præpa-
raret, tum ut obitus ejus faciliūs in suo &
hostium exercitu celari posset, in arcem
Chotinensem est devectus. Quicunque
transiens Chodkiewicum vehi cognovis-
set, is veluti jam Imperatoris sui funus ef-
ferretur, ita de longè lachrymis atque sus-
piriis coopertum undique, tanquam jam
feralem currum, prosequebatur. Quò faci-
liūs variis ærumnis afflictus exercitus com-
meatu recrearetur, Nicolaus Kossakovius
Capitaneus Wisnensis, cum Woronicii le-
vis armaturæ cohorte, Korsunensibus Io-
annis Danylowicz Palatini Russiæ, & cum
selectis Palatinatus Volyniæ equitibus, ac
Vladislai centum peditibus, dum plaustris
hinc & inde adversus hostium insultus se-
piretur, ad Cameneciam iter convertit.

Vigente adhuc & florente omnis ordinis
militiâ, latè castra Polona extendebantur.

at de-

LIBER SECUNDVS.

135

at deficientibus copiarum viribus, Lubo-
mirscius propugnaculum Wejeri dirui, re-
liquas munitiones coarctari, & Zapor-
hensium castra propriūs Dinophii vallum
submoveri curavit.

Frequenti prædâ inescati Cosaci noctu
expedierant duorum millium legionem,
quæ ab Hungaris Bobovii peditibus, tum
& à lixarum & calonum plurimis comita-
ta, Tyramque transgressa, sueto stratage-
mate nonnullis tentoriis Turcicis est potita.
multi interempti numerabantur, alii solo
strepitu dissipati, cùm terga darent, in Ty-
rà mergebantur. Occupaverant jam Zapo-
rohenses Turcarum pontem, exquisitâ ope-
rà, magno labore à Valachis & Moldavis
jussu Osmani fabricatum, quem parvo ope-
re disruptissent, si ut vincere, ita victoriâ
uti scivissent. Verum spoliis incumbendo
tempus terentes, Turcis illo clamore in
castris suis concitatis, satis ad reprimen-
dum omnem impetum spatii concesserunt.

Tandem Chodkiewicus cùm naturæ &
gloriæ satis, patriæ ac familiæ suæ parùm
vixisset;

Zaporo-
hensium
irruptio
nocturna.

Chodkie-
vicii obi-
tus.

vixisset ; post tot morborum suppicia , Epilepsiam enecatus : qui ex publicis privatisque votis immortalis esse debebat, Chotini VIII Calend. Octobr. inter secundam & tertiam pomeridianam horam mortalem exuit vitam. Ad constituendam tanti Heros magnitudinem, Fortuna & Virtus, raro & pari cursu, contendisse mihi videntur. Indulserat ei fortuna , quamvis alias mancipiorum suorum negligens Domina, summa beneficia. Paternum , Maternumque genus clarissimis imaginibus resplendens. Pater Castellanus Vilnensis , Marschalcus supremus M. Ducatus Lithvaniæ , natus Proavis ac Abavis , militarem gloriam, Senatoriamque dignitatem adeptis. Mater Christina Zborovia Palatini Cracoviensis filia , Fratrum summis honoribus ac Magistribus eminentissimorum soror, majoresque numerans suos , magna olim Reipublicæ Polonæ pace & bello decora. Considerare in Chodkiewicio licebat non postremam humanæ felicitatis partem , dignam tali stirpe corporis constitutionem:

vultum

vultum primo aspectu austерum, sed majeſtatis plenum , alti animi & ipsius Martis indicem, ex porrectam frontem, aquilinum nasum, omnia generofissimi Imperatoris signa. Eadem Fortuna , quæ magnificam ei dederat originem , nec opes denegavit, conciliaverat & illustria connubia , primis nuptiis Sophiam Meleciam , à Palatino Podoliæ & exercituum Regni Duce procreatam , in matrimonium antea Simeoni Duci Slucensi elocatam , secundis Annam Alexandri Ducis in Ostrog Voliniæ Palatini filiam , utrasque conjuges natalibus , institutione , sanctimoniam , pudicitiam , moribus , & amplissimis ætate nostrâ in Poloniâ hæreditatibus celeberrimas. Non inferiores opibus Honores in eo elucebant : Pocillatoris nempe M. D. Lithvaniæ , & præter ætatem exercituum Ducis , Capitanei Samogitiæ , Commissarii Liveniæ , Palatini ad extreum Vilnenis dignitates. Continuata verò trophæa, iterati toties triumphi , perpetuum quasi actum faventis fortunæ denotabant. Sed hæc à

S Virtute

Virtute minimè deserebatur, quæ fidissima
vitæ Chodkievicii comes, vivit nunc in
animis omnium, & tamdiu vivet, quād-
diu Orbis hic stabit. Atque commandant
in primis pietatem ipsius, castæ mentis sin-
cerus divini Numinis cultus, preces ante
proelia supplices. post victorias gratiarum
actiones humiles, pluribus ante obitum an-
nis quolibet die Sabbathi, post expiata per
confessionem delicta, ad Eucharistiam de-
votissimus accessus, extructum sumptuoso
opere Cretingę Patrum Minorum de obser-
vantiâ cum Basilicâ Monasterium, erectum
Bichovii Canonicorum S. Augustini Regu-
larium cœnobium, in Samogitiâ Patres So-
cietas Iesu fundati. Testantur Magnani-
mitatem summi semper conatus, dicta he-
roica, structuræ magnificæ, Bichovum val-
lo & propugnaculis ex militari arte exqui-
sitissimè cinctum; Lachoviana arx &
ingeniosâ munitione & splendidis ædificiis
præstantissima: armamentaria certè Re-
gia, machinis bellicis singulari industriâ
confe-

confectis repleta. Liberalitatem magnâ suâ
laude exercuit, egenos, vulneratos, aut
egregio aliquo facinore insignes milites
juvabat modò pecuniâ, modò veste, hunc
equis, illum armis, omnes hospitalitate de-
vinciebat. Clementiâ maximum sibi no-
men apud exterias, remotissimasque gentes
comparavit: in captivos, quamvis à natu-
râ ad iram promptior, nunquam sœviit, imò
honore eos & muneribus dignatus dimit-
tebat. æmulatus etiam hac in parte Impe-
ratorum Romanorum gloriam, humanissi-
mum se in hostium cadavera præsttit. Post
subsecutam Kircholmensem victoriam,
cæforum Germanorum Ducum funus præ-
sentiâ suâ, splendido apparatu, & magnâ
pompâ exornasse illum vidit Rigenium
civium turba, audierunt externæ gentes,
mirati sunt hostes. Bella Livonica sum-
mam illius dexteritatem posteris illustra-
bunt: loca limosa paludibus, lacubus,
& sylvarum saltibus invia, incredibili
celeritate victricibus signis peragrabat:

S 2 ad mul-

ad multa castella cùm venisset, vidit statim & vicit.

Volmariam fine suorum jacturâ aperto insultu cepit, recuperavit Parnaviam portâ stratagemate effractâ, per idem bellum instrumentum pulvere impletum, cuius primus in Hungariâ ad Iavarinum usus Christianis feliciter successit. Rigam, Dinamuntum, Derpatum, Bialocamenum, parvis viribus, magnâ virtute, & insigni artis militaris peritiâ sæpiùs tutabatur. Nec solùm hostibus, sed mari etiam ingenti suo spiritu terrorem incussit, dum naves Suecorum incendisset.

Kircholmensis de Carolo Sudermanniae Duce Sueciæ Tyranno reportata victoria, omnium potiùs gentium miraculo, quâm historiæ fide dignâ esse censetur: tantâ, stupentibus & nunciis, qui prœlio aderant, felicitate ac fortitudine, exiguis licet copiis, cum numeroso hostium ex Suecis, Gallis, Belgis, Germanis collecto exercitu dimicavit, ut vix audito hoc sæculo

culo exemplo, novem millia armatorum hominum cæsa tunc numerarentur. Ad-dam, quod veritas à me extorquet, Chodkievicium tot annis nec uno prœlio à Suecis attritum, totius Livonici belli fuisse victorem. In dissidiis civilibus, propriis sumptibus, fido consilio, imperterrita animo, dexterimo regimine, partes sequebatur Regias. Moschoviticis item bellis implicarunt eum fata. in pericolosissimo rerum statu exercitui præfuit, atque simul hîc cum seditiosi militis procacitate, illic cum maximis, nec cum suâ parvâ manu comparandis Moscorum viribus decertando, & sartam tectamque Reipublicæ gloriam, ac militantis nobilitatis salutem conservavit. Invidiâ postea apud malevolos laborabat, quod minùs prospere illam provinciam administraffet. quasi non pro majori reputaretur laude unum civem servare, quâm mille hostes occidere. Ex alterâ Vladislai expeditione, recuperatâ magnâ Ducatus Severiensis parte glriosus

S 3 rediit.

142 BELLI CHOTINENSIS;

rediit. Ad extremum, post tot res feliciter gestas, ita benigna fors extremum ejus vitæ cursum disposuit, ut unà cum bello, omnium, quæ antè confecerat, celebrissimo, nominisque immortalis gloriâ caduca sua terminaretur vita. Viguit in eo laboris, æstus, frigoris, inediæ tolerantia. in disponendis excubiis vigilantia, in mitten- dis exploratoribus sumptuosa solertia. in acie autem instruendâ ea promptitudo atque dexteritas, quæ cum summis veteris & recentioris ævi Imperatoribus æquari poterat. Architecturæ militaris erat peritus, & dimensionum Geometricarum non ignarus. Generofissimorum equorum, exquisitorum armorum studiosissimus, omninoque facie, gestu, gressu, voce, vestitu, ad Martem à naturâ compositus. In dicendâ sententiâ & militaribus orationibus succinctum, at nervosum audivimus. Comem, affabilem, & accessu facilem vidimus; in familiari consuetudine suavissimum: nisi Melancholicus prævaluisset humor, partim à

LIBER SECUNDVS.

143

tim à variis morborum affectionibus, partim à continuis bellorum curis, maximè militari in Moscoviâ insolentiâ accersitus. Et ad Chotinum angebatur moribundus, tum ob immutatum à suo consilio bellici apparatus ordinem, tum ob tarda subsidia, & multos in castris defectus, qui animi illius summa molientis grandem impetum retardabant. Sæpiùs in affectibus moderandis præbuit se impotentem, iræ vehementiū deditus, ac ideo præcipue in Chotinensi expeditione militum plurimis invisus. Fateamur tamen, nisi is insolentis multitudinis odio, disciplinam militarem rigore suo retinuisse, jam pridem hæc communi Reipublicæ malo corruisset.

Corpus ejus Chotino Cameneciam, Cameneciâ Ostrogum advectum, atque ibi, nescio quonam fato, ob privatas fortè domus suæ dissensiones, decimo quarto post obitum mense, à mœstissimâ conjugé, pomposè est humatum. Dignum profectò illud

144 BELLI CHOTINENSIS;
illud pulcherrimarum virtutum præstantissimum domicilium, ut ipsâ ringente invidiâ, supra omnia Græci & Romani fastus Mausolea emineat.

Sed nos cum tanti Imperatoris exitu, huic quoque libro finem imponamus.



CHOTI-

145

CHOTINENSIS BELLI LIBER TERTIVS.



Hodkievicii mors quamvis celari optabatur, mox tamen (ut omnia magna solent) tam per Turcarum, quam Polonorum castra divulgata in publicum erupit. Condolebat quilibet sorti Reipublicæ, quæ in summâ necessitate posita langueret, tali fulcro & ornamento orbata. Tum demum sublata ex oculis virtus suspiriis quærebatur; invidia dolori succumbebat, & quem vivum nonnulli ob arctiorem disciplinam inculpabant, omnes desiderabant mortuum. Lithvanæ legiones Principis solius regimen affectantes, in obsequio Lubomirscii non nihil vacillare cœperant. donec Principis singularis in majestate modestiæ exemplum insigne ediderit, dum se velle Lubomirscio parere obtestaretur; rationique congruum judicaret, siquidem numerosus Polonorum

Lithvanæ
rum legio-
num ter-
giversatio.

T exer-

79

exercitus potestati Lithvani antea subjeceret, ut nunc Lithvanorum inferiores numero cohortes Lubomirscio ut Polono subesse non graventur, quem muneric Chodkiewicci confortem præteritis comitiis Respublica declaravit. Acquieverunt statim Vladislai persuasionibus Lithvani. nec plus turbarum exitus Chodkiewicci dederat, neque ulla in exercitu apparet consternatio. imò quò propius imminere extrema putabantur, eò magis se uniuscujusque efferebat animus. Lubomirscius verò publico indicto consilio, autoritatemque suam stabilendo, milites in promisso trimestris stipendii donario confirmavit.

Sub idem tempus Fekiety rediens ex furtivâ excursione, quæ prospere illi evenerat, incidit in Tartaros, hominum & equorum prædâ onustos. hac ereptâ, recenti merito, non vulgare sibi in exercitu nomen conciliavit.

Turcæ cum vario impetu Polonorum vires hactenus frangere non possent, fati-

gare

gare eas nihilominus conabantur. modò enim barbaris acclamationibus, modò frequentissimis grandiorum bombardarum & sclopetorum explosionibus castra illorum impetebant. Desilierant & in reliquias diruti Wejeri propugnaculi, quò propiori accessu obfessos magis ternerent. In maximo versabantur periculo stativa Rusinovii legionis, quam nisi promptum peditum Lubomirscii auxilium sublevasset, pessimè de illâ actum esset. Occurrerant instanti hosti solitâ alacritate milites Poloni, & acerrimè dimicantes, non postremâ suâ gloriâ, elegantissimis duabus Turcarum vexillis potiti, omnia illorum agmina fugarunt.

Kopaczovius levis armaturæ cohortis, & Lermuntus Germanorum peditum legionis Præfecti, vulnerati, imperterritos in eo congressu exhibuerunt se viros. Turcæ admotis postridie trans Tyram quindecim majoribus bombardis, Cosacorum & Rusinovii munitiones frustrâ quatiebant. Constantinus Vevellius propter

T 2

requi-

*Turcarum
hostiles co-
natus.*

Vevellii à requirendas pro Legato salvi conductus
Veziraze-
me redi-
tus. (ut jure gentium vocantur) literas, aut tra-
denda, si vellent, mutua pignora, ad Vezi-
razem profectus, cum eâ rediit Dilave-
rii declaratione: Fidem utrinque pignori-
bus labefactari, præsentisque Osmani ma-
jestatem imminui; Sed publicas omnium
nationum more literas non denegari. quas
sufficienter ab eo contextas Vevellius at-
tulerat. Irritis toties conatibus exulcerat-
tus Osmanus, dum vincere jam aut vinci
cupidus innato furori habenas laxasset, im-
potentique suâ libidine, tanquam hiatu ali-
quo gentem Polonam penitus devorasset,
ultimas copiarum suarum vires exercere
intendit, die nempe sacrato in honorem
D. Venceslai Bohemiæ Regis, ratione olim
& linguâ Polonis conjuncti, vetustique
Patroni, ac in extremo hoc discrimine, tu-
telaris, ut piè credimus, Divi. Ab octavâ
in medio horologio horâ usque ad ipsum
crepusculum durabat continuus hostium
insultus, & plus quam sexaginta grandio-
rum bellicarum machinarum sine intermis-
sione

*Omnium
maximus
Turcarum
insultus
die S.
Venceslai.*

fione boatus: ut tunc cœlum coruscare,
aër caligare, terra gemere, tremere sylvæ,
hiscere rupes viderentur. Nec res totâ die
oculis subjecta in unâ aut alterâ paginâ
sufficienter comprehendî, aut à quopiam
exactè enarrari potest, quo impetu, quo
ausu, vel quâ potius desperatione utrinque
est dimicatum. Grandiores bombardæ
trans Tyram fluminis ripæ admotæ, modò
in adjacentem propriùs castrorum partem,
modò in Cosacorum Zaporohensium fos-
sam, ac in Vladislai jacentis tuguriolum ex-
plodebantur. Vnus ex corporis ejus custo-
diâ Scotus febri vexatus, & in mediis ca-
stris in suo tentorio humi decumbens,
quamprimum ad capiendum cibum caput
allevasset, repentina globi iactu, memorabi-
li equidem casu interemptus, ejusmodi suâ
cæde præstans exemplum militaribus viris
reliquit, faventibus fatis, periculis etiam
obvios sapientius remanere tutissimos, eos ve-
rò, qui discrimen subterfugiunt, crebrò ta-
men evitare illud non posse. Præcipuum
copiarum suarum robur converterat hostis

150 BELLI CHOTINENSIS;
in Prusinovii legionem, quæ equestri pugnæ assueta, brevioribus tunc sclopetis utebatur, & soli suo equitatui fidens humili se vallo cinxerat. Selecta Turcarum militia, equis abjectis, Ianizeris adnexa, & scutis nunquam antea visis ad recipiendos Polonorum ictus munita, tum inter frequentes arbores, & reliquias paulò antè negligentiùs dirutæ Zaporohensium fossæ, facilem proximi accessus modum nacta, undique Rusinovianis imminebat. Tartari ad alteram fluvii ripam horridos clamores edentes, rapidumque cursum, ac si enatare Tyram vellent, fingentes, vano terrore minimè Polonos percellebant. Dum periclitaretur cum suis Rusinovius, Almadii, Bobovii, & Nicolai Kochanovii divulsi à Principe pedites, ad ferendas ei suppetias properabant. Scoti etiam & Hiberni, fidissimi Vladislai custodes, ipso eos cohortante Principe, illuc se contulerant. Ita tunc Vladislaus, majestate suâ postpositâ, propriáque salute contemptâ, cum non posset corporis, animi viribus juvabat tantem

LIBER TERTIVS. 151
tantem in summo periculo Rusinovii legionem.

Invalescente hostili insultu, ad nobilitatis ipsius florem res devenit. miserrat enim ad præcipuas legiones Lubomirscius, ut ex qualibet cohorte alacres aliquot commilitones, ad repellendam extremam hostium vim, destinarentur. Gloriosa observari poterat contentio, omnibus pari studio ad assignatum locum ruentibus.

Tyrones à veteranis inexpertam cedi sibi palæstram exposcebant. Veterani ubi consenuissent, ibi nunc aut vincere, aut fortiter dimicando occumbere expetebant. Currebat ad Rusinovianos alacris nobilitas, capita sua pro patriâ devovens. Postquam transsissent eorum tentoria, qui morbis prostrati, acerbissimum quemque casum expectabant, edebantur ab iis lamentabiles ejulatus, & deplorantes miserimam suam sortem, querimoniæ, quod dum forti dexterâ propugnare communem patriæ salutem studerent, tum lectulis affixi,

præ
82

præ tædio & dolore tabescerent, victori
verò, quod absit, hosti inermes manus da-
re, & plūs quàm servile jugulum præbere,
victricis patriæ manibus tantùm suspiriis
gratulari cogerentur. Rufinovii legio san-
guinis Poloni decore, tanquam firmissimo
subsilio freta, mox prostratas resumpfit
vires. Nobilis illa caterva extra vallum ob-
viam ibat hosti. magnum inde exoritur
certamen. indefessi instant Poloni, perter-
riti fugam capiunt Turcæ. ac ubi primò
inclinabat victoria, ibi repente subsequitur
clades. Szembergus ante Almadii muni-
tionum reliquias confecerat in apice collis
cujusdam propugnaculum, quod duas con-
tinebat maiores bombardas, quinquaginta
Hungaros pedites, & Thomæ Zamoiscij
Palatini Kyovienfis peregrinæ militiæ co-
hortem. Aderant illic & Georgius Præfe-
ctus Vrzendoviensis, Andreas, Ioannes,
Nicolaus, Stanislaus, fratres Rzeczyccii, qui
ubique variis ex occasione periculis, pro
patriâ fortiter se objiciebant. Ingenioso
strategemate cum hoste egit Szembergus.
perspe-

perspecto enim ejus impetu intra suum
vallum latitabat. Turcæ, cùm nemo appa-
reret, locum præsidio omnino vacuum ra-
ti, accurrunt securi, incidentque incauti in
tot globorum iectus. pauci periculum eva-
serunt, magnus illorum numerus ad inter-
nacionem est cæsus. Ab aliâ etiam Choti-
nenfis oppidi parte insultu suo fatigabant
nonnullas cohortes. sed ab iis repressi, non
sine insigni strage, per vicinas sylvas diffi-
pabantur. Velitationes quoque, quas nox
ipsa diremit, felicissimè tunc temporis Po-
lonis successerant. atque totius diei gloria
& fortuna continuata, tantum Osmano
imminuerunt animi, quantum cuilibet ad-
diderunt Polono. Brevi pòst Turcæ in fa-
miliari sermone, multis ex familiâ nostrâ,
qui legatione fungebamur, ingemiscendo
fideliter referebant, præcipuo exercitus sui
robore Osmanum tunc fuisse orbatum.

In prospero successu, ut fors postulat
humana, & adversa metuenda erant, atque
inter media arma amplectenda honesta pax
censebatur, ob summam præcipue tormenti

tarii pulveris inopiam , quæ in ultimum discrimen universum exercitum conjicerre poterat. Commissarii igitur cum Lubomirscio & Senatoribus , in præsentiâ Vladislai , facto consilio , id maximè agitabant, quinam ex decoro & commodo Reipublicæ legatus ad Osmanum esset destinandus. Senatores autoritatem dignitatemque Ordinis sui tuentes , id sibi omnino incumbere prætendebant. Commissarii ex Ordine Equestri Comitiorum expressâ lege innixi , idem collegio suo publico jure vendicabant. Verùm dum belli momenta moram non paterentur , relictis altercationibus , cum potestate Commissariorum Senatoria autoritas ita est temperata , ut ex illis unus , Stanislaus Zoravinscius Castellanus Belzensis , vir ingenio , judicio , ac in rebus gerendis dexteritate singularis , (qui dum hos commentarios contexuimus , diuturno morbo exhaustus , magno sui tam in Republica quam inter amicos relicto desiderio , ex hac vita decepit) & unus ex Commissariis Iacobus Sobiescius ,

*Legati ad
Osmanum
destinati.*

biescius , simul in legatione ad Osmanum mitterentur. Vterque eorum Reipublicæ causâ lubens injunctam sibi provinciam , quamvis magnis molestiis & periculis obnoxiam , suscepit.

Tractandæ pacis conditiones , propter evitandas malevolorum finistras interpretationes à Senatoribus & aliis Commissariis subscriptas , dederunt legati asservandas Andreæ Szoldrscio Præposito Gnesnenſi Regis Secretario , & apud Vladislauum Cancellarii officium peragenti. Ipsi verò iter maturabant , acceptis secum nomine Lubomirscii ad Osmanum & Vezirazemmem conscriptis literis , & certis tam Imperatori , quam ejus Consiliariis offerendis muneribus , quæ ex suâ militari supellectili Vladislauus auxerat. Legatos in castra Turcica proficiscentes communibus votis universus prosequebatur exercitus. Reperiebantur alii , prout unicuique proprius inspirabat genius , qui sortem illorum deplorantes , animis & vocibus impendentia pericula præsagire viderentur :

V 2 alii

*Legati in
castra Os-
mani pro-
ficiuntur.*

156 BELLI CHOTINENSIS,

alii optimâ spe pleni omnia ominabantur fausta. Comitabatur illos nihilominus Polonæ militiæ flos, equorum generositate & ornatu, vestiumque elegantia resplendens. Intercesserant inter Polonorum equitum & nonnullos Turcarum speculatorum, mutuae etiam de longinquo salutationes. ac jam utraque pars ad mutua se invitabat colloquia, nisi ea severum Lubomirscii edictum interrupisset. Czausii aliquot (cubiculariorum id munus est) proiectioris ætatis & emeritæ militiae viri, obviam legatis nomine Vesirazemis occurrentes, per unum ex collegio suo, decorâ canitie, & promissâ barbâ venerabilem, brevi eos, sed amica oratione interpellarunt. cui dum succinctè & ex Reipublicæ dignitate Castellanus Belzensis respondisset; eâdem cum barbaris humanitate per selectos auxilios suos Radulo Palatinus Valachiæ certavit.

*Descriptio
castrorum
Osmani.*

- Eam, quæ tum temporis diligentius perpendebatur, castrorum Osmani faciem, brevissimè hîc describere non inutile forte eveniet.

LIBER TERTIVS.

157

eveniet. Nec quis existimet, ad amussim & regulam militarem castrorum metandorum Turcis usum esse. par illis ratio constat, quemadmodum in itinere cum exercitu progrediendi, sic & stativa figendi: cùm quilibet primum, ut fors indicat, locum occupet. Ad Chotinum verò, hîc ob planitiem, illic ob montes, ibi propter declivia, ad varium naturæ situm, variè se quoque castrorum dispositio referebat. Verum in ipsâ hominum & equorum ingenti multitudine, diversi pecorum & animalium generis gregibus, in tentoriorum frequentiâ & splendore, machinarumque bellicarum copiâ, prodibat majestas quædam, spectantium oculos modò ad delectationem, modò ad formidinem provocans. lucebant præcipuorum militiae & Provinciarum Præfectorum speciosa tabernacula, ad instar arcis alicujus moenium artificiosè elaboratâ telâ cincta. micabant passim alibi in apicibus globi deaurati, alibi varii coloris vexilla, alibi aquilinæ alæ, signa item Procerum, equinæ nempe jubæ simi-

V 3

libus

85

libus globis deauratis adornatæ , aut arun-
dini , aut baculo exquisitâ operâ perpolito
affixæ. Nullus autem pecude aut homini-
bus vacuus locus observabatur , imò re-
ferta conspiciebantur interdiu ac noctu-
tam publica , quām privata loca , conti-
nus sine ullo temporis intervallo horis.
tot armentorum genera nunc ex pascuis in
castra redibant , nunc ad pabulum pro-
dibant. Oriente demum & occidente So-
le , innumera illa hominum animaliumque
turba , quotiescunque ad Tyram aquandi
causâ progrederetur, talis exoriebatur pul-
vis , ut id cernentes obrui se caligine puta-
rent. Cæterū si militaris disciplina , quæ
ibi floret , trutinabitur, erubescant necesse
est Christiani , quorum hac in parte pluri-
mi à barbaris superantur. Viget illic sum-
mum obsequium , puniuntur severè rapi-
næ , prohibetur strictè ebrietas , absunt
longè contentiones & rixæ, duella exulant
procul, ac importuni clamores. arma, dum
ex acie redeunt, ab omnibus deponuntur,
ut non castra , sed togatorum urbem ali-

quar

quam ingredi te putas. Ita denique, licet à
Paganis , superstitionis devotionibus suis
invigilatur , ut magnam noctis partem in
eis infumant , horridisque sæpiùs clamori-
bus ad nocturnas supplicationes exciten-
tur. Excubiæ optimo peraguntur ordine ,
& ob varios evitandos casus, ante tentoria
magna tum accenduntur plerunque totâ
nocte duraturæ lampades. Christiani, ma-
ximè Valachi , magno tunc premebantur
servitio. Iis construendi pontis opera &
custodiendi cura erat demandata. Si oneri
succubuissent, severissimis poenis terreban-
tur , non solùm vitâ eos , qui militabant ,
privandi, verùm & gentis reliquias, quæ in
suis regionibus remanserat, ad internecio-
nem delendi.

Legati igitur per media castra , quò
ostentationis causâ à Turcis ducebantur ,
postquam penès Radulonis stativa ad af-
signatum locum pervenissent , repererunt
Valachiæ proceres , qui illos equis de-
scendentes à Domino suo reverenter salu-
tarunt, polliciti sufficientem pro familiâ &

equis

86

*Legatio-
num cum
Palatino
Valachiæ
studia &
officia.*

equis commeatum. quibus responsum est, Regis & Reipublicæ Polonæ ministros nullius rei penuriâ laborare, nec aliquo vi-
ctus subsidio indigere : hospitalitatem tam
men Christiani & amici Principis non re-
spuere. Ut autem in præstandis officiis par
pari Valachiæ Palatino referretur, Petrus
Trzelatkoviæ aulæ Procopii Sieniavii Præ-
fectus, ob singularem prudentiæ & mode-
stiæ laudem, morumque elegantiam, in Se-
cretarium legationis assumptus, Radulo-
nem adiit, ut propensissimam utriusque le-
gati in eum voluntatem declararet, atque
de tempore, loco & modo tractandarum
pacis conditionum, cum illo tanquam Po-
loniæ vicino, & inter duo hæc imperia in-
termedio, fido affectu communicaret.

Veniebat in considerationem, magisne
expediret in tentoriis suis Radulonem ex-
cipiendum præstolari, an eum prævenire.
Sed cùm nemo unquam humanitate pec-
carit, jamque Trzelatkoviæ Valachiæ no-
bilitatis catervâ stipatus, cum eo nuncio
rediret, Palatinum nempe cum toto suo

Senatu

Senatu gratissimorum hospitum adventum expectare ; inurbanum omnino videbatur, in ipsis primordiis aliquam contemptus suspicionem edere. Inde Legati Palatinum anticiparunt, quos ille è tentorio aliquot gradibus progressus, unà cum assistentibus suis Consiliariis humanissimè excepit, ac ad arcanum colloquium invitavit, cui tan-
tum Katerdziejus Kralevensis Banus, pri-
mariæ in Valachiâ dignitatis vir, aderat.
Legati, redditis Lubomirscii literis, nihil aliud primâ hac vice ab eo postularunt, nisi ut sibi ad Vezirazem aditus quam pri-
mum pateret : Qua in re optimâ fide Ra-
dulo egit, & in conciliandâ pace amicissi-
mum se Regno Poloniæ præstítit, partim
quod Christianum profiteretur nomen,
partim quod saevientibus inter Turcas &
Polonos bellis, nec dominatum suum sta-
bilire, nec partas ingentes opes conserva-
re posset. Dilaverius etiam Vezirazemes
civilitatis suæ singularia initia statim exhi-
buit, destinatis quinquaginta Ianizeris, ve-
stitu & corporis constitutione præstantio-

X

ribus,

*Primum
Legatorum
cum Ra-
dulone col-
loquiam.*

*Turcarum
in Polonos
conatus.*

ribus, qui majoris honoris gratiâ legatis obsequium præstarent. Arma tamen & in hoc pacis utrinque studio nequaquam cef-sabant. quin imò Turcæ advectis trans Tyram majoribus bombardis, frequentissimis earum explosionibus partem castrorum ripæ imminentem demoliri enitebantur. Ante portam verò Lubomirscianam equites illorum ultrò adeò se velitationibus immiscabant, ut res ad proelium devenerit, & aliquot Polonorum cohortes, consertis cum hostibus manibus feliciter pugnarint. Simon Kopyczynius, victoriæ fortiter instando, in magnum inciderat discriminem, cuius equus emissariæ hastæ cuspidè transfixus, dominum tamen salvavit. Contrariam agnovit fortunam ibidem interemptus Krinicius cohorti hastatæ Alexandri Prusinovii Palatinidæ Belzensis substitutus. Nimis tunc consternatam fuisse Turcarum aciem vel ex hoc facile notabitur, quòd dum Procopius Sieniavius cum suâ cohorte à munitionibus Chodkievicii ad ferendas Lubomirscianis suppetias vocatus.

tus, aperto campo, graduque & animo intrepido penes ipsa Turcarum agmina transisset, non solum ab illis non aggressus, sed ne laceſſitus quidem, quòd tendebat, pervenit. Mirum quoque contigit, Turcas, cùm ſæpiùs eò & legiones & machinas bellicas dirigere ostentaffent, nunquam tamen oppugnationem *Zvanecensis* castelli tentasse, quod à Valentino Kalinovio Camenecensi Capitaneo, alti spiritus heroë erectum, nec adhuc perfectum, ob fluvii autem oportunitatem & Chotini viciniam ut Polonis multa præbebat commoda, ita ab hoste occupatum non levem intulisset jacturam. Panovcenſem artem, uno miliari à Cameneciâ distantem, magis ad elegantiā & amoenitatē, quā ad Martis opus, ab Ioanne Potocio Palatino Bracławiensi, rerum gestarum gloriâ, & rei militaris peritiâ insigni, extrectam, magno insultu Turcæ oppugnarunt, irritoque conatu à Tartaris illusi inde recesserunt. Cameneciæ etiam situm ex vicinis montibus diligenter speculati, nihilque plus agere ausi,

Armenorum sub titulo S. Crucis facellum
in rupe urbi imminentि situm combusserant.

Dum Legati in castris Osmani morarentur, transibant penes eorum tentoria ex proeliis redeuntes Turcæ, quorum hi mutili, illi saucii, nonnulli obductas cicatrices præ pudore summâ curâ obtegebant; alii commilitonum cadavera, curribus tectis imposita, cursu celeri in propria stativa devehabant.

*Primum
legatorum
cum Dilaverio col-
loquium.*

Atqui Vezirazemes, resarcendæ veteris Polonorum cum domo Othomanicâ amicitiae cupidus, legatos in præsentia Vſaimi secundi Vesirii, & Baccibassæ supremi Thesaurarii ad se accerfit. Castellanus Belzensis barbarorum aures sermonis prolixitati minùs esse suetas, optimè gnarus, paucis verbis, Reipublicæ in conservandis antiquitus sanctis foederibus firmam mentem obtestatus, Dilaverium tanquam supremum consilii Osmani Principem, & ad clavum Othomanici Imperii sedentem sollicitavit, ut in tam salutari utrinque negotio autoritatem suam interponeret. Vix credi potest,

quàm

quàm eum legati accessu facilem, humanitate præstantem, pacis studiosum, cavillationibus inimicum, summam in omnibus dictis & factis fidem ac integritatem præ se ferentem semper agnoverint. Tunc quoque salutatione civili, gestu placido, voce affabili, manifesta statim edidit signa optimæ suæ erga commune pacis bonum voluntatis. Hoc unum à Legatis flagitabat, ut stativa mutarent, atque ea ob commodiora colloquia in suam viciniam, locumque ibidem inter sua & Thesaurarii tentoria assignatum transferrent. Apparebat modò in comitatu, modò in tentoriorum splendore & apparatu, non vulgaris ejus magnificentia, potentissimis quibusque Regibus par, ut quocunque oculos verteres, non Vesrium, fed Monarcham aliquem adiisse te facile censeret. Recta à Dilaverio legati se contulerant ad Imperatoris sacrificulum, & non pridem pueritiæ ejus præcipuum Institutorem, ac inde summâ & autoritate & gratiâ apud Osmanum polllentem. Senio jam confectus, & incurvatus

*Colloquium
cum Hod-
zia.*

X 3

erat,

89

erat, vocem edebat languidam, nullumque penitus animi ostendebat vigorem, imò cùm eum Legati salutassent, veluti simulachrum aliquod, capite immoto, oculis in terram fixis, junctis manibus, lapillos ad instar rosarii, aut coronæ, in filum ordine redactos, tenens, preces suas balbutiebat. Succinctæ Castellani Belzenfis orationi, ad fastidium prolixè (ut vitium ætatis fert) respondit garrulus senex, multas inferendo nugas, ac superstitionis Mahometanæ ineptias. In eo tamen à Vezirazeme nihil omnino discrepavit, quòd in reconciliandâ tot sæculis sacrosanctâ inter Polonos ac Turcas amicitiâ, eandem curam pollicetur. Ut verò de pacis conditionibus facilius colloquium procederet, Radulo à Vezirazeme ad expiscandos Legatorum animos missus, in primis antiquas limitum controversias objiciebat, quæ ut à communibus Commissariis dirimerentur, ab utrinque concessum est. Radulo postea vehementissimè in Cosacos Zaporohenses invectus, severam, ob tot latrocinia, in eos animad-

*Colloquium
cum Radu-
lone.*

animadversionem poscebat. Verùm Legati totius querelæ statum satis fusè illi enuclearunt: Cosacorum nempe licentiæ scaturiginem manare ex continuis Tartarorum incursionibus, quas dum semper fertilissimarum Regni Provinciarum vastitas subsequatur, tanta rusticorum multitudo ad summam egestatem (hæc autem facere & pati quævis rubet) redacta, ultro dominorum suorum jugum excutit, in ipfâ desperatione omnium calamitatum solamen ponit, ac inde proprias domos relinquens, aliena quærit domicilia, partimque vindictæ, partim prædæ cupida Cosacorum signa sequitur. Respublica nihilominus, ne foedera cum Turcis sancita violarentur, frequentissimis edictis & Commissionibus eorum licentiam compescere studebat, parabat sæpiùs & contra contumaces arma, quæ jam pridem in illos convertisset, si vires suæ Tartarorum irruptionibus non fuissent distractæ.

Multò etiam major culpa conjici potest in Cosacos Tanaim accolentes, magno

Duci

90

Duci Moscoviæ subjectos , qui latrocinia sua Zaporohensium titulo velantes , à maritimis excursionibus totâ æstate non cef-
sant. Cùm Palatinus Valachiae Orioviensis & Serocensis regionum recentem devasta-
tionem exprobrasset, serioque de tradendis Osmano Cosacorum primoribus expostu-
lasset: Legati aliam non adducebant excu-
sationem , nisi quòd , post denunciatum à Turcis bellum , hostilia quæque exercere omnium gentium more liceret : priscam verò Polonorum fidem ac virtutem minimè deceret, ut quos in sinum suum contra communis patriæ hostem armorum socios accepisset , eos ad ludibrium Tyranni, non minisque sui perenne opprobrium prode-
re deberent. Si verò Zaporohenses ut fœ-
deris violatores puniendi essent ; eandem mererentur multam Bernascius , Cantimirus , & universa illa Tartarorum collu-
vies. Nodum tamen in scirpo quærebat Radulo , ad varias desiliendo objectio-
nes : Cecorensem etiam Zolkievii expedi-
tionem Turcici belli fomitem incusando.

At post-

At postquam audisset, Zolkievum à Skinner Bassâ provocatum, arma ex patrio solo in hosticum transferre voluisse , illatis rationibus acquievit. Ad extremum id proposuit , quod Legatos maximè afficere intelligebat , ut nimirum Osmano tanquam vix non totius Orbis Domino , loco pendendi tributi , non vulgaris pretii munera Constantinopolim , quàm primùm ex bello rediisset, mitterentur. Tam petulanti & tumido ejus sermone lacefitti Legati responderunt , Rempublicam suam nulli unquam vectigalem fuisse , populumque Polonum per universum terrarum ambitum libertate celeberrimum , ita eam colere , ut cum illius vel minimâ mutatione , suam quoque accessisse periodum existimet : præ hac sibi charissima pignora vilescere ; in hac conservandâ nec fortunis , nec vitæ, nec sanguini parcere. Si Osmanus pristinam cum Sigismundo amicitiam inire cu-
peret ; Rex Poloniæ cum vicino & amico Principe , humanitate & muneribus certaret , ad mutuò reconcilianda vetera studia

Y

&



& officia, non verò ad recognoscendum Turcarum dominium, cùm hactenus Polonia more institutóque majorum his tantum Dominis pareat, quos liberis suis suffragiis ad id dignitatis culmen evexerit. Cessit & invitus Radulo istis legatorum rationibus, nec amplius eos irritando ad Vezirazem rediit, eâ tamen additâ cautelâ, ut in fanciendo födere omittetur mentio eliberandorum Stanislai Koniecpolii campestris Ducis, Samuelis Corecii, Lucæ Zolkievii, Vladimiri Farensbachii, qui sub arctissimâ custodiâ in vinculis uno à Constantinopoli miliari delitescebant; ne fortè Dilaverius altius reputatâ primâ eorum fortunâ ingentem aliquam pecuniā à captivis exigeret; cùm sibi præmanibus sint privata & secretiora media, quibus ii brevi postliminio reverti in patriam possint.

*Vevellii
artes pef-
fmae.*

Constantinus Vevellius, quò technis suis gratiam Turcarum magis adhuc auceparetur, solicitabat Legatos, ut aliquot in castris aut Cameneciæ ob alia

scele-

fcelera capitis damnatos, pro Zaporhensibus, Turcis traderent, & in conspectu suo mulctari eos curarent.

Fabricator ille doli alter Epéus nihil aliud prætendebat, nisi ut ementito rumore, Kofacos jam à Polonis deseri, infenos eos Vladislao redderet, & non contemnendo subficio castra Polona privaret. Sed concepta fraus minimè ei successit, nec dabatur à Legatis locus vafri hominis ludicris rationibus. Aliquoties tamen Radulo, modò per substitutas personas, modò ore tenus, hoc unum fatigebat, ut legati propositas omnes conditio-nes fusciperent.

Iam ad varias persuasiones adjiciebatur & vanus terror, dum per castra promulgaretur, Osmanum sex integris septimanis in continuando bello duratum. Sæpius etiam ostentantes se numerosæ Turcarum legiones, nunc versus munitiones Polonas ire, nunc inde redire fingebant, quamvis aliò eas divertere observaretur.

*Vevellii
artes pef-
fmae.*

172 BELLICO TINENSIS,

Veziraze-
mis secun-
dum cum
Legatis
colle-
quium.

Vezirazemis postquam per Palatinum Valachiæ Legatorum animos frustrà tentasset , tanti Magistratus autoritate plus se efficere præsumebat. Vocatis igitur ad secretum colloquium , vindictam de Zaporohtensibus Cofacis , & perpetuum in mittendis Constantinopolim muneribus tributum urgebat. Nec à gravioribus ministis tunc abstinuerat, denunciando , Osmanum in castris ad festum S. Demetrii , ad medium nempe Novembrem permansurum, in Moldaviâ verò hyberna peracturum, destinatosque Nahajenses, Crimenses, Bialogrodenses & Dobrucenses Tartaros , ut conjunctis cum Valachis , Moldavis , & Europæis Turcis viribus, ditiones Poloniæ totâ, sine intermissione, hyeme infestarent, atque Osmano primo vere cum ingentibus ex Africâ & utrâque Asiâ collectis copiis Polonorum fines transgressuro faciliorem viam struerent. Quum hæc verba Vezirazemes protulisset , fixis in Legatos oculis, summâ diligentia gestus illorum considerabat , ac ut magis consternatos redderet, infe-

LIBER TERTIVS.

173

infectis rebus liberum iis in sua castra redditum indixit. Castellanus Belzenfis tumidæ barbari hominis orationi modestè , at generosè respondit. Communem nimirum hactenus in istâ expeditione Martem , dubiamque ejus aleam esse ; & cladem & victoriam in arcano fatorum sinu pendere , nullamque adhuc apparere causam tam Turcarum fastus , quâm alicujus Polonorum metus : ad libertatem natam , libertatiique assuetam gentem suam , extrema quævis mala citius passuram , quâm indomitam divinâ providentiâ per tot ætates cervicem , foedissimi servitii execrabile in pendendo tributo jugum subituram. Tali finito responso assurrexerunt Legati , & valedicendo Vezirazemi gratias eidem agere cœperunt , quod in iis suscipiendis, tractandis , & nunc remittendis dignum magno Principe fidem , omniumque gentium jura sacrosanctè servasset. Obstupefactus ille conticuerat, & dum Legatos intrepidos , propositique sui tenaces conspexisset, apprehensâ familiariter utriusque

Y 3

manu,

93

manu , ut remanerent , flagitavit , atque exinde in tractandis reliquis pacis conditionibus mirum in modum facilem se præbuit.

Ad peragendum hoc pacis negotium non parvum momentum attulerant largitiones Reipublicæ nomine tam ipsi Dilaverio , quām aliis intimis Osmani Confiliariis promissæ. Turcæ enim naturâ ad nimiam cupiditatem proni , ac eò lucravidiores , quod ex infimâ in summam fortunam à Tyrannis suis plerumque evehantur , communi omnes vitio , auri nempe sacrâ fame laborant. Magnâ quoque Legati distinebantur deliberatione , cujusnam precii munera Osmano offerenda essent , non ut ea inter pacta inferere consentirent , quod omnino inferius gentis Polonæ gloriâ judicabant , sed ut per Legatum , ad confirmando foedera Constantiopolim iter suscepturnum , à Sigismundo amico Principi mitterentur : cum præser-tim Osmanus præter ætatem , imò contra sublimem , quem præ se ferebat , genium ,

sum-

summæ avaritiæ angustiis premeretur , & minimâ spe elegantioris , supellectilis ille-ctus , innatæ cupidini Imperatoriam etiam postponeret dignitatem. Sobiescius itaque , quod cum Vladislao & Commissariis eâ de re commodius conferret , consensu Vezirazemis intercedente , in sua castra est profectus. Antequam tamen è tentorio ejus discessisset , serio de prohibendis Tartarorum in Polonię excursionibus expostulavit , id maximè procurando , ut ob summam Turcarum conniventiam , fine foederum violatione , liceret Polonis has , ubi Tartari degerent , regiones depopulari. Ingratis Vezirazemes auribus exceptit Sobiescii sermonem : Tartaros Othomanici Imperii subditos , eorumque domicilia in ditionibus Osmani esse sita ostendebat : ac proinde si quid Poloni contra Tartaros molirentur , bellum cum Turcis recrudesceret : severum autem in Chamum Tartarorum à supremo Domino elatum edictum pro maximâ vindictâ Polonis sufficere posset.

*Sobiescii
in castra
Polona
profectio.*

*Kossakoviis
in castra
Polona
cum com-
meatu re-
ditu.*

Lega-

94

*Kossako-
vii in ca-
stra Polo-
na cum
commeatu
reditus.*

Legatis apud Osmanum commorantibus , Nicolaus Kossakovius Capitaneus Visnensis , redierat in Polonorum castra, commeatu Cameneciâ advecto , recuperatis nonnullis ex nobilitate Volhyniæ capti- vis , atque profligatâ non contemnendâ Tartarorum manu , qui obseffis omnibus inter Cameneciam & Braham viis , incautè Kossakovium progredi arbitrati , impetum in eum fecerant ; sed spe frustrati , móxque fortiter repressi , & more suo dispersi , reliquum Kossakovio iter tutissimum præsti- terunt.

Avidissimè expectabatur à Turcis Sobiescii redditus , qui altero die ad Castellatum Belzensem reversus , restaurandæ antiquæ amicitiæ causâ , digna Osmano à Rege Poloniæ missum iri munera polliceba- tur , dummodo is eâdem humanitate cum vicino Principe certaret. Deliniti ejusmodi declaratione barbarorum animi , magno ardore cœpta pacis consilia agitabant : ni- hilque omnino ad flagrantia eorum vota deerat , nisi ut legati ex veteri consuetudine

Osma-

Osmano salutato conscriptum fœdus tradi- fibi postularent. Convocaverat Dilaverius *Tertium
Legato-
rum cum
Veziraze-
me Collo-
gium.*

alios Vesfrios , Thesaurarium , Supremum omnium causarum Iudicem , ac universum Osmani Senatum. Ejus coronâ cinctus , ut pro Tribunali Vezirazemes sedere solent , ita tunc eas omnes cum collegio suo tam in vestitu , quàm in aliis rebus adhibuerat solennitates. Venerant in ejus tentorium Legati cum Stanislao Suliszevio , qui , ad exequendum Ordinarii Nuncii munus de- stinatus , Osmanum Constantinopolim co- mitari , ex vigore recentium pactorum , de- bebat. Aderat & Dziembergereji Tartaro- rum Chami Cancellarius. Hilares Procerum illorum facies denotabant singulare san- ciendi cum Polonis fœderis studium. Mul- ti enim senio confecti , aut ob longinquum iter tædio consumpti , tum aëri Polono minimè assueti , omnes verò appropin- quantibus cœli injuriis deterriti , nihil aliud quàm ex bello missione intimes pectori- bus desiderabant. Vezirazemes , reliquis ta- centibus , & solo nutu verbis ejus annuen-

Z tibus,

tibus, sic Legatos alloqui coepit: Viri Poloni, quod bonum, faustum, fœlixque utrique potentissimo Imperio fit, interrumpam inter Reges Poloniæ & domum Ottomanicam amicitiam, nunc iterum coalescere videmus. Inviolatas à nobis fore pactorum conditiones, spondemus: Vos, ne perjuriis fidem vestram contaminetis, prospicite. Mox autem ad Invictissimum Imperatorem patebit vobis aditus, quos ille, ut fraternos Legatos aspectu dignabitur.

Ad Dziambergerei postea Cancellarium conversus, in hæc verba prorupit: Præsentem te esse hic volui, ut confectæ pacis conditiones non ignores, atque nomine Osmani, ante cujus faciem pulvis & Scabellum pedum Domini sui est Tartarorum Chamus, severissimum ei edictum denuncies, ne amplius infesta arma Regno Poloniæ inferre audeat. quod si tanti Imperatoris mandata contempserit, non solum dominio privabitur, verum etiam capitis poenam luet. Flexis genibus Tartarus ver-

bis

bis Dilaverii attendebat, & antequam vocem emitteret, inclinato prius ad terram capite, hoc unum inculcavit, ut Tartarorum cum Polonis limites terminentur, loco & fluvio in desertis campis celebri, quem Sina Woda vetustas appellavit. Respondit Vezirazemes: Nulla h̄ic de finibus Regnorum mentio fit. Tartaris incumbit jussa Imperatoris mei capeſſere, non verò ea intrudere, quæ ad præſentem negotii statum nihil omnino pertinent.

Colloquium id cum Legatis egregiâ civilitate Dilaverius finivit. acceptis enim operâ Asiaticâ figulinis vasculis, omnes, qui aderant, Vezirii & Bassæ assurgentes, adjunctis multis pro utriusque gentis concordiâ comprecationibus, usitatâ Turcis potionē ad elegantiam & saporem confectâ, Legatis propinarunt.

Dimissus Legatus, equis ascensis, antecedebat Legatos, qui cùm ante Osmani tentoria pervenissent, paulum substinerant, donec eos Dilaverius ipse introduxisset. Magnum, quocunq; spectares, Tyranni fastum,

*Aditus
Legato-
rum ad
Osmanum:*

Z 2

sum-

96

summâ potentîâ & rarò visâ majestate plena omnia contemplari ibi licebat. Eminebant in edito colle Osmani tentoria, ad instar alicujus castelli, non solum ad belli usum, sed & amoënitatem voluptatémque erecta: comparebant porticus & deambulationes: hîc secreta cubicula, illic latè patentia atria, ut Legati viderentur sibi videre aliquot Regum palatia in florentissimâ pace fabricata, non verò unius Imperatoris militare domicilium. fulgebant globi deaurati, alii ex puro auro congesti, sericei funes, tentiorum parietes intertexto auro splendidi, ac stragulatæ vesti similes. Spatium illud, quod à Dilaverii stativis ad Osmanum extendebatur, Turcarum mirantium multitudinem vix capere poterat. non ætas quemque, non valetudo, non aliqua occupatio retardavit, quin spectaculo insperato occurreret. remissi etiam à Vezirazeme Ianizeri, impellebant eò maximam varii generis hominum turbam. Ianitores, atque eorum Præfecti, argenteos baculos in manibus tenentes, holosericeisque vestibus

stibus induiti, aditum Legatis ad Osmanum præparabant. Cæteri Sacerdotum, militiæ, Aulicorum, Cubiculariorum, Scribarum ordines, compté & eleganter vestiti tantæ pompæ assistebant. Sedebat Imperator in suggestu preciosis pulvinaribus strato, framea atque duo cum pharetris extensi arcus à tergo pendebant. Stabant mimi ac Eunuchi, arcanarum palatii libidinum ministri. Idolum ipse magis, quam hominem repræsentare videbatur. Corpore enim & gestu immotus, nullum penitus comitatis signum edidit. aquilinus tamen nasus, color subfuscus, exorrecta frons, elati oculi generositatem in eo quandam denotabant. Vezirazemes & reliqui proceres, tanquam abjectissima mancipia, demissis oculis, protensis ad terram cervicibus, junctis manibus, extremi servitii miserabilem speciem præbebant. Vocati ad osculum Imperatoriæ vestis (ut mos aulæ Ottomanicæ fert) Legati, unâ cum Szuliszevio, Radulone Palatino Valachiæ, Constantino Vevellio, & ex suâ familiâ non-

nullis, Osmanum salutarunt. Statim ultimus ex Bassis Lubomirscii epistolam à Sobiescio accepit, & eam ordine per manus collegarum suorum Vezirazemi tradidit, qui illam procidens ante Osmanum, inter pulvinaria, quibus fulciebatur, imposuit. Peractis his ceremoniis, Castellanus Belzenensis à Vezirazeme interpellatus, ut brevibus verbis Osmanum alloqueretur, ita exorsus est.

*Castellanus Belzenensis
Osmanum alloqui-
tur.*

Ea, Serenissime ac Invictissime Imperator, Clementissimi Regis nostri, & totius Reipublicæ constantissimaque semper meus in retinendâ veteri tum Augustissimâ Othomanicâ domo amicitia extitit, ut etiam inter arma, ac in hoc, quem vidisti, belli furore, salutarem utrique populo pacem meditaretur, & certos Commissarios assignaret, qui restaurandi antiqui foederis potestatem nunc haberent; quod cum jam prævio numine, & singulari Dilaverii Vezirazemis tui prudentiâ ac solertiâ confectum sit, Rempublicam Polonam constitutam pacem in suo robore conser-

servaturam fide jubemus, minimeque dubitamus, te majorum tuorum gloriam ac res gestas hactenus æmulatum, eorum quoque exemplo integrum cum regno Poloniæ pacem colere non recusaturum.

Cum nihil Osmanus præ majestate Castellano Belzenfi respondisset, Legati jam ex tentorio egressuri, munera nomine suo ei obtulerunt, inter quæ præcipua erant framea & aliquot bombardæ elaboratâ operâ factæ, quæ Castellanus Belzenensis ornaverat aliquot verbis eum in modum prolati: Optimè novimus, te summis opibus affluentem Imperatorem, auro, gemmis, & pretiosâ suppellectili non indigere: nec ea nobis in bello, ubi ferrum maximè tractatur, præ manibus sunt, sed arma, quibus in propugnandâ patriâ utebamur, hæc tibi amico jam & socio Regis nostri Principi offerimus, fidaque vota adnectimus, ut post præsentem Othomanici & Poloni Imperii arctissimum nexum, cedant tibi in communis hostis

hostis nostri cladem , & tuam insignem victoriam.

*Triumphi
undique
ex confe-
cta pace.*

Publicæ lætitiæ, quam ex sancito foede-
re universus Turcarum exercitus gestabat,
præclara sequenti nocte edita indicia con-
speximus. Quotquot enim in amplissimis
Osmani castris numerabantur tentoria, tot
in apicibus eorum accensæ candelæ , per
colles & declivia, ac ipsam planitatem, cum
incredibili oculorum voluptate , tanquam
aliquæ stellæ sereno tunc cœlo micabant.
Zaporohenses , animadverso barbarorum
triumpho , sclopeta sua sigillatim explode-
bant. idem egerunt in castris suis Poloni.
atque non exiguo temporis intervallo
continuus ille durabat fragor, qui etiam ad
Turcarum aures pervenerat.

*Collo-
quium
Legato-
rum cum
Veziraze-
me.*

Conquerebatur sæpiùs Vezirazemes, mul-
tos ex Christianis ortos , Turcarum alum-
nos passim ad Polonos aufugere : in qui-
bus investigandis & extradendis variæ ob-
servabantur difficultates. Id verò præcipue
à Legatis exigebat, ut Poloni primi de Of-
mani provinciâ , quam ut hostes ingressi
sunt,

sunt , decederent, castraque sua trans Ty-
ram moverent. Nimis periculosa hæc con-
ditio videbatur , ne Turcæ Vladislai exer-
citum plurimis calamitatibus attritum , &
viribus suis diminutum cernentes, mutatis
ex occasione (qua bella plerumque con-
stant) animis hostilem in eum impetum
molirentur. Multas idè & speciosas quæ-
rebant excusationes , ac primùm objicie-
bant tædiosam temporis protractionem, in
expectandis curribus suis , equis & cæte-
ris impedimentis ob diuturnæ obsidionis
metum in Poloniam avectis. nec minus
prætendebant gentis Polonæ decorum ,
cùm ex consuetudine militari , qui primi
campum ingrediuntur , postremi ex eo de-
cedere soleant.

Ostendebant , quantum moræ in trans-
itu Tyræ exercitui numero & appa-
ratu belli aggravato infumendum es-
set. ad extremum non vanam indu-
cebant considerationem , si Poloni pon-
te Turcico uterentur , verendum ne
in tantâ Turcarum in stativis suis

A a

per-
99

permanentium viciniâ , intervenirent ex ambabus partibus calonum & lixarum contentiones , quæ ex parvis scintillis magnum incendium excitare , & soplum bellum iterum fovere possent. Vezirazemes, ut hanc suspicionem depelleret , Ianizeros ad custodiendum, ne destrueretur, pontem, & omnes rixas avertendas destinaturum se pollicebatur. quod postea præstítit , rarâ inter barbaros fide, & singulari casuum humanorum exemplo. Nam Turcæ , qui ad delendum Polonum nomen , magno sumptu & diffílici opere pontem supra Danubium fabricassent, ii brevi post, fatis consilia mortalium revolventibus , ponte suo, qui fines Podoliæ attigerat , hostibus domum redeundi commoditatem præbuerunt. Tandem ne tempus altercationibus eluderetur , nunciaverunt Dilaverio Legati , castra Polona trans Tyram moveri , multaque trans fluvium apparare tentoria , quæ hominibus & equis vacua , ad fallen-dos Turcas , extendi ad Braham Lubomir-scius jussérat. Quamobrem unicum jam

super-

supererat , ut conscripta ad amissim pacta Legatis traderentur: quæ pari reverentiâ ac humanitate manibus ipsius Vezirazemis porrecta Castellanus Belzenfis accepit. atque ea breviter hîc annotare non incongruum censuimus.

Stanislaus Suliszovius, tanquam venturi Legati Internuncius , Osmanum Constantinopolim comitabitur : Ianuæ Imperatoris Cubicularius ad Sigismundum Regem Poloniæ maximis itineribus properabit, ad conducendum , & cum summâ dignitate excipendum Polonorum Legatum : Hic verò quam primùm fieri poterit , ex Viris genere , autoritate & prudentia excellentibus destinabitur : Veniet cum eo Regius Secretarius , qui , more ab aliis Christianis Principibus recepto , in aulâ Osmani commorabitur : Navigatione Borysthenis Ko-zaci Zaporohenses à Polonis prohibeantur : & si de aliquâ subditis Osmani illatâ ab ipsis injuriâ expostulabitur , graves illis injungantur poenæ : Tartari Biallogroden-ses , Tehinenses , Kilienses , Dobrucenses ,

A a 2

Cri-

Crimenses, ab incursionibus in Regnum Poloniæ omnino abstineant: ab Osmano verò transitu Oczakovensi arceantur: Quòd si alicui Polonorum damna intulerint, ea omnia recompensent, & Chamus Tartarorum severè ab Imperatore Turcarum tanquam à Domino suo puniatur: Huic tamen ab utrinque Edicto non subjaceant ii, qui piscationis & venationis causâ per desertos campos vagantur: Tartari quando ad finitimas regno Poloniæ provincias Turcica signa sequentur, ditiones Poloniæ ne invadant.

Ad componendas limitum controversias, ex utrâque parte Commissarii Iudicio & experientiâ pollentes assignentur: Rex Poloniæ Tartarorum Chamō solitum stipendum solvat, atque id Iassos advehi jubeat, unde certior redditus Chamus Legatos ad ea quæ sibi conferuntur recipienda mittat, & more majorum suorum ad bellum à Rege Poloniæ vocatus arma pro Republicâ Polonâ sumat: In præfecturam Moldaviæ promovantur

veantur Christiani ab omni Avaritiæ suspicione alieni, pacis studiosi, utriusque Imperii saluti ac tranquillitati addicti: Arx Chotinensis Palatino Moldaviæ tradatur: Commercia inter Osmani & Sigismundi subditos libera, & tutæ mercatoribus viæ præstentur: Amici & hostes communes reputentur: Pristinum robur vetera pacta retineant, moderna inviolata permaneant: Quicunque autem ea violare ausus fuerit, PER IVRVS ESTO.

Pactis talibus receptis valedicturi Dila-
verio Legati, Stanislaum Suliszevium, tan-
quam Regis sui Internuncium, & eximiæ
dexteritatis virum: plurimùm commen-
darunt, ac ut in hoc suscipiendo cum Os-
mano itinere, patrocinio ejus protegerez-
tur, obnixè flagitarunt.

Summo postea mane, sine clamoribus & strepitu, tot gentium colluvies, tam-
que ingens exercitus, stativa sua uno
versus Prutum miliari retrò movere cœ-
pit: anteibant numerosis agminibus re-
fertæ excubiæ primæ, postremæ pari nu-

*Recessus
Turcarum.*

190 BELLI CHOTINENSIS,

mero in monte aliis eminentiore collocatæ, copiarum suarum reliquias expectabant: reliqua multitudo, nullo penitus observato aciei ordine, inter carros & mulorum ac camelorum onustos greges tendebat: curribus coopertis vehebantur decrepiti senes, & morbis ac vulneribus affecti milites; exportabatur commeatus varii generis abundantia, pulveris tormentarii & globorum ea copia, ut magnam partem Chotini asservari Dilaverius jussisset. Osmanus cum Senatu, Magnatibus ac Aulicis suis, occupato in medio exercitu loco, paulatim progrediebatur. Statim ac Turcæ recessissent, Legati in Polonorum se castra contulerunt. Currebat in conspectum eorum, omnium militiæ graduum turba. Erant, qui exultantes spargerent voces, venisse tandem malorum finem, appropinquare jam missionem suam, non plus se coeli injuriis, vigiliarum molestiis, inediæ, siti, variisque morbis expositos fore. Ob restitutam Patriæ pacem, laureatum unumquemque in eam redditum, illis parentes & fratres, his

*Redditus
Legato-
rum in
sua ca-
stra.*

uxo-

LIBER TERTIVS.

191

uxores ac liberos in complexum occursum, quod tot charissima simul pignora è faucibus fati eripuissent. Vladislaus refocillatis parùm viribus prodierat in publicum, ad audiendum die nempe Dominico venerandum Missæ sacrificium, atque vix tentorium ad devotiones peragendas assignatum ingressus erat; cùm oportunè ibidem lœtissimus ad eum de reditu Legatorum, & confectâ pace, nuncius advolaverit. nec inde discessit, donec convocato universo castrensi Clero & Exercitu, laudante Dominum, psalmos decantante, supplex ipse divinæ majestati gratias redderet. Mox Andreas Szoldrscius Præpositus Gnefensis, rei gestæ & feliciter peractæ seriem Sigismundo deferens, celerrimo se itineri accinxit. Sobiescius, Matthæo Lesniovio Succamerario Belzeni assumpto, à Vladislao & aliis Commissariis, fœderis conditiones Cozacis Zaporohensibus, datam exolvendo fidem, quod urgentibus Turcis, ut ad enormia supplicia præcipui illorum traderentur, Legati tamen securitatem eo-

*Szoldrscii
ad Regem
profecitio.*

*Collo-
quium
Sobiesciis
cum Coza-
cis Zapo-
rohensibus.*

rum

102

rum cum dignitate Reipublicæ conjunctam defenderunt , nihilque pactis inscribi permiserunt , quod Zaporohensium Exercitum labe aliquā deturpare posset. Totius denique Reipublicæ nomine , tam Konaszevicum , & alios in Magistratu constitutos , quām universam plebem admonuit , ut pactis starent , & à Piraticâ exercendâ in Ponto Euxino , & mari Imperio Othomanico subiecto abstinerent. Paucis , atque ad humilitatem compositis verbis respondit Konaszevicius , infimos se Majestatis Regiae & Reipublicæ servos esse , nec ullā in re publicis edictis refragari aut velle , aut posse. Cum tamen Konaszevicius de exercitus retro ducendi modo ac ratione à Vladislao exquisitus , crastinā die consilium suum explicaturum se promisisset ; in scio Principe & Lubomirscio , seorsim primus cum summā omnium Polonorum indignatione Tyram transiit.

Venerat Caterdziejus Banus Czalevensis in castra Polonorum à Radulone , postulans , ut pactorum exemplar , quod

quod Legati Vezirazemi dederant , propriisque manibus subscriptum sigillis suis obsignarent. quod dum statim obtinuisset , arce Chotinensi à Zbigneo Silnicio receptâ , & Constantino nobili Moldavo in Præfecturam ejus substituto , ad Osmanum rediit.

Apparebat lamentabilis , & hostium etiam commiseratione digna redeuntis Poloni exercitus facies : flos ille in maciem & pallidos vultus , equorum apparatus in squalorem , equitatus in peditatum versus , congestæ in exiguos manipulos numerosæ non pridem copiæ , lachrymas intuentibus extorquebant. Procedebat magna curruum pars , victu , militari ac domesticâ supellecstile vacua ; efferebantur passim mortuorum cadavera , alii mutili , alii ob tot molestias exangues gradum ex castris pedetentim trahebant , portabantur in vehiculis nonnulli variis morbis vexati : multa signa , plurimæ aquilæ , at sub iis rari commilitones numerabantur. Ac his tamen calamitatibus oppressi , pauci disciplinam ser-

B b

vabant:

*Redditus
in Patriam
Poloni
Exercitus.*

194 BELLI CHOTINENSIS,

vabant: adeò enim omni obsequio & ordine soluti ad transeundum Tyram prope-
rabant, ut non Polonorum redditum aut
receptum, sed turpissimam fugam spectan-
tes de longinquo hostes facile judicarent.
Multi temeritatis suæ luerunt poenas, mo-
dò à Tartaris inter virgulta & declivia
prædæ inhiantibus, modò ab ipsis Cosacis
Zaporohensibus vitâ ac residuis facultati-
bus spoliati.

*Turcarum
pons.*

Egregiâ commoditate Polonos juvit
Turcarum pons industriâ operâ constru-
ctus.

Fixa erant ad reprimendum rapidissi-
mi fluvii velocem impetum ex densis trun-
catis arboribus retentacula quædam, ta-
bulatum firmis arboribus ad mensuram in-
nixum, terraque cooperatum, grave illud
fustinebant pondus: compactæ ab utro-
que latere contignationes, & transeunti-
bus securitatem, & operi elegantiam ad-
debant. duæ etiam extabant januæ, ad
claudendum & aperiendum pontem ædi-
ficatæ.

Li

LIBER TERTIVS.

195

Lithvani jam trans Tyram Vladislauum
præstolabantur. Tartari interim à viâ Ca-
menecensi divertentes ex latibulis suis Po-
lonos laceffere conabantur, imminebánt-
que nonnullis cohortibus. sed ex familiâ
Sobiescii aliquot nobiles ad eos prorupe-
rant, & cum Ioannes Gduszynius unum
cepisset, cæteri majorem Polonorum ma-
nipulum latèrē alicubi credentes, terga
subitò verterunt.

Excitatus in exercitu irrumpentis hostis
rumor, ansam dederat, ut hastatæ ali-
quot cum omni ferè peditatu cohortes
Vladislai currum, quo æger vehebatur,
cingerent.

Intempestivâ nocte, multis frenden-
tibus, valetudinarius Princeps ad Zuan-
cum substítit: nec castra tunc suo ordi-
ne & loco disponebantur, cum alii in al-
terâ amnis ripâ ad pontem Turcarum per-
noctassent, alii huc & illuc erronei va-
garentur. Vladislai itaque quieti, & re-
liquis coadunandis copiis dato sequen-
ti die, tertio postea Cameneciam

B b 2

per-

104

*Tartaro-
rum co-
natus.*

Tartaro-
rum in
Poloniā
incurſio.

perventum est. Szoldrseius verò Præpositus Gnesnensis Leopoli Regem repererat, qui Minoris Poloniæ Palatinatibus collectis , expeditionis generalis residuum præstolabatur. Magnam Russiæ provinciis ad tempestivum adventum remoram Tartari attulerant , quorum ferociâ fumantes pagi edebant se & in ipsius Sigismundi iter per agentis conspectum. Nuradinus enim Chami frater ultimus , positis suis stativis in Kozloviensibus , & fundi Zloczoviensis , Zboroviensibus ac Iarczoviensibus campis, in Russiæ, Volhyniæ & Belzensem terras , severissimas fecerat excursiones , villis & oppidis incendio undique consumptis, abactâ equorum ac pecudum opimâ prædâ, abductâ in servitutem tantâ rusticorum utriusque sexus multitudine , in vincula conjectis ex nobilitate plurimis , mancipiorum Polonorum gemitu Turcarum castra impleverat.

Restauratum cum Osmano foedus ini-
quiùs se ferre Rex ideo fortè simulabat, ut
hoc apud Turcas rumore , nominis , & a-

id bellum adventus sui , expeditionisque Regni famam augeret. Quod minimè sine dubio hostes in stabiliendis pactis permoverat , dum iis captivi ipsi inauditum hæc tenus universæ Poloniæ apparatum denunciarent. Cæteri Polonorum status , & privati tam summorum , quām infimorum lares, ingenti lætitia desideratissimum pacis nuncium exceperunt. Ac Gregorius XV Pontifex Maximus , VI Idus Octobris, quibus Osmanus opprobrio suo satiatus recessit , festum hunc & publicis supplicationibus sacrum diem toti Poloniæ Regno indixit.

Tu igitur , ô Patria mea charissima , humiliter prostrata , venerare Statorem , Liberatorem ac Conservatorem D E V M tuum , qui te , deficientibus humanis consiliis , nutantibus omnium animis , orbéque terrarum stupente , dexterâ Excelsi ab extremo interitu vindicavit , desperatam tibi salutem restituit , & aversâ clade , insigni triumpho Sarmaticam gentem ornavit. D O M I N V S N O M E N E I S T.

Quare supplex largitorem omnium bonorum, ad Thronum ejus procidens, votis onera, ut in nominis sui **GLORIAM**, rerum eo bello gestarum felicem memoriam, Legum & Libertatum intactam basin conservet, totque collatis beneficiis addat perpetuitatem.

F I N I S.



18. BELL. CHOTINENSIS. TAC. III.

Quare supplex largitorem omnium hominum
ad Thronum ejus precessit, vestis
onera, ut in dominis fuit. Gc. o. x. xv.
rum eo bello gestum. Eutem de morte
Legum & Libercrum. Iacobum bolos con-
ficeret, respondebat bonorum regis
perceptum.

